



Kukatuka naKuzachila

Ruhi Instituto



Book 2

Kukatuka naKuzachila

Ruhi Instituto

Book 2 Luvale

Kulikava cha Mikanda

Mwishi muli uputukilo wavihande vyavihya vinalikave. Mikanda eyi yatela kuyizachisa nge kulikava chachinene cha kulilongesa mujingolo jize jakutamo mwomwo wakuzundula uswa wavakweze hamwe navakulwane mangana vazachile vikungulwilo vyavo. Ruhi instituto yili nakukolesa cheka kuvula chamikanda yakulilongesa yalinunga kufuma mumukanda wamuchitatu mukulinunga chamikanda mwomwo wakuhana uswa muli valongeshi mukutangisa chachiBahá'í chavanyike vavandende nawa nakuvula chamikanda yalinunga kufuma mu mukanda wamuChitanu mwomwo wakuhana uswa muli vaanimadores vamazavu atumbululu twavakweze. Eyi nayikhiko vanayivuluka mwishi. Chatela kumona nawa nge oumukana wamikanda unahase kwalumuka kweseka nakuya kulutwe mukukuluwila mumilimo, namitwe yavihande vyavihya nayikalihakila kweseka nanambala yakuvula chavyuma vyakulinangula, vize vili mukuvikolesa vihete museteko yakuvilovola.

- Book 1 *Kushishikisa haMwono waShipilitu*
Book 2 *Kukatuka naKuzachila*
Book 3 *Kutangisa chaVanyike Vavandende, Mango 1 (muthango)*
Kutangisa chaVanyike Vavandende, Mango 2 (muthango)
Kutangisa chaVanyike Vavandende, Mango 3 (muthango)
Kutangisa chaVanyike Vavandende, Mango 4 (muthango)
Book 4 *Vathemesa Vavali Vakulikava*
Book 5 *Kukasununa Jingola jaVasanda*
Kukafwa Chakavanga: Chilongeselo Chakavanga mumuthango wamukanda 5
Kutanduuka Mukujingumuka: Chilongeselo Chamuchivali mumuthango wamukanda 5
Book 6 *Kutangisa Liuka*
Book 7 *Kutambuka hamwe Mujila Yakuzachila*
Book 8 *Chivwasano chaBahá'u'lláh*
Book 9 *kutambula Chimweno Mukwanuka*
Book 10 *Kutunga Vikungulwilo Vyakukola*
Book 11 *Luheto Lwakumujimba*
Book 12 *Uthanga na Chikungulwilo*
Book 13 *Kulihaka muMilimo yaKuzachula Ngalila*
Book 14 *Kuwanyika Kuvihande vyaMungalila*

Copyright © 2024 by the Ruhi Foundation, Colombia
All rights reserved. Edition 2.1.2.PE in Luvale published in December 2024

Originally published in Spanish as *Levantémonos a servir*
Copyright © 1987, 1996, 2020 by the Ruhi Foundation, Colombia
ISBN 978-958-52941-0-3

Permission for a limited printing of this book in Luvale has been granted by the Ruhi Institute.

Ruhi Institute
Cali, Colombia
Email: instituto@ruhi.org
Website: www.ruhi.org

Vyuma vili Mukachi

Kushishikisa chindende hali tutor	v
Kuwahilila cha Kutangisa	1
Jiphande Jakulizamikisa.....	21
Mitwe yavihande vyakulikolesa nacho	47

Vishinganyeka Vyavindende hali Tutor

Mukanda ou wamuchivali mukulinunga chivene chavilongeselo vahana kulivaka Ruhi Instituto, washishika hawuswa uze unakutwitaviza kuwanyika mujiphande jajilemu jakulizamikisa. Vilinga vivene vyakuzachila vinakushishikisa muli oumukanda vanavilumbununa muchihanda chamuchitatu. Hakaye akakanalinge ngolo jainene jinakwenyeka kulinunga muvikungulwilo, maukalu amwe anakunehesa kukola chakulimanyina anahase kutepulukako nge chijililo chakutambukila masepa navakwetu muchitungilo kumazuvo avo nakusandasanda mitwe yavihande vyavilemu mukuyoya chamungalila nayalumuka kupwa chisemwa chetu nachivwakana. Kulinunga chawusendo ou nawutunguwa, nganomu chahanjika echi chihanda, chapwilako mwomwo wakukolesa jila yakutungulula vikungulwilo vyakukola nakulivwasana.

Chilongeselo chimwe chakutwalililaho echi chakulimenekela kumazuvo avamwe vase twatunga navo chipwe mbunga, chatondeka yimwe seteko yakuliwahisa nakwingisamo limwe lizavu lyamasepa vanalihakeho avanakukafwa kuli vikhuku vyavinene navikhuku vyavindende vyatala hamilimo yinakutondeka. Hakutetekela limwe lizavo mulwola youmukanda, tutor atela kwijiva mumangana ngwenyi vakakulilongesa vanakuvalongesa mangana vakawanyike kuli ejijingolo jakutwalililaho. Echi kulimenekela vanawahisa kupwa chimwe chihanda chakutanga, chatela kwendesha vakakuwanyika nakulihana mwaka ngemwaka, hikupwa chimwe chachilemu mukuyoya chakuzachila.

Hachijililo chakumenekela kumazuvo nakufwila chakuhona kukhakasana mukusandasanda mitwe yavihande vyavilemu vyakushipilitu nakumujimba hatoma to, yechi kukafwa chisemwa chamuchikungulwilo. Kulema chochimwe muli eyijila muli vyavivulu vyakushimutwila vyasusumuku vyechi kusolokanga kumazuvo nahavihela vyakuzachila, hamashikola nahavisakano nawa. Shikaho, kuhakanga mazu ajila muvyakushimutwila hakumbi hakumbi halwola halwola unapu wana umwe uze watela kuhaka kashishi. Echikukolesa vanachishishikisa muchihanda chamuchivali, nakwala, ngocho, uputukilo wachilongeso nachizachiwa muchihanda chamuchitatu.

Hakulinga kushimutwila chetu namasepa navakwetu twatunga navo chipwenga chakuzamikisa, twatela kupwa vakutamo hakuneha kuwahilila mukujina chetu navakhiko. Ouwukhiko mutwe wachihande vanambulula muchihanda chakavanga, “Kuwahilila chaKutangisa.” Vilinga vyosena vahana kuli vaka ruhi instituto vyatala chikuma hakwazana navakwetu jipela jachinyingi chajila chize tunawane mukalungalwiji kakusoloka chaBahá’u’lláh. Kutanga chachihanda chakavanga chatala hakuhakila chinyingi chakuwahilila chatala hali ou mulimo. Vakakulinangula vanavasanyika

muviwanyino vyavivulu nakushinganyeka halizu IyaKalunga nahakisu yakuwazana navakwetu. Kufuma havilinga evi, vahanjika muli echi chihanda, munakwinzanga kuwaha chechikutwala kulutwe jithambo jetu omu natwenda mujila yakuzachila. Chipwe tuhu, nge chinatulumbunukila mwosena echikukunama chamuchano washipilitu, tunahase kujimbalisa kuwahilila chakutangisa nge katweshi kushinganyeka hakuwaha navilinga evivinahase kuhandununa milimoko. Awa mazu anapu mitwe yakushimutwila mumikanda yakuliseza yili kulutwe mukulikava, olozenyi hano natutalako amwe kaha, kuputuka nakulifumisako hachijinji 7. Mazu ajila amwe akusakula muvasona atunga uputukilo wakushishika hali echi kuwaha, kuwaha chimwe chachilemu chikuma kuchina vize vinahase kutusolokela navitepulula kuwahilila chetu mukuzachila. Chachilemu kumona nge vakakuwanyika, muvilongeso vyavo, vahone kupwa nachinyingi chakuluwa chakumona nge kulifumisako chinalumbunuka kulihenda chipwe kuhona kulilama. Twatela kulihakilako likha mangana tutohwese kuzata chetu nawa nakuhakila kukuzama chetu mukuzachila shimbu tunakulihakilako mukwaha mihako yamwazalikha. Echi chasaka chimwe kwivwishisa chakutamo chasolokeso yangolo, umwe mutwe wachihande vahaka mangana muchijinji 8. Kupwa nalufwelelo nakusakwilila, vilinga vivali vyavilemu mujila yakuzachila, linomu vanayishimutwila muchijinji chinezaho nechikuchikumishilako.

Chihanda chamuchivali chawowu mukanda, “Kushimutwila chaKulizamikisa,” chatala chikuma hawuswa waktwala kulutwe nakushimutwila chasusumuku, nakuchikundamisa kumazu akushipilitu nge thando yinetavila. Kwatwama kulikava chimwe cha unjiho wawihi kutwala havyuma vyavivulu, chipwe, tuhu kawapwile wamazu ajila aveneko, oloze ashindamina haunjiho wa ‘Abdu’l-Bahá kuchinga namazu akwavo azachishilenga. Mukupwa chawo mwose, ashishikilenga hachimweno namawukalu avathu avisekwa vyosena. Lutalililo luli lwakumona nge hakutanga ou unjiho, vakakuwanyika mukutanga valondezeze nganamuze alumbunwinenga ‘Abdu’l-Bahá mazu akushipilitu nakupwa nawa nachijililo chakutala kuli Ikhiye shimbu vanakufwila vawane jipela jaswama mukalungalwiji kakusoloka chaBahá’u’lláh, mangana vevwishise ou ulumbunwiso nakukaluhwa chakunangula cha Yise, kaha nakwazana chakuhona kanengawuli navakwavo vathu.

Hakuwana kufwila cha echi chihanda, vakakulinangula vatela kupwa nathando yakuhituluka muwunjiho maphapa kakavulu, nakuwana ulumbunwiso wavishinganyeka vyacho kuzata nakuvihanjika nalizu lwakukanguka ndonomu navingila kanawa evivishinganyeka chakulinga vanahase kuvihanjika kanawa. Hakuputuka, vamwe navahasa kulama kaha mumichima ouwunjiho nakuwuhituluka kakavulu nganamuze uli hachihanda. Elu nawa hilutalililo. Hakweseka nakujiminyina muchinyingi chalufwelelo nakuwana kukhuluwila chikuma, navakapwa nawuhashi hachimwe kuvula chamazu nakutanduwuka chikuma echi nachikanehesa kushimutwila umwe namukwavo. Tutor

atela kwijivisa ngwenyi kufwila chayino thando chavyuma vivali: kulumbununa tangishilo chakutamo nakusungama muvishinganyeka vya ‘Abdu’l-Bahá.

Omu navalinga vamembala valizavo vanalilongesa lyehi mwakulumbunwiina mazu awunjiho uliwose, hinavaya mumulimo ukwavo muze navakafwila kununga mangana aze vanalinangula navihula vinatale havisaka vyavo, masepa navakwavo muvazachila. Shikaho vanavalombo vashinganyeke yimwe mitwe yavihande navihula navifuma mukushimutwila nakumona yimwe yili nayihana uhashi wakuhaka vishinganyeka mukushimutwila. Chakutalilaho chimwe chipwe vivali vanavihane hali umwe unjiho, mangana visolole omwo mazu ashipilitu ahanjika ‘Abdu’l-Bahá anahase kulumbununa vyuma vyatala hali vathu kujingalila josena. Evi vyakuzata navikapwa vyakutamo nge, hakulinangula Chawoumukanda, tutor mwatesamo nakukafwa hali membala wose ahase kusakula umwe unjiho navathu vamwe vaze mwashimutwila navo havishinganyeka vilimo. Ngocho, hathando yakuliwana vanahase kupwako nalumwe lwola mangana vakakulinangula valumbunune kuli umwe namukwavo kutambuka chavyakushimutwila muze vanalingisa.

Hali unjiho wosena muli echichihanda vanahakemo amwe mazu amuvisoneka vya Bahá’u’lláh mangana apwenga akulama. Akakashishi vahaka vaka instituto hakulama mazu namuchima, chatwamalyehi mumukanda wakavanga mukulikava chayo, vanachihanjika chikuma mumukanda wamuchivali. Vajina nge halwola luno avavakakulinangula vapwenga nachinyingi chawukafo wakushipilitu navatambula hakuneha muvishinganyeka mazu amuvisoneka halwola ngelwola. Mulyowu mukanda, kahawuno, vakhivo navashishikisa chikuma kutwala hangolo jaLizu lyaKalunga mumichima yavathu, kaha muchihanda chamuchivali nechi chamu chitatu, navakalinangula mwakwambulwila mazu navishinganyeka navawana muvisoneka mumazu avo, kaha nge chinatemo kuwahanjika mazu hatoma. Kulumbununa ejitangiso nakashishi, nakuyihana kuli vakwetu vamuchivulu mukupwa chayo chivene, uli uswa umwe twasaka tuvosena kukolesa omu natutambuka mujila yakuzachila. Vishinganyeka vyakava muwunjiho wamuchihanda chamuchivali.

Nganomu vanambulula helu, chihanda chamuchitatu, vavuluka “Mutwe wa Chihande Wakulikolesa Nacho,” watala havilinga vyakuzachila vahanjika mulyowu mukanda chipwe ngwetu, kumenekela masepa navakwetu twatunga navo namuchano wakufwila kulihaka mukushimutwila chachilemu kutwala hachiyoyelo changalila. Mitundu yitatu yakushimutwila nayiwanyika muli echichihanda, kaha hakushimutwila chosena, vahanjikaho mazu amwe akulipwila. Mutundu wakavanga wakwata yimwe mitwe yavihande evi navipwa vyakusandasanda hamwe navathu mumembo, navakwetu muchitungilo muchilongeselo chakulimenekela chakutwalililaho. Chipwe tuhu awa mazu vanatanjika anapu akwazana navamuchivulu vali naliphwila mujila jakuliseza, kufwila

chivene chamitwe yavihande – kuhana vamembala vachisemuko chimwe thando yakujiminyina muchinyingi kutwala haLiuka – chatwalililaho kupwa chachilemu sali yayinene yachechi chihanda, chatala hali ou mutundu wakushimutwila.

Ngocho, chijililo chakumenekela kumazuvo, chinahete hajiseteko jajihya myaka ino, chikumakuma kweseka nakuvula chavathu vanahase kuzata nge vatutor, animador vamazavu atumbululu twavakweze navalongeshi vamashikola avanyike vavandende muvikungulwilo vyavindende, kuya ndo kumembo amadende namujimbaka jahatako. Kuzata halwacho chinasolola ulemu wakulimanyina kechi nge hakufwila kutwala chinyingi cha Liuka kahako, oloze chachilemu nawa mukutanduwula chakutamo vilongeselo vyakukolesa vasanda kushipilitu namukutangisa vanyike vavandende kushipilitu. Ngocho chinalumbunuka hatoma nge va-animadores namilongeshi vatela kupwa nakumenekela chakutwalililaho kuvisemi javakakulinangula muli evivilongeselo vivali nakushimutwila vishinganyeka navihande vyatala halivakhiko. Echi chihande chatunga umwe mutundu wamuchivali wavyakushimutwila, evi vanakushishika ha chijinji 14 na 15. Awa mazu vanahanjika muli evivijinji kechi akutwalililahoko mwomwo vakakulinangula navakawejilila chikuma navyevivilongeselo vivali vyakulilongesa kuvilongeselo vyakulutwe; oloze chinahase kupwa chakuwanyinaho muli eyi thando yakuputukilahoko kuvalingisa vatachikize haulemu wowu mutundu wakushimutwila kaha nawa vakavangize valongeshi javanyike vavandende nava-animadores vamazavu atumbululu twavakweze hakumenekela visemi.

Mutundu umwe wamuchitatu wavyakushimutwila wawanyika hachihanda chakafwako kufwila chimwe chachilemu chikuma. Vakweze vavavulu, malunga namapwevo, vanakutondanga jila yize nayilingisa lipwila lyakufwila kuwahisa Kaye lilumbunuke. Vakhivo vakwechi chimwe chisete chachinene chajingolo jakwalumuna chavandamina, chipwe ngwetu chatondeka kuwana. Vyakushimutwila vimwe mumasepa nakushinganyeka hathando namilimo yinatale kaha hangonde yawukweze najingolo javo josena najingolo jakuhambakana, jinahase kakavulu kulovola vyakushimutwila vimwe kutwala hamilimo nakuzundula lipwila kutwala hamilimo yiliko lyehi mumembo namuvitungilo mwahita kaye kosena. Vakweze vavavulu navetava kukusanyika chakuwanyika kuvilongeselo vyainstituto kupwa jila yakuwanyinamo ngolo mangana vahane kunangula chakushipilitu kumakingo akulutwe kupwa milongeshi vajishikola javanyike vavandende nava animadores vamazavu atumbululu twavakweze. Vijinji 9 na 10 vyasolola vimwe vishinganyeka vinahase kupwa vyakusandasanda hali ou mutundu wakushimutwila.

Hakukolesa ngolo jechi kukafwanga vathu kuputuka nakutwalililaho najiphande jakutamo, echi chihanda chatela, phundu, kuya hahasuku kechi nge vahane kaha mitwe yavihande vyakutanduwuka namazu akutamoko. Kechi jingolo jakulumbununakaha

vishinganyeka kanawako, oloze vakakulinangula vatela kukulisa kupwa chavo navilinga vinakutondeka vyakushipilitu. Echi kupwa chacho navilinga hiwuputukilo wasali yayinene yakuvilika vakolesa muli echi chihanda, olozenyi ulemu wavyo hali ejijingolo vanawulumbununa hatoma hachijinji 4, haze vakakulinangula navakashinyeka manganamuka navishinganyeka vyatela kuzalisa mumichima yetu namangana omwo natuliwahisa mukumenekela, nawa hachijinji 5, haze navakahunanana kutwala havilinga vyakulikehesa. Ou tutor atela kumona nge evivijinji vinatambula kashishi kakutamo kusali yavakakilongesa, chipwe tuhu, tupwenga tuhase kunungila kanawa vishinganyeka ngachili, ulemu wakushimutwila chetu nachikundamina havilinga nakupwa chetu natusolola.

Chachilemu kwijiva nge evi vilinga vyakuzachila vasoneka muli echi kulikava chamikanda, chipwe tuhu chatala hakukula nakukola chachimwe chitungilo, vyapwa, helu lyavyose, vyuma vimwe vyamukutambuka chakusaka kuzundula jingolo jamuthu halwenyi kuhichila mukulilongesa nakuzata. Hali tutor wosena atela kutachikiza ngwenyi evivilinga vyechi kulitunga vimwe navikwavo, nakuvulilako mujila yakutohwa chamukanda umwe nawukwavo. Kulilongesa mwakulingila mulimo wakuzachila mujila yakutamo, chachilemu hajingolo jatondeka hakuzata yikwavo. Kupwa nakushimutwila chakutwalililaho halwola lwakumenekela kakavulu kumazuvo, nganomu vachambulula muli ou mukanda, chambwende vene chatondeka chikuma kuhambakana mulimo vakolesa mumukanda 1 (kuzata amwe majiko amalombelelo akutwalililaho kuli muthu halwenyi chipwe kuzachila hamwe navakwavo vathu). Nawa kechi chachikaluko kumona nge, hakulinga milimo yakuzachila yayinene chikuma kulutwe, nachikapwa chachilemu kumona nge vakakulinangula vanakolesa jingolo vanambulula hano.

Nganomu vanambulula kukuputuka chamukanda 1, vakakulinangula muvilongeselo vya instituto mwahita kaye vafuma kuvisemwa vyakuliseza, kaha hakuputuka, vali nachijililo chatangishilo yaBahá'í havipimo vyakuliseza. Omu navaputuka ou mukanda 2, vosena navapwa nakuputuka jila yakuzachila vasokolola kuli vilongeselo, oloze vihandwa vimwe vinahase kutwalililaho. Chakutalilaho, hali vakweze, tahi nge vanahichi muvilongeselo vyakutangisa vanyike vavandende natumbululu twavakweze, nawunjiho wawuvulu namitwe yavihande vanambulula omu mumukanda navikapwa vyavihya kuli vakhivo, kaha nakuvitanga nayikafwako kukunamisa chinyingi chavo cha Liuka. Hakupwa ngocho, tutor atela kupwa wakulizanga mangana asolwese kulelula nakusungamisa chatondeka mangana kukafwa kwivwishisa chavamembala vosena mulizanzu, nawa halwola lwolumwe oku vanakumona nge kufwila chachinene chachilongeselo, hikukafwa vakakulinangula valihake mukushimutwila jiphande jakulizamikisa, chinahase katesamo. Chipwe ngocho mumakombakaji amembo muze ou mukanda wuli nakuzachiwa, jila yakutunga vikungulwilo vize evi vyasaka kukafwa evivihanda vitatu kechi vili museteko yoyimwe yakukolako. Shikaho, kuhaka mukuzata

vize vili mukulilongesa vinahase kupwa vifwanyisa vyakuliseza mungalila yimwe
nayikwavo, kaha echi, nawa, chalumbununa kuvanguluka nakashishi kaze umwe tutor
natela kukumbulula hakisaka chamembala wose mulizavu hakutanga chajeji jipajina.



Kuwahilila cha Kutangisa

Kufwila

Kwijivisa nge kuwahilila chakutangisa
chatwama mumulimo wakwazana
navakwetu Lizu lyaKalunga

CHIJINJI 1

Kukatuka naKuzachila chikhiko kulilongesa chamuchivali mukulikava chimwe cha mikanda vahana kuli vaka Ruhi Instituto chasaka kuwanyisa kutanga nakulinga. Kufwila chacho chakukafwako kuya halutwe mujila yakuzachila yaputukanga lyehi halwola lwolumwe luze ove nawulikolezeza mangana uwanyise chimwe kufwila chavyuma vyahona kulihandununa: Kukavangiza kukola chove yove yavene kushipilitu namumangana, nakukafwa hakwalumuka changalila. Kweseka nakuwanyika chove mukulilongesa chakavanga, ove unejiva lyehi ngwove eyi jila tunakutongola vanayilumbununa mukulikava chimwe chavilinga vyakuzachila, vilinga tweji kuzatanga kutalisa kukufwila chakuwana kupwa chachihya chakaye, nganomu vachilumbununa muvisoneka vya Bahá'u'lláh. Ngocho vyavivulu twatongola “Kwenda jila Yakuzachila” vyatwama mukuhaka ngolo jetu hakutangisa Chenyi mummyono yetu namummyono yavakakaye. Ikhiye Ivene ahanjika mu Kusoloka Chenyi ngana ngwenyi:

“Enu vangamba Jami! Kujila Chami, Kusoloka chakujila Chami chinahase kuchesekesa nge kalungalwiji ukwechi mukukunama chenye mwaswama malolwa akuhona kulava andando yayinene nawa akuvyakhuma chakuhambakana. Unapu mulimo wawosena uze mwasaka, yavene kutona nakuhakako ngolo mangana ahete kungenge yowu kalungalwiji, mwomwo heka nahase, kwesekesa naseteko yalipwila lyenyi lyakufwila nawa nangolo jize ikhiye mwahakako, awane nganyo nganomu vavyambula mu Mikanda yaKalunga yakusweka nawa yakuhona kwalumuna.”¹

Muli echi chihanda chakavanga vishinganyeka vyetu vinakutalikisa kukuwahilila nachizalisa michima yetu omu natuwana awa malolwa achinyingi atwama kwishi yakalungalwiji kakusoloka chaBahá'u'lláh kaha nawa nakuwazana navakwetu. Mukutanga chove mumukanda 1 ove unamone omu awa malwola awuthetekeli wajila watwama muvasona Jenyi apwa aulangaji wakuhona kuzukila. Tuhunanenenu cheka hali mifunda yikwavo:

“Kuhanjika chaKalunga chinapu linongo, kaha muteteleji wacho unapu awa mazu: Minapu mumihako yamutondo umwe, kaha nawa mafwo a muthango woumwe.”²

“Chuma ngwazanga chikuma havyuma vyosena mukumona Chami wapwa Ungaji, kanda naufumakoko nge wanguzanga Ami, chipwe kanda nawuchivulyamako mangana Ami ngufwelele muli ove.”³

“Lamenu nakashishi vyuma vinakutondeka halikingo munakuyolela, nawa jiphande jenu jitale havyuma vinakutondeka.”⁴

“Vathu vosena vavatengele mangana vahase kutwala halutwe kutona cha kutwalililaho.”⁵

“Kaye kanakuhitanga, kaha yinakutwalililaho zangi yaKalunga kaha.”⁶

“Ove unapu linongo Lyami, kaha muteteleji wacho uli mulyove. Kaha wana kumunyika kufuminyina muli ukhiko, nawa kanda nawutonda wekhako shina Ami kaha. Nawa Ami ngwaketengele upichi kaha nalikoji lyosena ngwechilile muli ove mawana Ami.”⁷

Watela kuhaka mumuchima nakulama awamazu amandende mukuhi chathando.

CHIJINJI 2

Hakuputuka kushimutwila chove kutwala hamutwe wachihande chivene wachechi chihanda, tanga cheka mufunda wakavanga wamazu hachijinji chakunyima kaha zata vyakulinga evi:

1. Manyisa awamazu ali mwishi.
 - (a) Unapu mulimo wetu _____ na _____
_____ mangana _____ ku _____
__ yakalungalwiji kaKusoloka cha Bahá'u'lláh.
 - (b) Twatela kulikolezeza mangana tuhete kungenge yakalungalwiji ka Kusoloka cha Bahá'u'lláh mangana tuhase kuwana _____
_____ nganomu vavyambulula mumikanda yaKalunga yahona kwalumuka.
 - (c) Jinganyo eji natuwana mukalungalwiji kaKusoloka cha Bahá'u'lláh nayipwa kwesekesa naseteko ya _____

2. Yika yalumbunuka “kutona”? _____

3. Yika yalumbunuka “kuhakako ngolo mangana uwane” vimwe vyuma? _____

4. Hali wose uze mwasaka atela kulikolezeza mangana awane yika? _____

5. Yika yalumbunuka ngwavo chuma chili “museteko” nachikwavo? _____

6. Bahá’u’lláh atulweka ngwenyi natukatambula nganyo yamukalungalwiji kaKusoloka Chenyi kwesekesa naseteko yajingolo tweji kulinganga.
- (a) Hanako vimwe vyakutalilaho vyajingolo jinahase kutulingisa tupwenga vakakutambula eyi nganyo. _____

- (b) Hanako yakutalila yajingolo jize tweji kutambulanga. _____

CHIJINJI 3

Hakwijiva nge Kusoloka cha Bahá’u’lláh chili nge kalungalwiji ukwechi mukukunama chenyi mwatwama malolwa andando yakuhona kwesekesa, hali muthu wosena atela kulinga ngolo jajinene mangana awane nganyo yenyi nakukafwa vakwavo

vahete kungenge yacho. Oloze tunahase kulihula ngana ngwetu tuli hahasuku nge muli nayowu kalungalwiji? Bahá'u'lláh ngwenyi:

“Enu vangamba Jami! Ou Kalunga umwe kaha nawa wamuchano Ikhiye chinjiho Chami! Ou wamunene chikuma, ou wakuhona kwesekesa wamakhimba, nawa echi kutohwelangako ali kukamwihi, chikuma kuma vene, kukamwihi nayenu. Talenu ali kukamwihi chikuma nayenu kuhambakana mishisa yenu yamanyinga! Nakuzangula cha kungemwina chenu chaliso munahase, kuwana nge namisaka nakutambula ou wana kawechi kukuma wana ou wakuli Kalunga, ou wakuhona kusweka, wana walikoji lwalinene wakulipwila waupahu.”⁸

1. Ika lyalumbunuka lizu lyakwamba ngwavo: “Ou kalungalwiji wakuhona kwesekesa wamakhimba.”? _____

2. Ali hakamwihi ngachili nayetu? _____

3. Nakuzangula chakufwana ngachili tunahase kuwana ou kalungalwiji? _____

4. Manyisa awa mazu anakavemo:
 - a. Ou kalungalwiji wamunene chikuma wakusoloka chaBahá'u'lláh ali hakamwihi, _____ nayetu.
 - b. Ou kalungalwiji wakusoloka cha Bahá'u'lláh ali _____ nayetu kuhambakana mishisa yetu yamanyinga.
 - c. Nakuzangula cha kungemwina cha _____ tunahase, nge natusaka _____ na _____ yakalungalwiji kaKusoloka Chenyi.
 - d. Nakuzangula chakungemwina chaliso, tunahase _____
_____ kuwana kalungalwiji kaKusoloka Chenyi.

CHIJJINJI 4

Hakupwa tunahete lyehi kukalungalwiji kaKusoloka cha Bahá'u'lláh, tunawane uselewa wamaheta Enyi nakwazana chakukasunuka nawa chakuhona chihandwa navakwetu awa malolwa acho ou uthetekeli wajila, malolwa andando tweji kutwalililangaho kuwana mukutanga chayetu vavene, mukulomba nakuhunana nawa namujingolo jetu hakuzachila Liuka Lyenyi, kaha navathu vamu kaye. Watela kupwako nalumwe lwola mangana ulame mumuchima awa mazu anashisemo-kwanukisa chakutwalililaho chakujila Chawou mulimo:

“Ove ngeji mujila yaKalunga! Mbatako yove chihanda chove chakalungalwiji kawana Wenyi, kaha kanda naulihonesa kuvyuma vyapwa vyakusweka mukukunama chayowu kalungalwijiko. Pwako yove umwe wavava vanawanyika kuli elu luheto lwacho. Lisotosoto limwe lyalyume lyayowu kalungalwiji, linahase nge lyakusotwela hali vosena vali mumelu nahamavu nalihasa kuvapichisa vosena namawana aKalunga, Ou Wakulitulaho, Ou Athachikiza Vyosena, Ou waChinyingi Chakulitulaho. Namavoko akulifumisako nona awameya amwono nakuwasotwela hali vyakutenga vyosena, mangana vavatomesa kuvyuma vyakuhonesa vyosena vyavathu nakuhasa kuswenya kukamwihi nalitanda lyaupahu waKalunga, wayeyi khanda yakujila nakumwinyika.”⁹

CHIJJINJI 5

Halwola tunakuya kulutwe kweseka nakulikava chavilongeselo vya jikhozi ja instituto, kuzata echi kutanga nakulingamo vinakutondeka, ngolo jetu mukuzachila najiliwezela, kaha natupwa vakutamo mukuzata vilinga vyakuzachila evi navineha kuwahilila chachinene mumichima yetu, kaha navitukafwa kuzata echi kufwila chetu chavyuma vivali vyahona kulihandununa – vilinga vili nge kutangisa shikola yakushipilitu yavanyike vavandende, kuhakilako tumbululu twavakweze muvilongeso mangana kuvajikijisa kushipilitu nakukafwa limwe lizavu lyamasepa kutanga mikanda yivene mukulikava chayo. Hakupwa nakwenda muli eyi jila, lizu lyaKalunga, natupwanga nakwazana navakwetu, vapwenga vakweze chipwe vakulwane, nalipwanga lika kasulu kamangana etu. Shikaho chinatela tuhunanane maphapa kakavulu hangolo nawunjihw walyo mumichima yavathu. Muli awa mazu alinakwiza Bahá'u'lláh nahanjika hali eji jingolo ngwenyi:

“Lizu lyaKalunga vanahase kulyesekesa nakamutondo kakandende kanakusoka, kali namiji yinengila mumichima yavathu. Unapu mulimo kuli yenu muukolese nameya akuyoya amangana, chakulinga miji yawo yizame nakukola nawa mithango yawo yitande nakuya kwilu lyamelu nakuhambakana nawa.”¹⁰

1. Lizu lyaKalunga tunahase kulifwanyisa naka? _____

2. Hali vanatumbe miji ya mutondo waLizu lyaKalunga? _____

3. Tunahase kutwala ngachili kulutwe kukola Chawou mutondo? _____

4. Ou mutondo unahase kukola nakusuhwa ndo kulihi? _____

5. Lumbununaho mumazu amandende, mwomwo yika chapwila chachilemu chikuma kwazana navakwetu mazu aKalunga?

CHIJJINJI 6

Twayenu tushinganyekenu havyakulinga vyakuliseza vize vyatukwata mukuyoya chetu hakumbi hakumbi. Tweji kulisanga mijimba yetu; tweji kutanganga mangana tuwane chinyingi chachihya nakuwezela ngolo jamangana etu; twechi kuzatanga nakukulisa ngolo jize najitukafwa kupwa vamembala navakafwa ngalila; tunakulinganga vihemo nakulivwisa kuwaha. Vyakulinga vyavivulu vyakufwana nge evi vyosena vyavilemu mukukola chetu mumangana nachiyoyelo chamwaza kumijimba, yinakumbatanga chihanda chachinene chalwola lwetu. Oloze, khala kumbi nawa kwatwama thando jimwe jajilemu, jakuzata nashipilito, omutatulihana mukulomba,

omunatukuluwisa mangana etu ukhawetu chipwe navakwetu achinyingi chetu hatangiso yajila; chipwe omu, natukafwa vaze vatujinguluka mujijila jakuliseza kuwana malolwa andando aswama mukalungalwiji kakusoloka chaBahá'u'lláh. Ulemu wajeji jithando kechi wakwesekesako? Kwatwamako kuwahilila chachinene kuhambakana kwazana eji jikisu jamumelu?

Twatela kwanuka likha omu 'Abdu'l-Bahá atukolezeza ngwenyi twatela kulihana hakuzovoloka chavakakaye:

“Tuvosena tuli twakulinunga mukufwila chochimwe Chajila, kusaka chetu kacheshi chakumujimbako kaha nawa lipwila lwalilemu chikuma kuli yetu hikutwala Zangi yaKalunga mwalenga kaye.”¹¹

Achesekeko kutala nge naupwa nayimwe thando yakushimutwila nasepa walunga chipwe wapwevo amwe mazu unalame mumuchima ahachijinji 1. Kuli kunakufuminyina echi kuwahilila uli nakwivwa yove mumuchima wove? Chakuhona kukhakasana ove naufwelela ngwove sepa lyove walunga chipwe wapwevo awahilile nawawa mazu aBahá'u'lláh. Inyi nge; kutala Ikhiye kasolwele chize kuwahilila wapwanga nakuvandamina yoveko, echi kuwahilila mumuchima wove nachifumamo? Mwomwo yika?

CHIJJINJI 7

Omu natwijivisa ngwetu, hali vyuma vyosena tunakulinganga mukuyoya chetu, ejjithando twechi kuhitanga nakwazana mazu aKalunga navakwetu japwa jakuwavisa najikisu jakulipwila, tweji kuhetanga hakukulula chimwe chachilemu chikuma: Kuwahilila chinakufumanga mukuzachila chatwama mumulimo wacho uvene. Tweji kuvandaminanga, chakuhona kukhakasana, ngwetu milimo tunakuzatanga yilovole mihako yakutamo, oloze nge natupwa vakukakachila chikuma hamihako, nge natupendamina hakutwalisa chipwe hali vize navatwamba, natujimbalisa kuwahilila chakutangisa. Chinatela kunehesa yetu tuzachile shina zangi yaKalunga kaha kechi nge kuzanga chetu kuya kulutweko, kutambula nganyo, chipwe kutwalisako. Kulifumisa

kuvyosenevi chinapu chuma chachilemu mukuzachila chakuwahilila. Kutanga eyi mifunda yamazuru ajila yinakavemo nayikukafwa kushishikisa hali ou mutwe wachihande:

“Ove Muthu wa Vimweno vivali! Jimako liso limwe usokolole liso likwavo. Jimako limwe kukaye navyosena vyatwamamo, kaha sokolola ulangaji wajila wayowu waKuzanga.”¹²

“Enu Masepa! Kanda namiseza ou ulangaji kawechi kukuma mwomwo ya ulangaji uze naukafwako, kanda namulipwisa kupwa vakakakaye keji kufwanga kalukunguko.”¹³

“Ove Mwana Mukakuvilika! Talisa meso ove kuli Ami kaha sawula vyosena nakusezaho Yami kaha, mwomwo wangana Wami wahaya myaka, kaha kuyula Chami kacheshi kukumako. Nge nausakasaka wekha uze kechi Yamiko, eyo! Chipwetuhu nausakasaka hayamyaka mukaye kusaka chove nachipwa chamavokovoko.”¹⁴

“Ove Ngeji unazolola Usepa! Linongo lyamuchima wove lyakukwachisa nalivoko lyaupahu Wami; kanda naulijima najipeho jekha jakulitohwesa nakufwila vyekhako. Vyeji kukanga misongo yove yosena shina kungwanuka Ami kaha, kanda muvulyama echiko. Linga zangi Yami kupwa luheto lwove kaha yilamenga nganomu unakulamanga liso lyove namwono wove.”¹⁵

“Kulifumisa kuvyuma vyosena chapwa nge musana; mumuchima wose muze naumwinyikila weji kujimanga kahya kalwiso lwakulizanga ove yavene. Uze akwechi chimweno vanamwinyika namuteteleji wakwivwishisa nahase namuchano kulifumisa kukaye na ufweleleketete wacho wose. . . . Kanda mwecha kaye na ufweleleketete wacho vikuyanjiseko. Mukakuwahilila uze kechi kulizalisa nakulisamba mwomwo waluheto chipwe kuhomba mwomwo wakuhutwako.”¹⁶

1. Chinakutondeka kulihenda kuvakwenu mangana usolole ngwavo walifumisa kuvyakaye? _____

2. Chinahashiwa kupwa wakulifumisa kuvyakaye halwola lwolumwe oku ulinaluheto? _____

3. Muthu uze echi kulihananga lwola josena jakuyoya chenye hamulimo aliwakulifumisa kuvyuma vyakano kaye? _____

4. Muthu uze echi kuzatanga chakutamo kaha nakuwana vyakulikafwa navyo echi kuhichisanga lwola lwosena chakuzeneka kulinga chuma numba chimwe aliwakulifumisa kuli akakaye? _____

5. Muthu uze asaka kutwama shina mwawumesele mungalila yakuzachila, aliwakulifumisa kuvyakaye? _____

6. Tunahase kukakachila kuvyuma vyavivulu kechi nge luheto kahako. Ove naupwa wakukakachila yika nge naupwa umuthu uze:
- Ali naliphwila lyakwecha nge mwalinga mulimo wakuzachila kaha naumwe pimbi mwamuhaka mangana? _____

 - Kawechi kwivwa kanawako nge naumwe pimbi mwetavila kuvishinganyeka unakuhana? _____

 - Echi kuswekanga lufwelelo lwenyi mwomwo wawoma wakumukana kuli vakwavo? _____

7. Kulifumisako kachalumbunuka kulijinda navakwenu chipwe kuhona kulilamako. Vimwe vili hali evi vinakavemo vinahase kupwa vimweso nge ou muthu kechi wakulifumisakoko?
- _____ Kuwahilila hakumona kuzovoloka cha vakwavo.
- _____ Kwecha kutangisa nge vanyike vamwe navaluwisa.
- _____ Kulisamba hakuwanyisa chenye.

_____ Kulilongesa chikuma nakwivwa kuwaha hakuzovoloka.

_____ Kuzata nangolo chikuma mangana akulise ngolo jenyi jakuzachila mbunga.

_____ Kulihakilako mangana awane ulemu hamulimo wenyi.

_____ Kupwa waunyoji nakulama kanawa zuvo yove muunyoji.

_____ Kulama vikwata vyove.

_____ Kulama chiyoyelo chamwaza chavakwenu.

_____ Kuhona kulivwa kanawa nge kavechi kukwalisako hajingolo jove.

8. Kulifumisako chilichachilemu kulimuthu wosena, shikaho tunakulombe ulame mumuchima eyi mifunda ya mazu yosena yili aha hachijinji.

CHIJJINJI 8

Hakulinga tutambule jikisu jakuyoya chakuwahilila hakuzachila vakakaye, twatela kupwa vakuliza-nga mukulihakilako, kaha kulihakilako chetu nachitondeka yimwe seteko yakulihana. Tweji kuzachisanga lizu lya “kulihana” mukuyoya chetu hakumbi hakumbi. Nge umwe sepa lyetu mwapwa nakuhiluka umwe ungeji chimenemene, tunahase kuhinduka chimene nakumusaka kaha natwamba ngwetu tunalihane hajilwola jimwe jatulo. Nge umwe muthu twazanga naviji, etu natulihanaho jimwe jilwola jamilimo yetu twazanga nakumulama ikhiye. Kwatwama thando jimwe mukuyoya twatela kuzata chikuma namuchano, tunahase kushinganyeka ngwetu tuli nakulihana mangana tuwanyise kufwila chetu.

Tuvosena twatwama nakusaka chamuchano chakuzachila hakutangisa Liuka, kuhana thando nangolo jetu chakukasunuka, nawa naseteko yakutamo, chihanda chimwe chavikwata vyetu. Omu natuchilinga, twatela kwanuka ngwetu, mujila yakuzachila, tunahase kusuwula vyuma vyakano Kaye, oloze echi natutambula chili kuwahilila chamuchano okutunakukula kushipilitu. Natupwa nathando yakuhunanana chikuma hakupwa chakulihana havilongeselo vili kulutwe. Chili chachilemu chikuma kwijivisa kufuma kumaputukilo nge kulihana chatondeka kusawula vili museteko yaheshi nakufwila vili haseteko yahelo, nganomu mukoswa wechi kulihananga mangana mutondo usemuke. Kulihana cheji kuneha kuwahilila kaha echi kuwahilila chacho kacheshi kupwa chetuko nge katweshi kupwa vakuliza-nga mukulihakilako etu vaveneko.

Bahá'u'lláh nahanjika nganangwenyi:

“Kulihakilako chapwa chakusweka nge natusaka kumutonda Ikhiye; lipwila linakutondeka numba tuhase kundosa kuuchi wakulinunga Nenyi; nawa nge natumakila muli elu lupasa, natuhunga vyosena vyahakaye.”¹⁷

‘Abdu’l-Bahá nawa atukanda ngwenyi:

“. . . Kanda namuhwimako, kanda namitonda kulihulikako, kanda namukakachila kuulangaji waka kaye kamisongoko, lifumisenu kuwufunge wakukakachila vili vyosena, likolezezenu namuchima nashipilitu mangana mipwenga chikupu muWangana waKalunga. Ganyalenu luheo lwamwilu. Hakumbi nge hakumbi alumukenu kupwa vakumwinyika chikuma. Swenyenu kukamwihi nakukamwihi nachikolo chakulinunga.”¹⁸

Tuvosena twafwelela ngwetu chatondeka kulikolezeza mangana tuwane vize twafwila. Shikaho, eluvene lufwelelo luli na umwe ukalu uze katwatela kuvulyamako. Chakavanga twatela kwanuka ngwetu hatwama usepa hali ngolo jatondeka naseteko yaukalu hali vize twafwila chipwe mulimo wacho. Natulyonga etu vavene nge natushinganyeka ngwetu nachihashiwa kuchilinga nangolo jajindende. Oloze kutohwa chakukilikita chetu kechi chikhiko kaha chuma twatela kumbatako. Hatela kupwa kuzama nalukakachila kaha nawa hanakutondeka kushishika. Ize thato (ndaka) yakukumisa milimo kechi nge kuyitumbukila, kufuma hamulimo ou nakuya hawukwavo, kuseza mulimo wakuhona kukuma, chili chachilemu. Ngolo jakukuminamo kajema mihakoko. Eseka kushinganyeka nge uli nalimwe lizavu lyakutangisa vanyike vavandende kushipilitu lyeji kuzachikanga kamwe muchalumingo. Mulongeshi atela kupwa najimwe jilwola mangana aliwahise hali kutangisa chosena, mangana enyi osena apwenga akutala hakukafwa vakakutanga vevwishise vize anakuvalongesa hali echi kutanga, apwenga nakumenekela lika visemi javana nakukavangiza kuzovoloka mumangana avosena, chalumingo hichalumingo. Ika inahase kulovoka kulizavu lyavanyike lize likwechi mulongeshi echi kuliwahisanga kaha hamwe nahamwe, eji kukumisanga kutanga shimbu kanda lwola ihete, kaha nawa chasusumuku nge nazeye lyehi, kaha nakuhona kupwa nalwola lunatela kushinganyeka kutala hali kanyike wosena nakushimutwila hakuzovoloka chavo mumangana navisemi javo? Inyi nge kutanga navachikumisanga hali hosena mwasaka mulongeshi nge mwasaka kulinga vyekha, twesekese, nge mwatambula ngeji sepa lyenyi wakufuma kumbongi yeka?

Ou unjiho unapwilako utulwekese nge twatela kuhaka kashishi hakutohwa nahakulema chajingolo jinakutondeka hali vyosena natulinga. Echi chachilemu kechi nge hamilimo yakuzachila kahako tuli nakulinga oloze namukukula chayetu vavene

kuhakilako nathato jakushipilitu jize twatalanga mumukanda wakavanga mukulikava cheyi mikanda – kulomba halwola halwola, kutanga mazu ajila makumbi osena, kuhunanana mutwatela kuyoya kwesekesa natangiso, kukunguluka namuchima wosena mumajiko amalombelelo – yashindamina hazingolo jakutwalililaho. Mwishu muli amwe mazu akutwala kujingolo. Kutongola vimwe vili vyamuchano nachikukafwa ove uhunanane chikuma hali echi chihande:

- _____Nge umukamangana, kachatondeka uzate nangoloko.
- _____Mwomwo yika kuyila jila yayisuku? Watela kutonda yakavatu.
- _____Nge kuyanda chakwihiko, mihako nawa yakwihiko.
- _____Pwako nachimweno chachinene kaha kufwila chove nachikatesanamo.
- _____Nge fweto nayipwa yayinene ngolo najipwa jainene.
- _____Nge ngolo najipwa jainene fweto nayipwa yiyema chikuma.
- _____Nge vyuma kwenda kanawa chiku hakuputuka, eseka cheka nawa.
- _____Mwomwo yika nauzachila nge vakwenu vanahase kukuzachila ove?
- _____Nge nachitondeka ngolo chikuma, kachapwile lyehi mukuzachikako.
- _____Jithambo jajindende jakutwalililaho nakukakachila jinahase kuya hahasuku.
- _____Kakwechi vyuma vyamwaza vinakwinzanga washiko.
- _____Ulemu unakwinzanga hakulihana namuchima wosena.
- _____Jila yamakhombakaji ajithambo mukusuhwa yaputuka nathambo imwe.
- _____Kuyoya chawaukalu mwono kechi chakutamoko.
- _____Katwatela kuvandamina vyuma vilingiwe viveneko twatela kuya nakuvitonda etu vavene.
- _____Kwenda kanawa vyuma chapendamina hakutokwa.
- _____Katwechi kuwanyisa kufwila chetu chavyuma vivali vyakuhona kulihandununa hakungemwina chalisoko.
- _____Twatela kulineha etu vavene nakulyambulula hakumbi hakumbi.

Tunakutambukanga mujila yakuzachila, kulihakilako mangana tuwane kukula chetu kushipilitu namumangana, nakukafwa hakwalumuka cha ngalila. Chili hatoma-to nge kusaka echi kufwila chavyuma vivali vyakuhona kulihandununa vinakutondeka ngolo jajinene jakuchihanda chetu. Bahá'u'lláh atulweza ngwenyi:

“Ou Thengi wakuhona kwesekesa natenge vathu vosena kufuma kuvyuma vyovimwe kaha nawa nazundula kupwa chavo helu lyavyuma vikwavo atenga. Kuzovoloka chipwe kuhona, kutokwa chipwe kuvindama, yatela shina kupendamina hangolo jayivene muthu. Nge mwahakako ngolo chikuma, kuzovoloka chenye nawa nachipwa chakutanduwuka.”¹⁹

Watela kuhaka mifunda yamazua ajila alihelu mumuchima nge kanda uchilinge.

CHIJINJI 9

Hakulinga tupwenga nakuwahilila chakufuma mukuzachila, twatela kukolesa imwe mihako muli yetu vavene. Nge chakutalilaho, twatela kusakwilila kuli Kalunga hakutuhana kisu yakuzachila; chili chakuluwa kujina ngwetu tunakumukafwa nge tulinakuzachila Liuka. Kaha nawa twatela kulilongesa kwecha kumona vyuma mwamupi nakutetekezako kuyoya chachimweno chakaye kamwaza. Mikoleko yamujila yakuzachila yinahase kwalumuka ndalo nayitutwala kulutwe chikuma. Chipwe mukachi kawukalu twatela kutala halutwe nameso alufwelelo. Awa mazu a ‘Abdu’l-Bahá anakavemo analumbununa kupwa nalutalilo lwalufwelelo nalutela kulumbununa ngolo jetu:

“Hakuputuka mukoswa waundende, oloze, kusongo mutondo waunene. Kanda namitala hamukoswako oloze shina hamutondo, nathemo jawo, namafo awo, namihako yawo.”²⁰

“Shikaho, myatela kwijiva, ulemu waumwenemwene wamukoswa waundende ou njimi wamuchano, natumbu namavoko Enyi akheke muwande wakuwahisa waMwatha nawa nechila navula yakheke kaha oholyapwa anakulima naliyena lyamuteteleji waMusana waMuchano.”²¹

“Omu namimona mutondo uli nakusoka nakukola mipwenga nalufwelelo kumihako yawo kusongo. Ukhiko nawukafukila kaha kusongo naukema mihako. Nge namimona mutondo wawumu kaha nawa wamwaka kakwechi lufwelelo numba lumwekoko lwakwima chawo mihako.”²²

“Hamwe nahamwe, vathu jaKalunga vatela namuchima wosena kutumba nakuukolesa ou mutondo walutalililo nameya angolo jawo.”²³

“Nge muchima nawehuka kujikisu echikuhananga Kalunga, nautalilila ngachili kuwahilila? Nge kahaka lufwelelo nalutalililo lwaKheke yaKalungako, mwawana kuli kwakuhwimina?”²⁴

Hakulinga uhunanane hali eyi mifunda yamazuzi yili helu, manyisa awa mazuzi anakavemo:

1. Hakuputuka mukoswa waundende, oloze kusongo _____

2. Katwatela kutala hakukehya chakaka kamukoswako oloze shina ha _____

3. Shikaho twatela kwijiva ulemu wakaka kamukoswa kakandende, Kalunga namavoko Enyi akheke, _____

4. Omu natumona mutondo unakusoka nakukola, twatela kupwa, _____

5. Omu natumona mutondo unakusoka nakukola, twatela kufwelela ngwetu ukhiko__

6. Na meya ajingolo jetu, twatela _____

7. Nge muchima nawehuka kujikisu echikuhananga Kalunga _____
_____?

8. Nge muchina kawechi kuhaka lufwelelo nalutalililo hakheke yaKalungako, _____
_____?

Thando ino, hunanana muli imwe lwola: ove unetava ngwove shipilitu yetu yakuwahilila nalutalililo yinalichinge nakusakwilila chakulikehesa vinapu kasulu kakuwahilila chavakwetu? Nawa, twatela twijive likka ngwetu, kukatuka nakuzachila Liuka tunakuneha mujimbu wamwaza wakuthutuka cha likumbi lyalihya, likumbi lyakukunguluka chavakakaye. Mazu a Bahá'u'lláh evwakane mumichima yetu:

“Kuwahilila kuli vase veji kuzatanga; kuwahilila kuli vakakwivwishisa; mukakuwahilila muthu uze alifumisa kvyosena vyatwama mwilu navyosena vyatwama hamavu.”²⁵

REFERENCES

1. *Gleanings from the Writings of Bahá'u'lláh* (Wilmette: Bahá'í Publishing Trust, 1983, 2017 printing), CLIII, par. 5, p. 369.
2. *Ibid.*, CXXXII, par. 3, p. 326.
3. Bahá'u'lláh, *The Hidden Words* (Wilmette: Bahá'í Publishing Trust, 2003, 2012 printing), Arabic no. 2, p. 3.
4. *Gleanings from the Writings of Bahá'u'lláh*, CVI, par. 1, p. 241.
5. *Ibid.*, CIX, par. 2, p. 243.
6. Bahá'u'lláh, in *Women: Extracts from the Writings of Bahá'u'lláh, 'Abdu'l-Bahá, Shoghi Effendi and the Universal House of Justice*, compiled by the Research Department of the Universal House of Justice (Wilmette: Bahá'í Publishing Trust, 1986, 1997 printing), no. 53, p. 26.
7. *The Hidden Words*, Arabic no. 11, p. 6.
8. *Gleanings from the Writings of Bahá'u'lláh*, CLIII, par. 5, p. 370.
9. *Ibid.*, CXXIX, par. 1, p. 316.
10. *Ibid.*, XLIII, par. 9, p. 109.
11. From a talk given on 19 November 1911, published in *Paris Talks: Addresses Given by 'Abdu'l-Bahá in 1911* (Wilmette: Bahá'í Publishing, 2006, 2016 printing), no. 32.2, p. 121.
12. *The Hidden Words*, Persian no. 12, p. 26.
13. *Ibid.*, Persian no. 14, p. 26.
14. *Ibid.*, Arabic no. 15, p. 7.
15. *Ibid.*, Persian no. 32, p. 33.
16. Bahá'u'lláh, in *The Bahá'í World: Volume One, 1925–1926* (Wilmette: Bahá'í Publishing Trust, 1926, 1980 printing), p. 42.
17. *The Call of the Divine Beloved: Selected Mystical Works of Bahá'u'lláh* (Haifa: Bahá'í World Centre, 2018), no. 2.12, p. 17.
18. *Tablets of the Divine Plan: Revealed by 'Abdu'l-Bahá to the North American Bahá'ís* (Wilmette: Bahá'í Publishing Trust, 1993, 2006 printing), no. 13.6, pp. 95–96.
19. *Gleanings from the Writings of Bahá'u'lláh*, XXXIV, par. 8, p. 91.

20. *Selections from the Writings of 'Abdu'l-Bahá* (Wilmette: Bahá'í Publishing, 2010, 2015 printing), no. 40.3, pp. 118–19.
21. *Ibid.*, no. 40.3, p. 119.
22. From a talk given on 11 May 1912, published in *The Promulgation of Universal Peace: Talks Delivered by 'Abdu'l-Bahá during His Visit to the United States and Canada in 1912* (Wilmette: Bahá'í Publishing, 2012), par. 2, p. 153.
23. *Selections from the Writings of 'Abdu'l-Bahá*, no. 206.13, pp. 356–57.
24. From a talk given by 'Abdu'l-Bahá on 21 November 1911, published in *Paris Talks*, no. 34.8, p. 133.
25. Bahá'u'lláh, *Epistle to the Son of the Wolf* (Wilmette: Bahá'í Publishing Trust, 1988, 2016 printing), p. 139.



Jiphande jaKulizamikisa nacho

Kufwila

Kupwa nangolo jakuzachisa
mazu ashipilitu
hajiphande

CHIJJINJI 1

Muchihanda chakavanga Chawou mukanda, tunahanjika hakuwahilila cha kuhona chipimo tunakuwananga havilinga vyakwazana Mazu aKalunga navakwetu vathu. Hakutambuka mujila yakuzachila, kunakupwanga thando jajivulu jakutela kushimutwila namasepa jetu navaze twalijiva navo hakwivwishsa tunawane mukusoloka cha Bahá'u'lláh. Hakachi kajinglo jize twatela kukulisa, kuli najize jinakutukafwanga kukatula jiphande jaunjiho nawa jakulizamikisa. Kufwila chachechi chihanda nachechi nachizaho chili chakukukafwa ove muli eyi jila. Aha yove naushishikisa hakutwala kushimutwila kuzachisa mazu ashipilitu nge thando yacho yinatondeka. Muli echi chihanda chikwavo ove nawushinganyeka kutwala omu nauputuka nakutwalililaho mukulikava chajiphande najihanjika yimwe mitwe yavihande, kupwa chihanda chimwe chajingolo jakuwahisa kutunga vikungulwilo vyakukola mujingalila jenu namuchitungilo.

Hali evi vijinji natuwana, natushishikisa haunjiho wauvulu kutwala hamijimbu yakuliseza yize, numba tuhu kayapwa mazu ajila aveneko, ashindamina hakuhanjika namikanda ya 'Abdu'l-Bahá nakuhakilako mifunda yamazu aze ahanjikile Ikhiye. Tanga unjiho wosena maphapa kakavulu, wana kulinunga chavishinganyeka kaha nawa hitulukamo navakwenu vamembala vamulizavu lyove mangana muwahanjike mulizu lyakukanguka ndo nomu namupwa nauhashi wakuwahanjika muwatela. Evi vyakulinga navikafwako yove kuliwahisa mangana uhanjike chakuzeneka ukalu, omu nawumona ngwove chinatemo kuya muvisonka vyaLiuka mangana mutwalilileho kushimutwila.

Muli echi chihanda, ove nautwalililaho kulama namuchima mifunda yavasona chakutamo. Vakhiko vatwama nangolo jakulipwila jechi kwingilanga mumuchima wamuthu, kaha omu navapwa muvihanjika vyove, navipwa nangolo jakujiminyina hali uze mwakwivwilila. Shikaho, kuhanjika mazu amuvisonka hajiphande yatondeka chinyingi chatondeka chikuma kuhanjika vyuma muvyaya nakwesekesa mangana uvihanjike kufuma muvasona nakuzachisa mazu ayove yavene mangana ulumbunune tangiso yaLiuka. Hakuwana echi kwesekesa ove unakutondeka kulihana lwola lwalunene nangolo kukutanga visoneka nakwitaviza vikhiko vyolole vishinganyeka vyove nakwivwishisa.

CHIJJINJI 2

Unjiho wakavanga tunakulombe kutanga, unakundama hakutondeka chavakakaye kupwa namukakuvanangula.

Omu natuhunanana havyakutenga, natumona ngwetu malolwa, meya, mitondo, mwila, tunyama, tujila navathu, vyosena chakuhona kufumisako vyechi kutondeka mulongeshi. Wande wajithemo unakutondekanga mukakuuwahisa. Hakwaha vimbuto vyavivulu mavu anakutondekanga njimi. Nge muthu mwatwama ukawenyi mumphambo mwapwa navilinga vya unyama. Nge navamutangisa, mwaheta haseteko yakulinga vyavinene. Nge kakwapwile vakakunangulako kechi kakwatwama kutonako.

Kulinangula chatwama mumitundu yitatu: kumujimba, kuuthu, nakushipilitu. Kutanga chakumujimba chakundama kukukulisa mujimba. Kutanga kuuthu chakundama hakutona chavathu nakuzovoloka. Echi chatala haguvulu, hachiyulo mujingalila, hakutwama kanawa cha vathu, hakusekasana najithengo, (comercio e industrias) havya uchiji, kulovola vyuma vyavilemu, nauputukilo waunene waulemu. Kutanga kushipilitu chatala hakuwana vilinga vyakwoloka vya uKalunga. Echi chikhiko kutanga chaumwenemwene mwomwo hakukafwa chacho mukupwa chakushipilitu, kupwa chamuthu chakutamo cheji kuzovoloka.

Hakuzovoloka, vakakaye vanakutondekanga mukakunangula mwatwaminyina vathu kumujimba, kuuthu nakushipilitu. Nge muthu mwamba ngwenyi: "ngukwechi chinyingi chachinene, kaha kangwechi kutondeka ou mukakunangulako," mwakana muchano. Nachifwana ngana mwakanyike uze mwamba ngwenyi: "ami kangwatondekele kutambula kunangulako; namangana amikaha nanguwana ulemu wami ukhawami?"

Vakakaye vanakutondekanga likha mukakunangula wakutamo ngana mwayou, umwe uze mwavakafwa kuwahisa vyuma vinakundama kukulya nakuyoya chamujimba, mwavakafwa kukulisa chinyingi chavo kuvyakutengatenga navyakulovola, kaha nawa, chikumanyi mwavakafwa kukatula mwono washipilitu. Kakwechi muthu numba umweko mwahasa kuzata eyi milimo yayinene nganako shina vaThemesa jaKalunga kaha vakwechi jingolo jakuyizata, mwomwo yinapu myono yakusakula nawa yakutuma kuli Kalunga halwola halwola mangana vapwenga milongeshi javakakaye vosena.

1. Tangenu ou unjiho maphapa kakavulu mulizavu lyenu nawa likafwenu kwijivisa vilimo. Mwatela kulihula umwe namukwavo kutwala havishinganyeka viliho. Nakulilongesa kuvihanjika muvyapwila chakuhona kapinda.
2. Kushisaho, shimutwilenu mulizavu omu evi vishinganyeka minalinangula kuhanjika hano namihasa kuvihaka mujipande. Chamuchano evi kawechi kuvihanjika namasepa Jove, nahanaha phimbi, ngwove kulinangula chatwama

mumitundu itatu. Chachilemu shikaho kushinganyeka hamitundumuka yajiphande jize evi vishinganyeka vili helu navisoloka kupwa vyavilemu. Phamo chihande munakushimutwila nachipwa chakukinduluka hanyima chachitungilo chetu muvilinga chipwe natuzata ngachilihi hakuwaha chakaye. Hunanana kutalisa hajiphande jakuliseza unalihake ove namasepa Jove, vausoko, navakwenu mwalijiva navo. Hakachi kavihande vyakwata havishinganyeka vyove, hali vimwe navikutwala haphande nayiala ha vishinganyeka vili halyou unjiho?

3. Kakavulu kunakwinzanga vihula hajiphande kutwala havihande vyakufwana nganevi unakumisa kutanga. Naukumbulula ngwove yika nge umwe mwakuhula ngwenyi: “Vamwe vali ovo vakakunangula vakwechi ovo unakutongola?”
-
-
-
-

4. Mwishu muli yimwe mifunda yavisoneka vyaBahá'u'lláh vyapandama hakutondeka chavakakaye kupwa naumwe mukakuvanangula. Hunanana kutwala havisoneka vyacho kaha lamako chipwe tuhu chimwe. Mujila yangana, ove naupwa wakutamo kutunga jiphande jove namazu avisoneka nge chinahashiwa.

“Vathu vavatengele mangana vahase kutwala halutwe kutona chakutwalililaho.”¹

“Kusaka chayou Kalunga umwe wamuchano, - vazezule puho Yenji – hakulilovola kuli vathu, nakuhaka hatoma aze malolwa andando atwama akusweka mukachi kamungochi wakupwa chavathu chivene chamuchano.”²

Kusaka chaKalunga hakutuma Vapolofweto Jenji kuli vathu, chili chavyuma vivali vili vyakuhona kulihandununa: Chakavanga kufumisa mwana muthu kumilima yakukhakasana, nakuvatetekela kukumwinyika chakwivwishisa chamuchano. Chamuchivali kuneha ukhulungunga na kuunda muli vakakaye, kuvahana jijila jize navatela kuchitungilamo.”³

“Hathando yosena chipwe seteko, vathu vechi kutondekanga Umwe mwahasa kuvatetekela, kuvakanda, kuvalongesa, nakuvanangula.”⁴

CHIJJINJI 3

Palangalafu jinashisemo jinakulumbununa jila imwe kaha yakumwijivilamu Kalunga shina kuhichila muli Vathemesa Jenyi, kaha najikukafwa ove mujiphande namasepa jove.

Shinganyeka hakaye kakuhona kukuma. Chili chachashi kapwenga kakutenga chakuhona Thengi? Chipwe ngwetu tunahase kwijiva muchano waThengi mwomwo wavyuma vize atengele? Nge natutala havyuma atengele vyosena, natumona ngwetu vize vili mwishi kavyahashile kwijiva ngolo javize vyatwama heluko. Shikaho lilolwa namutondo, chipwe navikulatuhu, kavyechi kahasa kushinganyeka hangolo jakumona chipwe kwivwako, kanyama kechi kahasa kwijiva kupwa chamuthu nakwijiva ngolo jashipilitu yauthuko. Hakupwa ngocho, yetu ngana, vathu vakutenga, tunahase kwijiva kupwa cha Thengi yetu?

Chipwe tuhu kwivwishisa chetu kacheshi kuhasa kuwana Kalungako, nachimwe phimbi nachituhonesa kumwijiva Ikhiye. Hathando hathando kunakwizanga muthu umwe waumwenemwene hano hamavu chikhiko kulovoka chaKalunga. Ulangaji wosena, jikisu nakumwinyika vyapwa vyaKalunga vyechi kusoloka muli ava vaThemesa vakujila, nge miteleji yalikumbi yinakusoloka hachivanjilo chitoma. Kwamba ngwetu chivanjilo chinakusolola likumbi kachalumbunukile nge likumbi linasuluka kufuma kwilu lyatwama nakwingila mukachi kachivanjiloko. Chochimwe, Kalunga nawa kasuluka kumelu kwajila nakwiza hano hamavuko. Tunakusaka kulumbununa ngwetu: Vyosena vathachikiza vakamavu, valinangula nakwijiva kutwala hamajina, vilinga nakwoloka chaKalunga vyakundama kuli vaThemesa Jenyi vakujila.

1. Hanyima yakutanga ou unjiho maphapa kakavulu mulizavu lyenu nakukumbulula vihula minalihule umwe namukwavo kutwala hamazu acho, linga uhase kulilongesa kuhanjika vishinganyeka viliho muvyapwila kanawa.
2. Ayino thando shimutwilenu nalizavu lyove omu vatelela kuhaka vishinganyeka vanalilongesa hano hajiphande jimwe mujila yakwoloka. Echi thekechi nachipwa chachashi kuzata, nge chakutalilaho, havihande vyakutala hakupwako chaKalunga nawa mwomwo yika kwapwila kuyoya. Mitwe ya vihande yika yikwavo navihula vyakatukanga mujiphande jenu navausokowove namasepa navikuhana uhashi wakwazana evi vishinganyeka?

3. Shinganyeka nge, hajiphande jimwe namasepa jove, ove naupwa nathando yakulumbununa vishinganyeka unalilongesa luno lolwa. Naukumbulula ngachili nge umwe wavo mwakwihula ngwenyi: “Vyuma vimwe vili vize natwijiva kutwala hali Kalunga kuhichila muli vaThemesa Jenyi?

4. Watela kuhaka mumuchima mufunda wamazua aBahá'u'lláh umwe chipwe yayivulu mangana upwenga nakuyihanji omu naupwa nakushimutwila namasepa jove kutwala hali ou mutwe wachihande:

”Chachikalu kwijiva Uze aneha vyuma vyosena, chipwe kuswenya kukamwihi na Ikhiye chakuhona kunyingika ava vathu vakumunyika vafuma kuMusana Wamuchano nakuswenya kuli vakhivo.”⁵

“Themesa apwa muthu uze munakusolokelanga likha Kalunga kaha mukhiko nawa anakuhanjikilanga Ikhiye, namuchano, apwa kuthutuka chamajina amwaza aKalunga hakulovoka chavilinga vyenyi vyamwaza.”⁶

“Pwenu namuchano kufuma hali evi tachikizenu ngwenu milimo navilinga vyavava va Themesa ja Kalunga vosena– cheka nawa vyuma vyosena vinavapandama chipwe evi vanahase kulovola kulutwe – vyosena vyapwa vyakutumina kuli Kalunga nawa vyechi kulumbununa kusaka Chenyi na milimo Yenyi.”⁷

CHIJJINJI 4

Kulinunga chamauka uli mujimbu umwe uze wakuzanga kuli vathu vavavulu. Vishinganyeka vinakavemo navikukafwa muthando jajivulu.

Twatela kuzanga muteleleji chakuzeneka kutala halinongo unakumwinyikila. Twatela kuzanga jithemo chakuzeneka kutala halithepa yinasolokela. Twatela kupwa vakakutonda muchano chakuzeneka kutala hakasulu nawufuminyina. Kukakachila halinongo limwe chinahase kutuhonesa etu kumona muteleleji nge naumwinyikila mulinongo lyekha. Hakusakasaka muchano, twatela kulifumisa etu vavene kuvinyingi vyaufwefweleketete nakwecha kutala havihandwa vyetu. Nge lupasa lwetu lunazale nakulizanga etu vavene, kamwechi kupwa chihela mwakutwamina meya amwonoko.

Liuka lyaKalunga lyapwa muteleleji wakaye. Likhiko lyechi kutetekela thambo jetu kaha nawa lyechi kusokolola vikolo vyakuwahilila chetu chakuhona kukuma. Nge natuhehwojola visoneka vyamauka osena amanene kukasunuka kukuhonesa chakufwelela jishimbi jakulondezeza chaupuputa, natwiza nakuwana ngwetu mauka osena afuma kwokumwe. Osen echi kulumbununa mangana aKalunga. Mauka osena echi kusakanga kuzovoloka chakaye kavathu.

Chipwe ngocho, kwatwama jishimbi jachiyoyelo hatangishilo vanakwambululanga kuli khala Liuka, kweseka navize vinakutondeka muthando yacho hachihela. Oloze, mukupwa chawo mauka osena wowamwe. Osen eji kunehanga lufwelelo, chinyingi, muchano, ungaji, kheke, kulizanga umwe namukwavo, vishinganyeka vyakutamo, kumuzanga Kalunga na kukafwa vakwetu. Akhiko eji kunangulanga kutoma, kulihenda kuvya Kaye, lusalililo, kukakachila, kulikehesa nakukonekela. Evi vilinga vyashipilitu yavathu vyapwa vyakutungulula mumakingo osena.

Chaluvinda nge, mwomwo wakulishinganyekela nakukavangiza chaupuputa, vamwe kavechi kupwa nauhashi wakumona hakupwa chakulinunga chamauka kupwa limwe kahako. Muchano ukhiko kutetekela chaKalunga hali vathu, kaha muchano kawatwama najingizako; muchano wapwa umwe. Nge natuhehwojola muchano mujila yakulimanyina, nakuhaka haphenge vinyingi vya ufweleketete, kusaka chetu nachitutwala kukulinunga. Liuka lyatela kutununga etu; lyatela kutunga jila yazangi hakachi kavathu. Nge nalinehya chihandwa najindombo chinatela tuhu lihona kupwako.

1. Nge omu chapwanga muchijinji tunaseze hanyima, linga utange ou unjiho maphapa kakavulu mulizavo lyenu, kulihula umwe namukwavo kutwala havishinganyeka viliho nakulilongesavyo kuvihanjika kanawa.

2. Mulizavu lyenu tala jila yakutamo yize nauzachishilamo vishinganyeka mwalinangulanga hajiphande, twambenga ngwetu, kutwala havikhokojola vyamawuka, chikhiko chihande chililikha mumangana avathu. Ove unahase nawa kushimutwila namasepa jove kutwala haulemu wakuhehwojola muchano nakuhona kwivwilila unjiho wakulyonga. Anuka jiphande jenu jausula namasepa jove, vakwenu mwalihata navo muchitungilo, vakwenu mwazata navo kumilimo navaze mwalijiva navo. Vihula vimwe vili vize vanashinganyeka ngwavo navivakafwako mukushimutwila kutwala hali evi vishinganyeka?

3. Nautela kukumbulula ngachili nge hakwazana evi vishinganyeka vili helu haphande tuli nayo, umwe himwakwihula ngwenyi: “Muchano muka uze watwama mumauka osena?”

4. Vanakulombo ove ulame mumuchima mufunda umwe chipwe yivali yavisoneka vya Bahá'u'lláh:

”Kahatela kupwa kukhakasana numba chimweko ngweto vathu vosena vamuKaye, mutundu chipwe Liuka lyosena oloyo, vafuma kukasulu kamelu wowamwe, kaha nawa vazachila Kalunga Umwe.”⁸

“Linungenunga navakakukava mauka osena mushipilitu yausepa wakuzachila hamwe.”⁹

“Mulimo uvene wechi kwendesanga lufwelelo lwaKalunga na Liuka Lyenyi shina kulama kanawa vinakutondeka nakuneha kulinunga chamitundu yavathu mukaye.”¹⁰

“Liuka lyaKalunga lyapwa lyazangi nakulinunga; kanda namulyalumuna kupwa lyachihandwa nakuhona chivwasanoko.”¹¹

CHIJINJI 5

Uthanga watwama hakachi kasayansi (ciência) naLiuka, ukhiko mutwe wachihande vanakusanyika ulinangule.

Liuka lyatela kulitavila nasayansi (ciência). Kalunga natuhane mangana, mangana tuhase kutachikiza muchano. Twatela kupwa nalutalilo lwakumona nge, sayansi (ciência) naLiuka yiwane vikhuku vyamuchano. Shikaho, vyatela kupwa vyakulitaviza chimwe nachikwavo. Vikhiko vinapu nge mavava availi aze nawalingisa mangana vakakaye vahete haseteko yakuya hahasuku, mavava avali aze navahasa kutuka nawo. Livava limwekaha kalyechi kuhasako.

Sayansi (ciência) vatuhanayo kuli Kalunga. Ikhiko yechi kulumbununga omwo kapwa Kaye, kaha nawa yechi kutukafwanga etu kuhita mikingo yize yatukika mukuyoya chetu. Nakukafwa chavinoma vyasayansi (ciência) twechi kumonanga vyuma vize kavyapwa vyakumona nameso hawo hawoko nawa twechi kulivilikanga hathambo jajisuku najingalila jikwavo hakalwola kakandende. Sayansi (ciência) yechi kununganga vyuma vyalelo nevivyahitalyehi nawa nakupulasana mbwe kutujinjilo twahalutwe. Kuzovoloka chavathu chashindamina havyuma nayilinga sayansi (ciência).

Liuka lyaKalunga likhiko lyaneha muchano, likhiko lyayula chinyingi, nakutona chamitundu yavathu. Chakuzeneka Liuka, sayansi (ciência) nayalumuka chitwa chakutwala kulutwe vyuma vyaku mijimba, kusongo nayitwala kukwenyeka. Nge liuka nalilisepasana nasayansi (ciência), nalyalumuka kupwa kujina kaha. Nge Liuka nasayansi (ciência) navyendela hamwe mukulinunga, chihanda chachinene chakulijinda nakupihya chinakuneha ukalu hakaye kavathu nachikuma.

1. Nganomu unakulinga lika, tanga unjiho maphapa kakavulu mulizavu lyove, palangalafu hapalangalafu, nawa lihanenu vihula umwe namukwavo ndo namwomu namulilongesa awa mazu chakutamo kanawa nakuwahanjika nganomu ali.
2. Naukambulula ngachili kuli muthu uze mwahanjika ngwenyi: “Liuka linapu vyuma vyahamyaka; sayansi (ciência) nayihasa kukumisa ukalu wawakakaye.” Nachikafwa nge ove naulumbununa ngove Liuka kalyalumbunukile kujinako,

oloze linahase kwalumuka kujina chakuhona sayansi (ciência), kaha nawa sayansi (ciência) chakuhona Liuka nayitwala kukwenyeka chavyuma vyakumujimba? Ove nauhasa kuhanako chakutalila mujila yinakusolokanga?

3. Vanakulombe ove ulame mumuchima mufunda umwe chipwe yivali yavisoneka vyaBahá'u'lláh:

“Chakavanga nawa chachilemu hamawana nahane Ou asweza kulema hali muthu, unapu wana wakwivwishisa. . . Ou wana weji kumuhananga muthu ngolo jakumona muchano havyuma vyosena, weji kumutwalanga Ikhiye kuvize vyakulonga, nawa weji kumukafwa kwijiva tujinjilo twatengeso.”¹²

“Talisa meso ove hakaye nawa kashishikise hali imwe thando yayindende. Kakhiko kechi kusokololanga mukanda wako kumesu ove nakulovola vize lingona IyaMwatha wove, Mukakutenga, uze atachikiza vyosena, linasonekaho.”¹³

“Chinyingi chili nge mavava kumwono wamuthu; chinapu nge ndalo yize nayimutwala helu. Chinatela kuli wosena kupwa nacho.”¹⁴

CHIJJINJI 6

Kulinunga cha vakakaye chinapu chihande chimwe chize chinakulukuta mumichima yavathu lelo lino kwalenga kaye kwosena. Kaha vavavulu navetava namuchano umwe kushimutwila vishinganyeka vili mwishi nayove.

Mulithepa limwe lize mukwechi jithemo jaulombo wakuliseza namavumba amwaza jinakusoka Sali nasali jechi kwivwisanga meso kuwaha. Chipwe tuhu jaulombo wakulihandununa themo josena veji kujikatula nameya avula yoyimwe, kaha nawa jechi kutambula liyena IyaMusana wowumwe. Chochimwe chinakusolokanga nakuli vathu. Chipwe nakuli vakakaye nawa chochimwe vavatenga mumiyaichi namitundu yayivulu. Oloze vosena vafuma kuli Kalunga youmwe, kaha nawa vosena vafuma kwokumwe. Kuliseza chamitundu

muuthanga wavathu chatela kupwa kasulu kakulinunga nganomu chapwa mukwimba amuze mazu akuliseza nawalinunga mangana alovole lizu lyakulonga.

Kulinunga chinakutondeka muli vakakaye. Zangi yikhiko yalingisa kuyoya chipwengako. Mukano kaye vihanda vyavyuma vyosena vavinunga nalushimbi lwalikoka. Lushimbi lwalikoka lwanunga vihanda vimwe nakuvifwanyisa nge themo yamwaza. Oloze, nge elilikoka nalipwa lyakwihi eyi themo nayipola nakuhona kupwako cheka. Chochimwe chinakusolokanga nakuli vakakaye. Kukokweza, kulivwasana, nakulinunga japwa ngolo jakwata kulinunga chavaka kaye hamwe.

Bahá'u'lláh natunge jila yakulinunga chavathu vosena mukaye. Twatela kulinga ngolo josena jakutamo mangana tuvanehe omu muchipango chakulinunga. Nge tunawane vathu vamiyachi, mafuchi, mauka, navishinganyeka vyakulihandununa nevi vyayetu, katwatela kwecha evi vihandwa vyalumuke kupwa mikingo mukachi ketuko. Twatela kushinganyeka ngwetu vali nge jithemo jaulombo wakuliseza jinakukolela mulithepa lyamwaza lyakaye, nakwivwa kuwaha hakupwa mukachi kajo.

1. Hakukumisa kutanga unjiho uli helu nganomu unalinge nevi vinakumu, shinganyeka ha jiphande jinamisolokela yenu. Kaha soneka amwe mazu aze vathu navashinganyeka aze nawakuhana uhashi wakushimutwila evi vishinganyeka hamwe navakhivo.

2. Jimwe jiphande kutwala hakulinunga chavathu jinahase kuneha kushimutwila kutwala hakulema chakulinunga mukachi kachikungulwilo chavo. Watela kusonekako mazu amandende kutwale hali omu tuvosena twatela kuhanaho vishinganyeka mangana tuchiwane.

3. Watela kulama mumuchima mufunda umwe chipwe yayivulu yawawa mazu ajila anakavemo mangana uwakundamisenga omu naupwa nge ulinakushimutwila kutwala hali ou mutwe wachihande namasepa jove:

“Tabalanaka yakulinunga vanayikatula: kanda namulimona umwe namukwawo nge muli vangejiko, munapu mumihako yamutondo umwe nawa mumafu amuthango woumwe.”¹⁵

“Miteleleji yaKulinunga yikwechi ngolo chikuma yinahase kumwinyika Kaye kosena.”¹⁶

“Andulenu meso enu mitalise kukulinunga, nawa echenu miteleleji yalinongo lyacho yimwinyike hali yenu. Ngunamikungulula muzangi yaKalunga, mwatela kufumisako chuma chosena chize nachitela kuneha jindombo mukachi kenu.”¹⁷

“Chatela kulihaka nangolo josena muvyuma vize navitela kuneha kutwala kulutwe usepa, kheke nakulinunga.”¹⁸

CHIJJINJI 7

Eyi mifunda yamazuru yinashisemo nayikukafwa yove kuhanjika hanjika hamutwe wachihande chawungaji, chihande chize chasoloka kulema kuli vathu vavavulu:

Kulihandununa chavipimo vyajingolo javathu chapwa chachilemu mukuyoya chavakakaye. Kacheshi chachashiko, shikaho vathu vosena kupwa vovamwe muvyosena. Chipwe ngocho vihande vyavakakaye, muvyahichila vyatela kulongesewa kuhichila muwungaji. Ungaji watela kupwa wakujila, nawa ngolo javathu vosena jatela kupwa jakukingiwa.

Ungaji kawatwama nangizako; vyapwa vilinga vyavathu vosena. Watela kuzachika mukuyoya chavathu mwosena. Membala wosena wamuchikungulwilo atela kuwanyinyinako nganyo yakutona, hakulinga tuvosena twapandama kumujimba wakaye. Nge umwe membala wawowu mujimba alinakulyonyinga chipwe kulishona, vakwavo vosena navayanjila kwokumwe. Nachihashiwa ngachili umwe apwenga muukalu oku vakwavo vali mukuwunda? Chikungulwilo chalelo lino chinahone kulikafwa umwe namukwavo nakuyoya chakutamo chinakutondeka; chikhiko kechi chili chakuwahisa kanawako. Kunakutondeka jishimbi navilinga navineha twamiso yamwaza nakuwahilila chavisaka vyavathu.

Ungaji vautunga muvikhuku vyafweto nakuzangamisa. Jinguvulu jakuyula kuli vathu vakuhona lufwelelo, na woma wakusopesa chakumelu navatunga jishimbi jakuzeneka kutesamo. Litalililo lwakutambula fweto nawoma wakuzangamisa vili vyuma vize vyatondeka mangana vihonese luyanjisa. Vakakutunga nakutwaminyina jishimbi vatela kwijiva ukalu wavishinganyeka vyavo kushipilitu. Vaka kuyula vanetavila ngwavo ukalu wavishinganyeka vyavo naukavakava mbwe kukuyoya chikwavo chakumelu, kaha nawa vanatachikiza ngwavo kusopesa chavo nachikapwa chakwesekesa hachipimo chaungaji wakujila, chamwenemwene navakalifumisa kukuyula chachipi naluyanjisa.

1. Omu naupwa unalilongesa lyehi kuhanjika evi vishinganyeka vili helu chakutamo, hunanana kutwala hamitwe yajiphande muka jize najinganyala kukwivwishisa waneha ou unjiho?

2. Naukumbulula ngachili muthu uze afwelela ngwenyi kuhona ungaji nachikatwalililaho?

3. Mwishi muli mifunda yavisonaka vyaBahá'u'lláh vinatale haungaji, tunakukolezeza uvilame mumuchima.

“Ungaji ukhiko kumwinyika chavathu. Kanda muchijima napeho jeka jaluyanjisa nakuyula mwamupiko. Mulimo wa Ungaji wakuneha kuunda mukachi kavathu.”¹⁹

“Kumwinyika nachimwe phimbi nacheseka nakumwinyika chaungaji. Hakhiko chakundama kuwaha chakaye nakuunda chavathu.”²⁰

“Ungaji ukhiko wanangula Kaye, mwomwo vautunga navikhuku vivali: fweto nakuzangamisa. Evi vikhuku vivali vikhiko kasulu kakuyoya chavakakaye.”²¹

CHIJJINJI 8

Echi chihandwa chili hakachi kavapichi navihutwe chinakutohwelako lika khala kumbi lyahita mwilu. Ou unjiho wamazulu uli mwishi naukukafwa ove kushimutwila namasepa jove kutwala hali ou mutwe wachihande.

Lelo lino, hakuhona chakulikafwa umwe namukwavo nakuhona chachivwasano, vamembala vamwe vamuchitungilo vali vakuwahilila, vanakuyoya mwaumesele naulangaji okunyi vakwavo vanakuyanda nazala nakuhona hakusavala. Vamwe vali naluheto lwakuhambakanyisa, oloze vekha vali mukuhutwa chakuhambakana.

Jishimbi javitungilo jatela kupwa jakutungo nakujikavangiza chakulinga kuhone kupwa vamwe vaze navalikungulwila luheto lwakuhambakanyisa, okunyi vakwavo nachimwe vali nacho chakwihi. Echi kachalumbunukile nge vosena vatela kupwa hamweko, kulihandununa chachipimo najingolo chikhiko chatwama mukutenga. Oloze kusweza chakuvula chaluheto chakulikava nakuhutwa chasonyi, vinatela kupwa vyakutetako. Nge chakutamo mukakusekasana kupwa naluheto, chochimwe nawa namukakuzata atela kupwa nachiyoyelo chakutamo. Omu natumona uhutwe wakuhambakana, natuwana kuyula mwamupi kujingalila jimwe.

Kupwa chivene chaungaji wakujila chatela kulovoka mukuyoya chavakakaye. Vikhuku vyajila yaluheto vyosena vili vyakujila kaha nawa vavinunga nakaye kamuchima naka kashipilitu. Vapichi vatela kuhana chihanda chimwe chavikumba vyavo; vatela kuhuhumuna michima yavo nakutumba chinyingi chimwe chakheke. Michima yatela kuyiumba yipwenga hamwe, nawa zangi yatela kupwa chijililo nachinehesa vapichi kumona vavene nge chakutamo kupwa naseteko yaupite wakutamo nawa chakutwalililaho. Vakhivo vavene vatela kwijiva ngwavo kacheshi chakutamoko kaha nawa kavachitaviza kupwa naluheto lwalunene oku kuli kuhutwa chachinene mungalilako. Hakulinga ngocho vavene navahana chimbwa chavikumba vyavo namuchima umwe, nakulama kaha chimbwa chize nachivakafwa vakhivo vayoye kanawa.

1. Tanga ou unjiho nawa linangulewo nalizavu lyove nganomu walinganga kunyima. Kuli vihula vyavivulu mumitwe yavathu vinapandama kuluheto nakukuhutwa—milimo, fweto, hakutwama, tutongoleko vimwe vyavindende. Nawuhasa kushinganyekelako mitwe yavihande vikwavo vize kushimutwila nachinganyala havishinganyeka vya ou unjiho?

-
-
-
-
2. Naukumbulula ngachili nge umwe nakwivwe uli nakuhanjika havishinganyeka vili helu mwakuhula ngwenyi: “Ove unakuhanjika ngana ngove vapichi navaketavila nakukolesa lushimbi lwakuhana mitelo yize muthu wosena atela kuhana kaha nawa navakafweta namuchima umwe vize vatela kufweta? Yika yinakukulingisa ushinganyeke ngwove echi nachihashiwa?”
-
-
-
-

3. Vanakulombe ove ulame mumuchima mufunda umwe chipwe yivali yavisoneka vya Bahá'u'lláh:

“. . . myatela kwima mihako yamwaza yakukomowesa, mangana yenu navakwenu vawanyineko nganyo. Chili chakutamo muthu wosena kulihaka muuchiji namumilimo, mwomo kajinjilo kaluheto mukhiko kaswama, ove muthu mukakwivwishisa.”²²

“Nge meso ove nawapwa akutala hakheke, seza ove vyuma vize vili vyavilemu kuli ove yavene ingila muli vize navikaneha ukafo kuli vakakaye. Kaha nge meso ove nawapwa akutalikisa ku Ungaji sakwila ove mukwenu chuma chize nawulisakwila ove yivene.”²³

“Kutokwa kuli uze mwazanga songo yenyi kuhambakana yivene.”²⁴

“Vilinga vyamwaza navimwe phimbi vyajimbala chipwe navikajimbala, mwomwo vilinga vyamwaza vinapu luheto vatumbika kuli Kalunga mangana vikanganyalise vaze vakakuvilinga.”²⁵

“. . . lilamenunga mihone kuhambakanyisa jingiza jaseteko nakumilavila kuli vakalwenyeka.”²⁶

CHIJJINJI 9

Mwishi muli vishinganyeka vimwe vize navikukafwa ove kuwanyika mukushimutwila kutwala hachihande chavihandwa.

Vihandwa mumitundu yavyo yosena—mauka, mitundu, lunga chipwe pwevo, miyachi, luheto—vyechi kwenyeka kulinunga chavakakaye, nawa vyalisepasana najishimbi jaKalunga. Hali makhombakaji amyaka vakakaye vanayande najijita nakumbwelumuka manyinga mwomwo yavimwe vyavyevi vihandwa. Kaha nge navitwalililaho vakakaye kavechi kuhasa kuhwimako.

Kalunga atuma Vapofwetu Jenyi namulimo umwe wakuneha zangi nakulinunga. Mikanda yosena yaKalunga yinapu mazu azangi mukusoneka. Nge nawaneha chihandwa, kaha nawapwa amokomoko. Shikaho, vihandwa vyamauka vyapwa vyakulisepasana chikuma nakuzanga chajishimbi jaKalunga.

Vihandwa vyamafuchi vavikana chikupu. Kaye kanapu mavu amwe lifuchi nawa limwe. Mifunda najingiza japangununa mafuchi chapwa kujina kaha chavathu; jikhiko kavajitengele kuli Kalungako. Vathu vechi kulingisanga kalwiji kupwa ngiza hakachi kalifuchi nalikwavo, nakuhana lijina Sali nasali, olozenyi kalwiji vamutengelele wavosena kaha nawa napu mushisa wavosena. Kachapwile kujina nakuhona chinyingi vinakunehesanga vathu kwalumuna jikisu jakuyoya kupwa jijita nakwenyekako?

Vihandwa vyamitundu vinapu kaha kujina chavathu, nakuliseza chawulombo wavikova vyavathu vyapwilako mwomwo wavakhakuluka javo kumyaka kutwama kujingalila jakulihandununa najingonde nawa jakuliseza. Vilinga vikhiko vyalumbununa muchano wakupwa chavathu. Ulemu kawapendamina hamiyachi chipwe ulombo wavikovako. Vilinga vetaviza kumeso aKalunga vyapwa: lufwelelo, kutoma chamuchima, vilinga vyamwaza, kulomba nakulemesa.

Ha lwola yinahite, mapwevo vapwile vakutumina kuli malunga, kaha vanamone makhava naluyanajisa. Echi chihandwa hakachi kamalunga namapwevo hivyuma vyahano hakaye; mukaye kashipilitu vanapu vovamwe. Kumeso aKalunga, kahatwama chihandwa hali valunga napwevoko. Mitundu yosena yavathu vavahanyine chinyingi chakwivwishisa. Vosena vatwama najingolo jakupwa navilinga vyamwaza. Lelolino kakwechi vyuma navikokesa kupwa chamuthu lunga chipwe pwevo yipwe jila yakumuhandulako.

Kweseka namazu amuTsetamende yaMwaka, Kalunga nahanjika ngwenyi: “Tutengenu muthu kupwa chifwanyisa Chetu, nganomu twapwa Yetu.” Echi namuchano chili hali mapwevo navakhiko. Muthu vamutengele muchifwanyisa chaKalunga chipwe ngwetu, vilinga vyajila vyaKalunga vinakusolokelanga muli vathu. Echi chamuchano muli vakakaye vosena. Chili chakuluwa kwamba ngwetu mutundu umwe, kaha, muyachi umwe, chipwe lifuchi limwe kaha vakhivo vapwile vakutenga muchifwanyisa chaKalunga. Chakuluwa kwamba ngwetu shina vapichi kaha vakhivo vatengele muchifwanyisa Chenyi, chipwe kushinganyeka ngwetu unene wawulemu mukuyoya chikhiko cheji kunesanga kuswenya kukamwihi naKalunga. Vakakaye kavechi kuhasa kuwana kumwinyika chakuhona kuhichila mukumbila vihandwa nakutambula vilinga vyamwaza vya muwangana wameluko.

1. Tanga ou unjiho nganomu unalingi kunyima kaha nawa shinganyeka umwe ukalu uze masepa jove navakwenu mwatunga navo vananehe hajiphande jenu jize jinakuhanjika hakumanyisa vihandwa.

2. Nawukumbulula ngachili nge umwe nakwivwe unakuhanjika havishinganyeka vili helu mwakwihula ngwenyi: “Tunahase kupwa nachihandwa chakuhona kuchitachikiza?

3. Ove unahase kupwa nalwola lwakuhaka mufunda umwe chipwe yayivulu yavyevi visoneka vyaBahá'u'lláh mukushimutwila chenu hali evi vishinganyeka:

“Mavu anapu lifuchi limwe kaha, kaha vakakaye vanapu vathu valyeli lifuchi.”²⁷

“Mithango yamafo amahya amukaye afuma kumutondo woumwe, osena anapu mamata akalungalwiji youmwe, kaha nawa vathu vosena vafuma kukupwa chochimwe.”²⁸

“Namuchano vene, ou Ikhiye muthu nalihake lelo mumilimo yakuzachila vakakaye vosena.”²⁹

“Muteleleji wavilinga vyamwaza wahambakana muteleleji walikumbi nakumwinyika chalyo chosena.”³⁰

“Uthu wamuthu kawapendamina havikwata chipwe luhetoko, oloze shina kutwama cha vilinga vyamwaza nakwivwishisa chamuchano.”³¹

“Itavila Kalunga, mangana kuhichila mukheke Yenyi, akukafwe mwoyena, kupuzula makombelo akujina nakufumisa vithuku vyakukhakasana chavathu.”³²

“Muthu wakuhona chinyingi uze echi kufwilanga chakuhona mangana kupwa helu lyadumbwenyi nakuzanga kuzovoloka chayikhiye kaha.”³³

CHIJJINJI 10

Hakupwa muvihanje namasepa jove, nauthuchila likha kuli ou unjiho unakutala hakweseka hamwe chamalunga namapwevo:

Kuhichila mumuteleleji naliyena lyacho, Likumbi livene lyeji kwambulula muchano wavyuma vyosena hamavu. Muhako wakuswama mumutondo unakulovokanga mumithango yawo mukukumbulula kungolo jaMusana. Chochimwe, naMusana waMuchano, unakumwinyika nakuvyakhuma chawo chosena mumelu ashipilitu, unakunehanga hatoma muchano uze kawapwilenga hatoma kumyakako. Shikaho, muli lino likingo, lushimbi lwakweseka hamwe valunga napwevo vanalwitavila chikupu kaha nawa kuchili mumuchano.

Bahá'u'lláh nahanjika ngwenyi kumeso aKalunga kahatwama chihandwa hali lunga napwevoko. Kupwa chachihandwa hali malunga namapwevo chinatwalilila muli myaka yayivulu kechi nge mwomwo waunene wamalungako, chinapu kaha mwomwo mapwevo kavapwile nauhashi woumwe wakukulisa jingolo javoko. Olozenyi chipwetuhu kweseka nachihandwa kutwala hali vakhivo, unjiho unambulula kuyoya chamapwevo vavavulu vanazate milimo yayinene.

Umwe wavo apwile mukakusoneka jikhumbu wamu Persia, Tahirih. Asemukile kukuputuka cha 1800 (século XIX) mulifuchi lize mapwevo vapwile vakutumina mwoyena kuli malunga. Ikhiye apwile pwevo wakavanga kwitava muchano wamujimbu waKalunga Wawihya. Omu ejivile kuthutuka chaLikumbi Lyalihya, amwene ngwenyi lunahete lwola lwakwitavila kweseka hamwe chamalunga namapwevo kupwa muchano. Ikhiye ahakile ngolo jenyi josena hakwambulula ou

muchano. Chinyingi chenye nakashishi vyakomowesele malunga vachinyingi chachinene hali yize myaka. Chipwe tuhu ngolo josena java myangana valuyanajisa namauka akuhona chinyingi nawa akulimona kulonga vasakile vamuhonesa, Ikhiye kazeyele numba chindende hakwambulula muchanoko. Kaha kusongo, ahanyine mwono wenye hakuzachila Liuka atambwile chakutesamo.

Kufwelela vyuma ahona kusaka Kalunga chapwa kaha kuhona chinyingi nakujina. Lelolino mapwevo vatela kupwa nauhashi wosena mangana valinangule nakupwa haseteko yoyimwe namalunga muvhanda vyosena vyakuyoya chavathu. kuzovoloka chivene chavathu nachikahasa kupwako, nge kweseka hamwe chamalunga namapwevo chinatesamo hano hakaye nganomu chapwa mukaye kashipilitu.

1. Nganomwo chinakupwa likha, linga utange ou unjiho nakulilongesa kuhanjika mazu acho mulizavu lyove. Jiphande jimwe unapunajo namasepa jove najitela kunganyala kukwivwishisa wahana ou unjiho? Mazu muka apwanga hakushimutwila?

2. Lufwelelo muka navilinga vili muchitungilo lelo lino vinakutondeka kwalumuna mangana mapwevo vapwenga haseteko yoyimwe namalunga mumithango yavyakulinga vyosena?

3. Watela kuhaka mumuchima vimwe vyayeyi mifunda yamazu akujila amuvisoneka vyaBahá'u'lláh.

“Mapwevo namalunga vanapu, kaha nawa navakatwalililangaho kupwa vovamwe kumeso aKalunga.”³⁴

“Kamwatachikijileko mwomo yika Twamitengela muvosena kufuma kulukungu lwolumwe? Mangana naumwe phimbi mwalinyinyisa helu yavakwavo.”³⁵

“Mulikumbi lino, livoko lyajila lyaKheke linakufumisa vihandwa vyosena. Vangamba jaKalunga vamaunga navava vamaawevo vanaalingisa kupwa vovamwe.”³⁶

CHIJINJI 11

Unjiho wakukumishilako natulinangula unatale hamutwe wachihande cha kulinangula chava kakaye vosena.

Kutwala halutwe kulilongesa chinapu chuma chachilemu chinakutondeka mulumbushi muyino thando yetu. Lifuchi nalimwe phimbi nalihasa kuwana luheto chakuzeneka kwalumuna kulilongesa kupwa kufwila chavo chachinene. Kuhona mwakutambwila chinyingi chikhiko chuma nachihonesa ngalila yavathu kuya kulutwe.

Kulilongesa chatela kuputukila muunyike. Unapu mulimo wachisemi walunga nowu wapwevo kulinga ngolo jakutamo mangana valongese vana vavo, nakutomesa vilinga vyavo ngana mwajishimbi jashipilitu navilinga vyamwaza mukuyoya, nakumona nge vanaalongesa vyauchiji nasayansi (ciência). Vamama vakhivo milongeshi vavaka kaye vakavanga; vakhiko vechi kwamwisanga vanaavo kumavele achinyingi. Kanyike wosena atela kupwa wakulongesa; echi kechi chuma chakutela kuliwulako. Nge visemi vanahase kuwanyisa vyuma vinakutondeka, vatela kuchilinga. Nge phimbi, chikungulwilo chatela kutunga jila vatangise ou kanyike.

Kutanga chitonese kusaka chakuwana ulemu muli muthu wosena. Twatela kufwila kulonga nakuchisaka naliphwila lyosena. Twatela kufwila kuheta hachipimo chashipilitu nakwalumuka vatwijivile kuvilinga vyamwaza vyavaka kaye - muchano, kwononoka, kuzachila vaka kaye, zangi naungaji. Twatela kutonda kupwa vakulipwila mungolo jetu jakuneha ukhulungunga nakulinunga, kaha nakukolesa chinyingi. Kwendesha vathu muli eyi jila ukhiko mulimo uvene wakutangisa.

1. Hakukumisa kutanga mulizavu lyove eseka kuwana ukalu vali nawo masepajove kutwala hakulilongesa. Vishinganyeka vili helu vyahanjika ngachilihi haukalu wavo?

-
-
2. Tunakulombo uhakeko mumuchima mufunda wamazu ajila amuvisoneka vya Bahá'u'lláh:

“Kachatelakoko kwecha muthu chakuhona chinyingi chipwe kuhona kwijiva vyakuzata, mwomo mwakapwa unonyi ngana mwamutondo wakuhona kwima.”³⁷

**“Talisenu mangana enu kukusaka kutangisa vathu namiyachi yahamavu. . .
“³⁸**

“Uchiji, milimo nasayansi (ciência) vikhiko vyazundula kaye kavathu, nakutwala kukwalisa.”³⁹

“Chaphundu, chinyingi chikhiko luheto lwamuthu lwamuchano, nawa kasulu kaupahu, kamangana, kakuwahilila, kakuzezula, kachiseke nakusamba muli Ikhiye.”⁴⁰

CHIJJINJI 12

Ukhulungunga chili chihande chize chili mumitwe yavathu vosena. Kupwako chacho chinakutondeka mulumbushi kaha nawa chachilemu. Hakulinga ove unashinganyeka lyehi chindende hajishimbi jili haunjiho tunaseze kunyima, nachihasa kukwanguhwila kuhunanana kutwala havihula vyaukhulungunga wakaye kosena.

Kakavulu chinakupendaminanga chikuma hajijila echi kuzachisanga nguvulu mangana akumise jita. Chivwasano chajipolitica jakukumishilamo jidombo nakutepulula mata ajijita chili chachilemu hakusaka ukhulungunga, kaha nawa najijila jajivulu jakulinunga chamafuchi na akwavo. Kaha shikaho, chipwe tuhu vyavilemu ngachili vyuma vyacho, kechi navitwala kuukhulungunga wakatwalililahoko nge eji jishimbi tunahanjika kunyima najipwa jakutunga mukaye kosenakoko. Twatela kulihulisa: wivwa nge vathu kulilongesa kuhehwojola muchano nakwijiva ngwavo muchano wapwa wowumwe chiku, vihandwa vyakumyaka navitwalililangaho nakupwako likakoko? Tuvosena twafuma kwokumwe, Kalunga anakutulamanga yetu nakutunangula kuhichila muli vaThemesa Jenyi. Kunangula Chavo chapendamina hachikhuku chazangi nachivwasano, shina kaha omu kulinunga chamauka navakachitavila jita yamauka nayikakuma kaha miteleleji yaLiuka nayikamwinyika jila ya ukhulungunga. Twatela

kulihula mukachi ketu: kechi chinakutondeka sayansi (ciência) naLiuka kuzachila hamwe mukulinunga mangana vafumiseko mavwe akuzeneka chinyingi nakusolola ufweleketete wamitundu yosena yavyevi vihandwako? mitundu yosena yavihandwa yinapu mukoleko umwe waunene hakuwana ukulungunga. Kaha nawa chihula chikwavo: nachihashiwa kutunga kaye kakuunda nge chihandwa chachinene chatwama hali pichi nachihutwe kachapwile chakukumisa mutupete vosena vakayeko? Ukenya unakwate chihanda chachinene cha storia naukasela ukhulungunga chihela naluheto lwamuchano shina kaha nge mapwevo vanakuwanyika kumilimo yosena yahakaye kwimana mukweseka hamwe namalunga. Visemuko vyakulutwe vatela kuvinangula vyosena kweseka najaji jishimbi, nge pimbi lutalililo lwetu lwakutalilila ukhulungunga nalukafwilamo. Watela kulama mumuchima awa mazu a Bahá'u'lláh mangana ove uhase kulipangilawo navakwenu vathu vanakuzakama lutwe lwavaka kaye:

“Kuwaha chavaka kaye, ukhulungunga nakukingiwa, kacheshi kuhasa kupwakokoko, chakavanga shina kutunga kulinunga chakutwalililaho.”⁴¹

REFERENCES

1. *Gleanings from the Writings of Bahá'u'lláh* (Wilmette: Bahá'í Publishing Trust, 1983, 2017 printing), CIX, par. 2, p. 243.
2. *Ibid.*, CXXXII, par. 1, p. 325.
3. *Ibid.*, XXXIV, par. 5, p. 89.
4. *Tablets of Bahá'u'lláh Revealed after the Kitáb-i-Aqdas* (Wilmette: Bahá'í Publishing Trust, 1988, 2005 printing), no. 11.1, p. 161.
5. Bahá'u'lláh, *The Kitáb-i-Íqán: The Book of Certitude* (Wilmette: Bahá'í Publishing Trust, 2003, 2018 printing), par. 151, p. 131.
6. *Gleanings from the Writings of Bahá'u'lláh*, XXVIII, par. 2, p. 77.
7. *Ibid.*, XXIV, par. 1, p. 66.
8. *Ibid.*, CXI, par. 1, p. 246.
9. *Ibid.*, XLIII, par. 6, p. 106.
10. *Ibid.*, CX, par. 1, p. 244.
11. *Tablets of Bahá'u'lláh Revealed after the Kitáb-i-Aqdas*, no. 15.4, p. 220.
12. *Gleanings from the Writings of Bahá'u'lláh*, XCV, par. 1, pp. 219–20.
13. *Tablets of Bahá'u'lláh Revealed after the Kitáb-i-Aqdas*, no. 9.13, p. 141.
14. *Ibid.*, no. 5.13, p. 51.
15. *Gleanings from the Writings of Bahá'u'lláh*, CXII, par. 1, pp. 247–48.
16. *Ibid.*, CXXXII, par. 3, p. 326.
17. *Ibid.*, CXI, par. 1, p. 246.
18. *Tablets of Bahá'u'lláh Revealed after the Kitáb-i-Aqdas*, no. 7.20, p. 90.
19. *Ibid.*, no. 6.25, pp. 66–67.
20. Bahá'u'lláh, cited by Shoghi Effendi, *The Advent of Divine Justice* (Wilmette: Bahá'í Publishing Trust, 2006, 2018 printing), par. 42, p. 41.
21. *Tablets of Bahá'u'lláh Revealed after the Kitáb-i-Aqdas*, no. 3.23, p. 27.
22. Bahá'u'lláh, *The Hidden Words* (Wilmette: Bahá'í Publishing Trust, 2003, 2012 printing), Persian no. 80, p. 51.

23. *Tablets of Bahá'u'lláh Revealed after the Kitáb-i-Aqdas*, no. 6.19, p. 64.
24. *Ibid.*, no. 6.37, p. 71.
25. Bahá'u'lláh, in *Huqúqu'lláh—The Right of God: A Compilation of Extracts from the Writings of Bahá'u'lláh and 'Abdu'l-Bahá and from Letters Written by and on Behalf of Shoghi Effendi and the Universal House of Justice*, compiled by the Research Department of the Universal House of Justice (Wilmette: Bahá'í Publishing Trust, 2007), no. 16, p. 16.
26. *Gleanings from the Writings of Bahá'u'lláh*, CXVIII, par. 2, p. 283.
27. *Ibid.*, CXVII, par. 1, p. 282.
28. Bahá'u'lláh, cited by Shoghi Effendi, *The Promised Day Is Come* (Wilmette: Bahá'í Publishing Trust, 1996, 2018 printing), par. 279, p. 187.
29. *Gleanings from the Writings of Bahá'u'lláh*, CXVII, par. 1, p. 282.
30. *Tablets of Bahá'u'lláh Revealed after the Kitáb-i-Aqdas*, no. 4.11, p. 36.
31. *Ibid.*, no. 6.3, p. 57.
32. *Ibid.*, no. 6.3, p. 58.
33. *The Hidden Words*, Persian no. 5, pp. 23–24.
34. Bahá'u'lláh, in *Women: Extracts from the Writings of Bahá'u'lláh, 'Abdu'l-Bahá, Shoghi Effendi and the Universal House of Justice*, compiled by the Research Department of the Universal House of Justice (Wilmette: Bahá'í Publishing Trust, 1986, 1997 printing), no. 54, p. 26.
35. *The Hidden Words*, Arabic no. 68, p. 20.
36. Bahá'u'lláh, in the compilation *Women*, no. 3, p. 3.
37. Bahá'u'lláh, in *Excellence in All Things: A Compilation of Extracts from the Bahá'í Writings*, compiled by the Research Department of the Universal House of Justice (London: Bahá'í Publishing Trust, 1981, 1989 printing), no. 5, p. 2.
38. *Gleanings from the Writings of Bahá'u'lláh*, CLVI, par. 1, p. 378.
39. Bahá'u'lláh, *Epistle to the Son of the Wolf* (Wilmette: Bahá'í Publishing Trust, 1988, 2016 printing), p. 26.
40. *Tablets of Bahá'u'lláh Revealed after the Kitáb-i-Aqdas*, no. 5.13, p. 52.
41. *Gleanings from the Writings of Bahá'u'lláh*, CXXXI, par. 2, p. 324.



Mitwe ya Vihande vya Kulikolesa nacho

Kufwila

Kukolesa chijililo chakumenekela masepa navakwetu
twatunga navo hamwe mangana tushimutwile
kutwala hamitwe yavihande
vyavilemu vyakushipilitu

CHIJJNJI 1

Echi chihanda chamuchitatu, ngana mwachechi tunaseze hanyima, chatala hangolo najitukafwa etu kuwanyika kujiphande jamwenemwene nawa jakulikolesa nacho. Hachihanda chamuchivali twatalanga chikuma hathando jajivulu jize jinakutunehesanga etu kutwala helu jiphande kuzachisa jishimbi jashipilitu kupwa chitalilo. Hano tunakushishika hakumenekela tunakuzatanga kumazuvo amasepa navakwetu twalihata navo mangana tuhanjike navo mitwe yavihande vyavilemu mukuyoya chachikungulwilo.

Mumembo navitungilo twalihata navyo mukaye kosena, mazavu amasepa vanalingisa chikuma muvhande vyamilimo yakulinunga yize yinalichinge naviwanyino vyamajiko amalombelelo akutwalililaho, kutangisa chavanyike vavandende kushipilitu, viwanyino vyatumbululu twavakweze, kutanga chamikanda ya ruhi instituto mumazavu, vilombo vyavakweze, namitundu yayivulu yikwavo yakutangishilamo (kambanya). Omu nachilinga kupwa cha eyi milimo chinazame lyehi mujingalila nawa kweseka nakuvula chanambala yavathu vanalihane vavene mumilimo yakuzachila, lizavu lyamasepa nalikola mukutohwa namujingolo. Vilongeselo vimwe vyakutwalililaho mukumenekela chayimwe nambala yinakutohwelako kumazuvo mungalila chipwe membo twalihata nawo chinapu chuma chimwe chachilemu mujila yakutunga vikungulwilo vili nangolo oholyapwa. Mitwe yavihande vyakuliseza yinakupwa yakuhanjika halwola jakumenekela. Mulongeshi wa chiBahá'í wakangisa vanyike vavandende, chakutalilaho, atela kusanyika kakavulu visemi javana mangana vashimutwile mitwe yavihande yayilemu yinapandama kukutanga. Vaze vazata kupwa milongeshi vatumbululu twavakweze (animadores) navaze vakakutwaminyina mazavu mukutanga mikanda ya ruhi instituto (tutor) vatela kumenekela navakhivo nawa kumazavu atumbululu twavakweze mangana vahanjike vihande vinatale kuukalu najijila jinalipandama neyi myaka yinakwiza mukuyoya chamuthu wosena. Jiphande jinakulingiwa navamembala vachimwe chisaka kutwala hamutwe wachihande unakukolesa chinyingi chove cha Liuka najikhiko nawa jajilemu. Kulumbununa muwihi, ngolo jachechi kumenekela muchisemwa chakulinunga chinakusemuka muchikungulwilo, kachatela kupwa chakulelesako.

CHIJJNJI 2

Hakulinga mangana tuwane kufwila cha echi chihanda, natushinganyeka hali chimwe chikungulwilo twalihata nacho muze munalinge jila vanambulula helu yili

halutwe, kaha natuchizachisa kupwa chitwa mangana tuwanenacho mutundu wajiphande jinatela kupwa jakuhanjika mukumenekela kumazuvo.

Alejandra apwa umwe mukweze ali mumango yamuchitatu yashikola yayinene. Ikhiye naumwe wavasongojenyi mukakutanga nayikhiye vayoya navisemi javo mulimbo limwe lyalihata nalyeli tuli nakushinganyeka, kuzuvo vasemukila vanakolela. Ava vawana vechi kulikungululanga vyalumingo vyosena navamwe vakweze valimbata vananunguluka linomu nakuya muli echi chitungilo mangana valombenga nakuhehwojola kutwala hakuya kulutwe chamilimo yinakuzachika kukamwihi kaha nawa yinengisa vathu mukuvula chavo vakweseka mumakombakaji atanu na atatu (8,000) avathu. Lwola jimwe vathu vakwavo vatatu vanakuwanyikanga kukukunguluka chamu vyalumingo; vakhivo vanakuputuka kushinganyeka chakutwalililaho kechi nge muvilina vyavavene kaha vyakuzachilako oloze namukuzovoloka chosena chakutungungulula chachikungulwilo: mulongeshi wakutangisa vana vavandende naputuka yimwe shikola hatukweji vatanu naumwe navakweze vavali vamyaka likumi nayitanu nayivali nakutwaminyina jingolo jalimwe lizavu lyatumbululu twavakweze nakukafwa chandumbu ya Alejandra wamukulwane apwile animador mulizavu omwo vapwile vakhivo vachili vanyike vavandende, kaha echi kumenekelanga visemi javo lwola lwosena.

Chihanda chakavanga chajiphande natushishika, echi chava Alejandra na Sanchez; chisaka chimwe vejiva chikuma kaha nawa vavumbika muchitungilo. Ava valunga napwevo, vali namyaka yakuta mumakumi atanu nalimwe nawa valela vana vavo vamentalunga navava vamaapwevo, vayoyela kwaukawavo ha jithambo jajindende mukusuhwa nahazuvo ya Alejandra. Ava visemi wapwevo nou walunga Sanchez valilongesa vasona, oloze kavatangile shikola yiveneko. Aka kavumbi kakanene vatwamanako kapwa mihako yachinyingi vanawane mukukuluwila chakuyoya chimwe chakukafwa vathu navilinga vyakwoloka. Vakhivo vanejiva kunangula cha chiBahá'í hali yimwe thando, oloze vaneza kaha linomu nakuputuka kuchihehwojola chakutamo. Hachalumingo chinahite kunyima vatumine kuli visemi ja Alejandra kulwekesa kusaka chavo chakulikungulula muchikungulwilo. Chiwanyino chakuvatambula chili chakulongesa lyehi, kaha cheka nawa vanalivwasana ngwavo Alejandra mwavamenekelanga makumbi osena muvyalumingo yayivulu mangana vashimutwilenga mitwe yavihande nayivakafwa kukulisa chinyingi chavo cha Liuka. Hakukavangiza unjiho wachechi kumenekela ove nauhasa kuwana eyi mitwe yavihande, kaha nawa halwola lolumwe nauhunana kutwala hakutambuka chajiphande muthando yacho.

CHIJJINJI 3

Alejandra ali nakushinganyeka kupandamisa phande jakavanga navatata namama Sanchez hakulumbununa chimwe chachindende chili mwishi kutwala hamutwe wachihande cha Chivwasano cha Kalunga chakutwalililaho.

Thengi wavyuma vyosena Kalunga, Ou Wakulipwila, Wakuhona Kwesekesa, Ou Apwileko, Kwatwama, nawa Mwakapwako likha. Bahá'u'lláh atunangula ngwenyi kupwa chivene cha Kalunga kechi chakwijiva namangana authuko, mwomwo chize chikwechi songo kachatela kwijivisa chize kacheshi kukumako. Vifwanyisa vanakumufwanyisanga kuli vathu vinapu kaha mihako yakujina chavo. Kalunga kapwa Muthuko, Ikhiye kapwa kaha ngolo jize jalimwangila mwalenga kaye kosenako. Mazu natuzachisa mangana tulumbunune kupwa Chenyi, ali nge, Tata waMwilu, Ngolo jaMwilu, Shipilitu Wamunene, anakutongolanga kaha majina Enyi navilinga Venyi mulizu lyauthu kaha kawatelemoko kulumbununa kupwa Chenyi.

Mumazu Akusweka tunakutangamo ngwetu:

“Ove Mwana Muthu! Ngwazangile tengeso yove, shikaho Ngwaketengele. Nguzange Ami, mangana Ami ngukuluke lijina, nakuzalisa mwono wove nashipilitu yakuyoya.”¹

Muli awamazu, Bahá'u'lláh atulweza ngwenyi zangi yaKalunga hali etu yikhiko chuma chachinene chalingisa etu tupwengako. Twatela kuthachikiza eyi zangi yeji kutukinganga, yeji kutulamanga nakutuzalisa nashipilitu yakuyoya. Muthando yaukalu chipwe kuunda, yaushona chipwe muviseke twatela kwanuka ngwetu zangi Yenye nayitufwikanga lika.

Nakunangula cha chiBahá'í tunalilongesa ngwetu, hakututenga kufuma kuzangi Yenye, Kalunga natunge chivwasano nayetu. Lizu lyakwamba ngwavo “chivwasano” lyalumbunuka kulishika chavathu vavali chipwe vavavulu. Kweseka nachivwasano chaKalunga chakutwalililaho, Ou Thengi kechikutusezako, nawa thando hitando echi kutulwezanga twijive kusaka Chenye nakufwila Chenye kuhichila muli Vathemesa Jenye.

Lizu vamba ngwavo “kusolola” lyalumbunuka kulovola, kusolola chuma chize kavejivile hamyakako. Vathemesa ja Kalunga vapwa Vathu vakulipwila vechi kutulwekesanga lizu lya Kalunga. Vakhivo vapwa milongeshi vavathu vosena, vanakutunangulanga mwakuyoyela nganomu asaka Kalunga namwakuwanyina

kuwahilila chamuchano. Hali ava Vathemesa hali Apalahama, Krishina, Mose, Zoroaster, Buddha, Kulishitu, Muhammad, nawa cheka Báb na Bahá'u'lláh Vathemesa jaKalunga vava Pasa halino likingo mutuheka twavaka mavu.

Kaha shikaho, chivwasano chaKalunga chahaya myaka, Kalunga chihanda Chenyi eji kutesangamo likha. Chihula chachilemu twatela kulihula tuvoseni echi: “Nangulinga ngachili ngutesemo?” kukumbulula natuwana muvisoneka vyamauka osena echi: Kumwijiva Themesa ya Kalunga nakwovwahila kukunangula chenye. Echi kukumbulula chalumbununa ngwavo kufwila chivene chakuyoya chetu, chapwa kumwijiva nakumwalisa Kalunga. Muchilombelo cha Lushiko Chachihi, tunakulombanga ngwetu:

“Nguli naunjiho, Ove Kalunga kami, ngwami Ove wangutengele ami mangana ngukwijive nakukwalisa Ove. Ngunalitavila, muli yino thando, kuhona ngolo chami nangolo Jove, kuhutwa chami naluheto lwove.

“Kakwechi Kalunga wekhako shina Yove kaha, Mukakutukafwa muukalu, Aliyoyela Yavene.”²

Hakulinga kacheshi kuhashiwa etu kumwijiva Kalungako shina kuhichila kaha muli Vathemesa Jenyi, jila yimwe kaha twatela kuwanyishilamo kufwila chakuyoya chetu, shina kuvejiva nakukava kunangula chavo. Lelo michima yetu yazalilila nakusakwilila hajikisu jakuyoya muthando yize lushiko vasonekele mumikanda yosena yakujila, ngwavo ukhulungunga naungaji naukapwa waktunga hamavu, lunakutesamo. Bahá'u'lláh anakuvilika:

“Eli likhiko likumbi lize mawana amwaza aKalunga vanawechilalyehi hali vathu, likumbi lize Kheke jakumelu vanajihungunwina hali vyakutenga vyosena. Vathu vamukaye vosena vatela kulikonekela vihandwa vyavo vyosena, nawa mukuunda na kulinunga chakwoloka, vahwime mumuvule wamutondo wakukinga Chenyi nalikoji Lyenyi.”³

Shimbu kanda tutwalilileho nakaheka ketu, tanga echi kulumbununa chili helu nawa hunanana khala palangalafu nalwola lwacho navakwenu vakakuwanyika mulizavu lyove. Enu minahase kulihulisa vihula umwe namukwavo nakuvikumbulwila hamwe, ndo nomu vosena navahasa kuhanjika vishinganyeka vyacho chakutamo nawa nauhashi. Kulilongesa kanawa mazu ajila chachilemu nawa nahacho, hakumona nge kwazana mazu amuvisioneka mukushimutwila chamutundwou chachilemu. Evi vyakulinga vili mwishi navikukafwa kuhunanana kutwala havishinganyeka vili aha hachijinji nawa nakutwala hakuthachikiza muwalumbunukila mazu ajila aliho:

1. Naulumbununa ngachili kuli muthu ngwove kupwa chivene cha Kalunga kachapwa chakwijivako? Palangalafu yakavanga yili helu yinahase kukukafwa ove muli eyi jila.

2. Mwomwo yika Kalunga atutengela yetu? _____

3. Yika lyalumbunka lizu lyakwamba ngwavo “Chivwasano”? _____

4. Kalunga ashika yika hachivwasano Chenyi chahayamyaka navaka kaye? _____

5. Inyi vyuma muka yafwila myono yetu? _____

6. Nge katwechi kuhasa kwijiva omwo apwa Kalungako, inyi chika chalumbunuka kwamba ngwavo kufwila chamyono yetu chapwa kwijiva Kalunga? _____

7. Yika lyalumbunuka lizu lyakwamba ngwavo “kusolola”? _____

8. Tongolako majina amwe ava Themesa jaKalunga: _____

9. Hakulinga tutesemo chihanda chetu cha chivwasano chinakutondeka yika? _____

10. Manyisenu mifunda yamazuzi yinakavemo:

a. Muli eli likumbi, _____ ja Kalunga
vanajihungunwina hali vakakaye vosena.

b. Muli eli likumbi, _____ ja Kalunga
vanajichila hali vyuma vyakutenga vyosena.

c. Muli eli likumbi, twatela _____ vihandwa vyetu, mu
ukhulungunga na kulingunga chakwoloka, _____

11. Yika alomba Bahá'u'lláh ngwenyi vathu mukaye vazate? _____

CHIJJINJI 4

Mazu amutwe wachihande nawahisa Alejandra mangana azane navatata namama Sanchez kechi chikhiko kaha chuma chili mumutwe wenyiko. Ikhiye anakufwelela kutunga kulinunga chausepa wakukola navava visemi. Mukukuluwila chenye yavene Alejandra nejiva ngolo jaupi wachihandwa navilinga vyakulijinyina, shikaho mwavifumisako; chipwe tuhu natange shikola yayinene echikacheshi kukehesa kulizoza chenye yiko. Chuma chimwe kaha alinacho mumuchima wenyi shina zangi kaha nakavumbi hali vaSanchez. Halwola anakushinganyeka mwakulumbunwina mutwe wachihande wakavanga, Ikhiye mwalyanukisa ngwenyi echikhiko kuputuka chajiphande jakutwalililaho eji najipwangako mukuhita chavyalumingo vyavivulu. Alejandra atachikiza ngwenyi chipwe chapwa chachilemu kulumbununa kulikava chavishinganyeka chakutamo, atela kwimana imana mangana evwenga kukumbulula chavava vapwevo nalunga. “Ngwatela kweseka kuhona kupwa napwipwi;” mwalyamba yavene, “mwomwo nge phimbi ami nanguhanjika chakuhona kwimana, kaha kakweshi kupwa thando yakushimutwilako.” Alejandra mwatwalililaho nakushinganyeka kutwala hakumenekela

muli yimwe thando nawawa mazu ali mwishi. Nge wapwanga nge ikhiye, kechi ove unamono kupwa chakutamo kushinganyeka hamazu kana amwe alihi?

_____ Mulimo wami wakuvanangula vaSanchez kutwala haLiuka nakumona ngwami vanalinangula vyose ngunakuvalongesa vakhivo.

_____ Chinapu kutokwa kutwama yimwe thando navava valunga napwevo vamwaza nakwazana navo mifunda yamazu ajila kufuma muvisoneka.

_____ Ami ngunejiva ngwami echi kumenekela chachilemu, olozenyi kanda nachishimbula chikumako mwomwo nguli navyuma vyeka vyakulinga.

_____ Eyi mifunda yamazu ajila nayipwa yayikalu chikuma kuli vakhivo. Ami ngwatela kuhanjikako kaha vishinganyeka vyavilelu. Chachikalu ngunavalowela kaha zangi.

_____ VaSanchez kavatela kulinangula chikuma hamyaka valinayoko.

_____ Kangwechi nalwola lwakumenekela nakwivwa kwivwishisa chavo oku tunakushimutwila hamutwe wachihande nakuhunanana kutwala hamifunda yamazu ajilako.

_____ Vakhivo vejiva lyehi kutanga ami nanguvalwekesa mutwe wamazu nakuseza mifunda yamazu ajila mangana vatange vavene.

_____ Omu nangupwa nakwambulula evi vishinganyeka nachipwa nakutondeka kwimana imanako kakavulu mangana tuhase kutanga mifunda yamazu ajila hamwe nakuhanjika hanjikaho hali akhiko.

_____ Ngwatela kuhasa kulumbununa mutwe wachihande wosena chakuhona kwimana nakuhula kusongo nge vakhivo vali navihula.

Ove unahase kushinganyeka vyuma vikwavo vize nauzanga chipwe nauhona kuzanga kupwa halwola nauliwahisa uyenga mukumenekela chakufwana nge echi?

CHIJINJI 5

Kumenekela cha Alejandra chakavanga kuzuvo yava Sanchez chendele kanawa. Ava valunga napwevo vamwene muzuzu wenyi, valoweke zangi naumbwende wavo

mangana ikhiye ahone kulizakamina. Vakhivo vevwililenga nakashishi kosena kaha nawa nakushimutwila hamwe nakuhaka kashishi chikumakuma ha mifunda yamazuru ajila. Thando yayikalu chikuma yapwile kusongo omu mama Sanchez amukasumwishile Alejandra nachimwe chihula: “Ami ngunakuseza Kulishitu kusali hakulinunga na Chikungulwilo chaBahá’í?” Alejandra nejiva mwakukumbulwila, oloze mwambata yimwe thando nakuwahisa mwakukumbulwila. Tata Sanchez mwaseha nakumukafwa: “Namuchano ngunamono ngwami zangi yami muli Kulishitu yinakolelako kufuma haze twaputukanga kulilongesa kutwala hakunangula chava Bahá’í.” “Kaha nawa mukhiko chili hali vathu vavavulu mukaye kosena,” mwahakilako Alejandra, nawahisa unonyi vishinganyeka vyenyi. “Zangi yavo hali vaMose, Kulishitu, Krishina, Buddha, Zoroaster, naMuhammad yinakukolelangako kuhichila muli evi anakunangulanga Bahá’u’lláh kutwala haKalunga umwe, hakulinunga chamauka nakulinunga chavakakaye.”

Chinahase kukukafwa ove kulamako lumwe lwola mangana ushimutwile nalizavu lyove hakupwa navilinga vyamwaza vyatela kupwako mangana kumenekela cha Alejandra chilovole mihako yamwaza. Chikhuku chakulizoza chosena shina kulizoza kuli Kalunga. Kuli Ikhiye kukhiko kwafuminyina kulizoza kuli tengeso Yenyi. Lwola nalumwe phimbi kulizoza chapwa chachilemu chikuma kuhambakana kulizoza nge tunakuhanjika vyaKalunga nava Themesa Jenyi. Hunanana kutwala hali awa mazu aBahá’u’lláh nawa likolezeze mangana uwahake mumuchima:

“Vaze azanga Kalunga kwosena okwo navalikungulwila chipwe naveya navalikungulula, vatela kusolola muvilinga vyavo hali Kalunga namujila navamwalishilamo, echi kulikehesa chacho nakulizoza nachilingisa átomo josena jalukungu luli mumahinji enyi jambulule unjiho wakukunama chakulifukula chenye. Eji jiphande nayiwanyika eyi myono yakujila jatela kupwa jakuwavisa nangolo najilingisa ejivene jiátomo jalukungu jipwenga jakudendesa nangolo jacho. Vatela kupwa mujila yakulinga hamavu osena owo navalyata ahone kupwa nauhashi wakuhanjika mazu akufwana nge awa: “Havyuma vyosena enu namikahasa kwambulula unjiho wakwononoka chami hakumbata kulema chanjimi ahaka hali yami. Ami nguchuma chinakuhananga jikisu jakutwalililaho havyuma vyosena vyakuyoya, kisu eji vanguarda kuli uze apwa kasulu kamawana osena. Chakuhona kulava ulemu nakuvula chahatoma-to chaluheto lwami—luheto vene elu lwechikukafwanga ukalu wavyuma vyosena vyakutenga—talenu seteko yakulikehesa chami, mikambulule unjiho wakulizoza chami chachinene ngwechi kulyechanga vangulyate namahinji avathu. . .”⁴

Nganomu vanatongola helu, kulizoza kuli vakwetu chechi kufuma kukulizoza chetu kuli Kalunga. Nachechi vene kulizoza chochimwe tweji kumbatanga vilinga

vyakulifukula hakumenekela kuzuvo yaumwe sepa chipwe mukwetu twatunga nenyi mangana tulikolese nenyi hamwe chinyingi kutwala hayimwe mitwe ya vihande. Halwola lwa jiphande, tweji kotalisanga kakavulu vishinganyeka vyetu kuli Kalunga, nakumulomba Ikhiye amwinyike muvishinganyeka namumichima yetu nayeyi yavosena valiko nawa. Kuli mifunda yayivulu yamalombeleo tunahase kulama mumuchima nachechi kusaka mumangana. Awa ali amwe amandende kaha:

“Mwinyika michima yetu, tuhane kumona nameso etu nawa pwisa matwitwi etu kupwa akuvanguluka.”⁵

“Ove Mwata! Tuhane wana Wove wakuhona kukuma, nawa echa muteleleji wakutetekela Chove umwinyike.”⁶

“Sokolola vikolo vyamuchano wachinyingi nawa echa muteleleji walufwelelo umwinyike nangolo.”⁷

“Ove Mwatha! Mwinyika meso etu mangana tuhase kumona muteleleji Wove.”⁸

“Ngunalihane mwosena kuli Ove, nakulomba nangolo—namuchima wosena navishinganyeka namazu—ngwami ngukinge kuvyosena vyahona kulita nakusaka Chove, muli eli likingo lyakusaka Chove chakujila.”⁹

CHIJINJI 6

Muchima wa Alejandra unazale nakuwahilila kufuma hakumenekela kuzuvo yava Sanchez nahajiphande javo jakutwala hamutwe wachihande cha Chivwasano chahaya Myaka. “Hakumenekela chikwavo,” ikhiye mwashinganyeka ngwenyi, “nayikapwa thando yimwe yamwaza hakukulishila chinyingi chavo kutwala hakuyoya cha Bahá’u’lláh.” Mwishu muli visoneka vize mwakahanjika:

Bahá’u’lláh asemukile mumakumbi 12 a Thundu-munene hamwaka wa 1817 mumbaka ya Teerā, mbaka yayinene ya Persia. Kuputuka haunyike Wenyi alowelenga vinjikijilo vyavinene vyakuliseza navakwavo vanyike, kaha visemi Jenyi vejivile ngwavo Ikhiye kulutwe mwakalinga vyuma vyavinene. Yise ya Bahá’u’lláh apwile ngambela wamunene muchipango cha Mwangana wamunene kaha azangile chikuma mwanenyi. Ufuku umwe, alotele nge Bahá’u’lláh anakuhala muwumwe kalungalwiji wakuhona songo, mujimba Wenyi wapwile nakuvyakhuma nakumwinyika ou kalungalwiji wamunene. Kumutwe Wenyi

kwavyakhuminenga jikhambu Jenyi jajisuku jilava pwi-i japwilenga nakufwapuka muvihela mwosena. Mukana umwe wavayishi unamujingilika Ikhiye, khala yishi nakwate kulukhambu lumwe. Chipwe vayishi vapwilenga vavavulu, lukambu nalumwe phimbi lwafumine kumutwe wa Bahá'u'lláh. Ikhiye apwilenga nakwenda kanawa chakuzeneka mikoleko, kaha vosena vamukavangijilenga. Ise ya Bahá'u'lláh alombele kuli umwe lunga, apwile vejiva chikuma mwomwo wachinyingi chenye, mangana vamulumbunwine echi chilota. Ou lunga wachinyingi amulwezele ngwenyi ou kalungalwiji wakuhona songo kakhiko kaye kavathu. Ukhawenyi kaha nawa chazeneka ukafo, Bahá'u'lláh mwakawana kusokoka hali vakhivo. Ou mukana wavayishi unakulumbununa chimbalanganyi mwakakatula muli vathu vamukaye. Ikhiye mwakapwa nakukinga chize kachahonako kuli Ou wangolo josena, kaha echi chimbalanganyi kacheshi kukamulinga upiko.

Namyaka likumi nayitatu chipwe likumi nayiwana, Bahá'u'lláh vamwijivile lyehi chikuma muchipango chamwangana wamunene mwomwo wachinyingi namangana enyi. Ise afwile omu Bahá'u'lláh apwile na myaka makumi avali namyakha yivali, kaha ou nguvulu amuhanyine chihela cha Ise, oloze Bahá'u'lláh kashinganyekele kwenyeka thando Yenye muvyuma vyahakayeko. Asosolokele kuchipango cha mwangana navangambela jacho nakuya jila vamutongwelele lyehi kuli Kalunga. Ahanyine lwola Lwenyi hakulama vafunge, vakakuviza, navihutwe kaha nomu vejile nakumwijiva kupwa lihako lya ungaji.

Omu apwile namyaka makumi avali namyaka yitanu nayivali, Bahá'u'lláh atambwile vimwe visoneka vya Báb vyapwile nakuvilika kuthutuka chalikumbi lyalihya kuhichila muli umwe chituma wamulemu wa Báb, likumbi eli Themesa ya Kalunga wamwihya mwanehya ukhulungunga, kulinunga na ungaji vavandamina mukaye. Bahá'u'lláh atambwile muwashu washu ou mujimbu wa Báb nakwalumuka Umwe wavakakumukava wamunene. Oloze cha ushona, nguvulu yavathu vamu Persia, haupuputa wakufwila chavo unenene, vaputukile kukava vaka kumukava Báb naukenya waunene. Bahá'u'lláh, chipwe tuhu kweseka nakumwijiva Chenye kupwa wakuwangana, kaphulukile muli ou ukalukhanako. Hanyima yamyaka itanu nayitatu kufuma hakulisolola cha Báb nawa cheka hanyima yamyaka yivali kufuma hakumujihwa Ivane Báb, Ikhiye vamukashile mu Tolongo yamilima, vambulwile ngwavo Wina Ulava. Malenge ajingumukila mushingo Yenye apwile amalemu chikuma alingishile Bahá'u'lláh kuhona kukatula na mutwe Wenyi. Amuze Bahá'u'lláh ahichililemo tukweji vavakalu vawana vakuyanda chahameso pwi-i. Kaha shipilitu wajila ya Kalunga yazalishile mwono Wenyi omu vene mu Tolongo nakumusolwela nge Ikhiye

Umwe walushiko lwamakingo osena. Muli eyi Tolongo yamilima, Musana wa Bahá'u'lláh wakatukile nakumwinyika tengeso yosena.

Hanyima yatakweji vawana muze Muwina Ulava, Bahá'u'lláh vamutambwile vikwata Vyenyi vyosena nakumuhanga hamwe nachisaka Chenyi. Hachishika chachinene chikuma, vakhivo vendele mujipili jakumulauko wa Persia nakutalikisa ku Baghdad, ayize thando yapwile Bongi ya Wangana wa Ottoman, ha thando yino mbongi yayinene ya Iraq. Mazu kaweshi kuhasa kwambulula ukalu Wenyi hakwenda makhulukaji ajikilomita mujila yinalifwike nambundumbundu yameya akulikwata mujila yakuya ku mbongi yize vavahangilile. Halwola lwalundende puho ya Bahá'u'lláh yalimwangile mu Baghdad mwosena namujimbongi jikwavo jayize mbango yalifuchi, kaha lwola lwosena vathu vayilenga kuchikolo cha Yowu Funge wakuhanga mangana vatambule kisu jenyi. Shikaho, vamwe vapwilenga nalwiso lwapuho Yenyi, hakachi kavo hapwile ndumbu yayivene Bahá'u'lláh Mirzá Yahya, ayoyelenga muzangi yakumukinga Chenyi, kafukisa ka Mirzá Yahyá kanehele chihandwa mukachi kavaka kumukava Báb kaha nawa chanehele ushona waunene chikuma kuli Bahá'u'lláh. Ufuku umwe, chakuzeneka kulwekesako muthu numba umwe, Bahá'u'lláh asele zuvo Yenyi nakuya kujiphili ja Kurdistan kuze atwamine nakuyoya chimwe cha kwaukawenyi nakulihaka mukulomba na kuhunanana. Ikhiye ayoyelele muli umwe wina wamumalwolwa akujipili nakuyoya natuvyakulya twakuhona kutesamo. Naumwe phimbi kuze kungalila atachikijile okwo afuminyine, kaha naumwe phimbi anyingikile lijina Lyenyi. Kufuma haze, vathu vayize ngalila vaputukile kuhanjika kafwe hali “Ou muthu wakuhona lijina.” Ou wakujila wamunene uze Kalunga ahanyine chinyingi. Omu wahetele mujimbu wayowu muthu wakujila kuli mwana Bahá'u'lláh wamukulwane, ‘Abdu'l-Bahá Ikhiye washi washi ejivile vinjikijilo vya Ou Ise wakuzanga. Ikhiye amutuminyine mukanda naumwe chituma wamulemu, nakumulembelela Ise Bahá'u'lláh ngwenyi ahiluke ku Baghdad. Ikhiye etavilile, nakuneha ngocho kukuma chathando yimwe yaushona wakuliseza chashimbwile myaka yivali.

Muli eyi thando afumineho Bahá'u'lláh kusoloka kutokwa cha chikungulwilo chava Bábi washi washi chahilukile munyima. Muli eyi myaka itanu nayivali ayoyelele mu Baghdad hakufuma haze ahilukile kufuma kujipili, Bahá'u'lláh azalishile vaka kumukava Báb vaze vapwile vakakukavangiza kavangiza nawa vapwile muli wayanga nashipilitu yayihya. Numba tuhu apwile kanda alumbunune seteko ya Ulemu Wenyi jingolo jachinyingi chamazu Enyi japutukile kukoka kulizoza chava Bábi vavavulu nakavumbi kavathu vaseteko jakuliseza mukuyoya. Oloze lizavu lyava Musilimu vakuhona chinyingi kavevwile kuwahako hakumona Ulemu apwile nawo Bahá'u'lláh hamyono yavathu kuvula.

Vamuholokelele maphapa kakavulu kuli vatala hachiyulo ndo nomu Nguvulu ya Persia kulinunga navakachiyulo vamwe vamu Wangana wa Ottomani, mangana vamusosolole Bahá'u'lláh hahasuku nalimbo asemukila, ahajinonyi kumbongi ya Constantinople.


Kakweji waKambamba mwaka wa 1863 apwile kakweji waushona waunene chikuma kuli vathu vamu Baghdad. Auze vazangile chikuma apwile anakuseza lyehi eyi mbongi ya Baghdad, nakuya kungalila yize vahona kwijiva vakhivo. Chindende shimbu kanda akatuke nakuya, Bahá'u'lláh ayile kulimwe lithepa lyapwile kusongo yambongi, alemene tenda Yenye kaha atambwile liyongomena lyavangeji vejile nakulishika Nenyi mumakumbi likumi na-avali. Vakakumukava Báb vayile oku kulithepa namichima ya chinyengo; vamwe navamukava Bahá'u'lláh muli echi kumuhanga Chenyi chikwavo, oloze vavavulu vatondekele kusala nakuvahonesa kupwa kukamwihi Nayikhiye. Unonyi Kalunga kazangile ngwenyi eyi thando yipwenga yaushonako. Vikolo vyakheke Jenye vyasokolokele vyosena hululu kaha Bahá'u'lláh avilikile kuli vaze vapwile kukamwihi na Ikhiye ngwenyi Ikhiye Uze umwe walushiko vambulwile kuli Báb—Auze Kalunga Mwakasolola. Kaha ushona walumukile kuwahilila chakutwalililaho; michima yazezukile mwilu kaha myono yavo yakwachile kakahya kazangi Yenye. Eyi thando yamakumbi likumi na-avali hakakweji wa Kambamba vechi kuyiwahililanga kwosena kupwa Chilika cha Ridván, likumbi lyakuwahilila kulisolola cha Bahá'u'lláh cha Milimo yenye yakaye.

Constantinople yapwile mbongi yayinene ya Wangana wa Ottomani. Hanyima yatukweji vawana kaha kutohwa chachinyingi nakuwaha Chenye chaputukile cheka kukoka vathu vavavulu. “Ikhiye katela kutwalililaho nakutwama muno mu Constantinopleko,” lizavu lyava Musilimu lyakuhona chinyingi vaputukile kuliwoyongola, nakufumba vakachiyulo vamuhangile Ikhiye kubongi ya Adrianople. Mu Adrianople, mukhiko atwamine myaka yiwana natukweji, Bahá'u'lláh asonekele Mikanda nakutuma kuli Myangana na vaKakuyula mukaye, nakuvakanda vechenga luyanjisa nakulihaka vavene mukuzachila kuwaha chavathu javo. Hakulinga ngocho, vakakhole Jenye vawanyine kuzanga chimwe cha ukenya. Ikhiye nachisaka Chenye navavahangila kumbongi ya “Akká,” halwola luze; kukhiko kwapwile Tolongo yayinene chikuma kaha nawa yayipi mu Mawangana osena. “Chamuchano vene Ikhiye mwakayanda mukuyoya chachikalulu cha eyi Mbongi yaTolongo,” mukhiko vashinganyekelenga avavathu vakuhona chinyingi, vakhivo vashinganyekele ngwavo navahasa kwimika chize ahakile lyehi Ivene Kalunga ngwenye chizachike.

Ukalu amwene Bahá'u'lláh ku'Akka wauvulu chikuma kuwambulula. Ikhiye kapwile nachuma nachimweko chakulikafwa nacho kaha nawa vamujingilikile kuli vakakhole musana naufuku. Oloze twamiso ya muTolongo yejile nakwalumuka chovuchovu. Vathu vamu'Akka na Nguvulu javo vamwene kuhona mulonga chalyeli lizavu lyalindende lya va Bahá'í vahangilile mumbongi yavo. Cheka nawa, vathu vakokekele mwomwo wachinyingi nazangi yayowu muthu wachikomowesa, chipwe tuhu kavejivile Ulemu waseteko Yenyiko. Hakukuma chamyaka itanu nayiwana, vikolo vyambongi ya Tolongo vyasokolokele hali Bahá'u'lláh navakakumukava. Mwanenyi wakuzanga 'Abdu'l-Bahá awahishile chimwe chihela mangana Ise ayoyeleho, kuweluka wajikhembwe ja eyi mbongi, kufuma haze unonyi ahashile kutela yimwe zuvo kuze Bahá'u'lláh ahichilile myaka likumi nayitatu yakuyoya Chenyi chakutalikisa haukulungunga nakuunda. Lelo lino twejiva eyi zuvo kupwa Zuvo yayinene ya Bahji. Kukhiko kuze Ikhiye afwililile mukakweji wa Kashikana mumwaka wa 1892, haseteko yakulema Chenyi nalufuma.

Bahá'u'lláh akatwile chinjikijilo chaukulungunga nachivwasano chavathu vosena kaha nawa ambulwile lizu lyaKalunga. Chipwe tuhu vakakhole Jenyi vachingile ngolo nakumufumbukila Ikhiye, Bahá'u'lláh ahashile ngana muze amushikile Kalunga omu apwile mumalenge mumilima ya Wina wayize Tolongo ya Teerã. Ha thando yakuyoya Chenyi, mujimbu Wenyi wahindwile michima yamakombakaji avathu. Nalelo lino, kunangula Chenyi chinakutwalililaho nakutanda mwahita kaye. Nachimwe phimbi nachihasa kumuhonesa kuwana kufwila Chenyi, echi chakuwanyisa vathu vosena muvishinganyeka vyovimwe namulufwelelo lwolumwe.

Mujimbu uli helu unakwambulula kuyoya cha Bahá'u'lláh wausuku chikuma. Shimbu kanda uhite nakuya havyakulinga vinahatemo, tanga nakuhitulukamo palangalafu hapalangalafu mulizavu lyove nawa lihulisenu vihula umwe namukwavo ndo nomu yenu namihasa kanawa awamazu nakuwalumbununa kanawa. Mapa yinakavangizamo nayikukafwa ove kwanuka mujila nakulujoka Bahá'u'lláh hakumuhanga Chenyi navyuma vyasolokelenga mujila hakwenda Chenyi.



1. Chinahase kukukafwako yove kusoneka muli eyi mifunda vanakuhakila kweseka naunjiho wamujimbu uli helu, kulikava chavyuma vyavilemu vyasolokele mukuyoya cha Bahá'u'lláh.

2. Mukushimutwila chimwe kutwala hakuyoya cha Bahá'u'lláh, kechi nge tuhanjikekaha kutwala havyuma vyalovokeleko, twatela kumona nge chachilemu nawa kuhanjika hamitwe yavihande vikwavo vyavilemu, chachilemu chikuma kuhunanana kutwala haukalu amwene hamulonga wazangi Yeniyi hali vaka kaye, kaha nawa cheka kutwala hachikomowesa chakuhasa vyuma mwomwo walufwelelo Lwenyi chakuhona kuzakama vakakumufumbukila. Awa mazu apwenga akulama muvishinganyeka namumichima yetu:

“Ulangaji Wamyakha unalihane kuukasa mumalenge, mangana vakakaye vapwenga vakusokoka muundungo wavo; Unetava kuukasa muli aka Kambongi kakandende, mangana kaye kosena kahete hakusokoka chamuchano, anwine mbwe kulisotosoto lyakukumishilako lyalupasa lwaushona mangana vathu vosena vahamavu vawane chiseke chamwenemwene, nakupwa vakuwahilila mwosena. Echi chafuma kukheke ya Mwatha wenu, Ou Mukakukonekela, Asweza Kheke. Tunetaviza kusauka, Enu myetava muli Kalunga umwe, mangana vamyalise, nakuhita mumakhava mangana enu mukawane uselewa naluheto. Auze neza nakutungulula chachihya kaye kosena — talenu vanamushinjila kuli vaze valinunga naKalunga nakutwama kumembo aze amapi!”¹⁰

3. Nge tunakuhanjika haluyando lwa Bahá’u’lláh, twatela kuvanguluka tuhona kumumona kupwa muthu umwe uze wakusalilamo kuli vakakhole Jenyi. Ikhiye etavile mukuzanga Chenyi kumukasa mumalenge mangana asokole vakakaye. Ou mujimbu wakuyoya Chenyi chipwe tuhu wambulula kuyanda oloze mukupwa chawo, wapwa mujimbu wauselewa. Nakukafwa cha tutor walizavu lyove, ove unahase kuwahisa amwe mazu amandende kutwala haluyando nauselewa wa Bahá’u’lláh kweseka nachinyingi chove hakuyoya Chenyi? Vihula vili mwishi vinahase kukukafwako ove.

a. Mwomwo yika Bahá’u’lláh alihanyine kumukasa mumalenge? _____

b. Mwomwo yika Bahá’u’lláh etavilile kupwa muufunge? _____

c. Mwomwo yika Bahá’u’lláh anwine mu lupasa lwa chinyengo? _____

d. Mwomwo yika Bahá’u’lláh etavilile kumusaula? _____

e. Mwomwo ika Bahá'u'lláh amwene makhava amavulu? _____

f. Bahá'u'lláh etavile kuyanda mwomwo kapwile nangolo jakuchihonesako? _____

g. Nge Bahá'u'lláh kapwile wamokomokoko kuli vakakhole Jenyi, inyi mwomwo yika etavilile kuyanda? _____

CHIJJINJI 7

Kumenekela cha Alejandra chamuchivali kuzuvo yava Sanchez chakuwahilila chikuma nge chize chakavanga. Vatata namama Sanchez valiko lyehi nachijililo chachindende namujimbu wakuyoya chaBahá'u'lláh, oloze vapwile vakuwahilila mukulilongesa cheka nakulumbununa cha Alejandra, kaha nawa mujimbu wakuyanda Chenyi wavakwachile hamuchima. “Chinasoloka nge,” mwahanjika mama Sanchez hathando yimwe, “Vatemesa jaKalunga vanakuyandanga lika mumavoko avaze vafwila kuyula na ulemu wahakaye.” Alejandra amwene nge lwola lunatemo lwakwazana navo mazu ajila alama mumuchima — Ove unejiva nayove kufuma hakutanga chove hachijinji chinakumu— aha ahanjika Bahá'u'lláh kutwala kuluyando Amwene kufwila kuyovola vaka kaye, mangana etu tukawane kusokoka nakuwahilila chahayamyaka. Masepa vosena vatatu vanevu kuwaha hajiphande jalyeli likumbi.

Hakushinganyeka kumenekela chikwavo, Alejandra muwashiwashi amwene ngwenyi nachizeneka kuwaha kushimutwila kutwala ha Ulemu wa‘Abdu’l-Bahá. Eyi yikhiko mitwe yavihande namono ikhiye ngwenyi atela kuhanjika:

Ou mwana Bahá'u'lláh wamukulwane ‘Abdu’l-Bahá napu muthu umwe wakulipwila mukaheka (historia) kavaka kaye, kaha katwawanyine muthu naumweko wakupwa nge Ikhiye mumauka akunyima. Ikhiye ejivile Chihela cha Ise kushipilitu shimbu achili kanyike kaha nahitenenyi muukalu wosena mukuvahanga chavo chosena. Hakufwa Chenyi Bahá'u'lláh asele Liuka lya

Bahá'í mumavoko a 'Abdu'l-Bahá. Katweshi kahasa kwijiva mwosenakoko kutohwa cha kisu aseza Bahá'u'lláh hali vakakaye, katuhanyine mujimbu Wenyi kahako oloze naMwanenyi ou akwechi mangana nachinyingi, Auze ambile ngwenyi, mwakatwaminyina nakuwinyika Kaye.

Nge tunakutanga kuyoya namazu a'Abdu'l-Bahá, twechi kuwananga chinyingi kutwala hachihela chakulipwila atwama nacho muli eli likingo. Chachilemu chikuma kwijiva vyuma vitatu vyachechi chihela.

Chakavanga, 'Abdu'l-Bahá Ikhiye Wahakachi kaChivwasano cha Bahá'u'lláh. Bahá'u'lláh atungile Chivwasano navakakumukava, kuvasanyika vatalikise michima yavo kuli Ikhiye uze wahakachi ('Abdu'l-Bahá) nakwononokela kuli Ikhiye. Hakusaka Chenyi chaKukumishilako naTebetamende yenyi 'Abdu'l-Bahá enyikile Shoghi Effendi Ou mukakulama Liuka, kupwa wahakachi kuze navakalumukila nge Ikhiye nafu. Lelo lino, Ou Wahakachi yinapu lyehi Zuvo ya Ungaji Mukaye, (Casa Universal da Justiça) eyi vatunga kweseka nalushimbi lwa Bahá'u'lláh nakulumbununa chakutamo cha 'Abdu'l-Bahá nakalama, ngolo jaChivwasano jakwata kulinunga chachikungulwilo chaBahá'í nawa jakinga kukulihandununa nakukulimwanga.

Chamuchivali, 'Abdu'l-Bahá Ikhiye Mukakulumbununa mazu a Bahá'u'lláh wamwenemwene. Mujimbu wa Bahá'u'lláh wawunene chikuma, kaha mazu Enyi nawa akujiminyina, shikaho amwene ngwenyi chinakutondeka mukakuwalumbununa, uze wakulongesa kuli Yavene. Ngocho, visemuko vinakwiza kulutwe, vakakaye navakejiva kunangula cha Bahá'u'lláh kuhichila mukutanga chakulumbununa cha 'Abdu'l-Bahá mumikanda Yenyi yayivulu namukututulula chavisoneka vyavihanjika Vyenyi. Kalama wa Liuka apwile mukakulumbununa mujimbu wa Bahá'u'lláh hanyima ya 'Abdu'l-Bahá. Hali Ikhiye hakhiko hakumina mulimo wakulumbununa kaha naumwe phimbi atela kulumbununa cheka mazu a Bahá'u'lláh ndo kukukuma chalikingo Lyenyi.

Kumyaka yakunyima, mauka osena anahite muukalu wakulipangununa mwomo wakuliseza chakulumbununa visoneka vyamikanda yavo yakujila. Shikaho, hali eli likingo, nge kuli kukhakasana kutwala halumbunwiso yamazu aBahá'u'lláh, vosena vatela kwalumukila kukulumbununa cha'Abdu'l-Bahá na Kalama waLiuka. Nge kukhakasana nachitwalililaho, vanahase kulomba ukafo wakulumbununa kuli vaka Zuvo ya Ungaji Mukaye (Casa Universal da Justiça). Kaha hakulinga ngocho, kakwechi kupwa jindombo mulonga wakulumbunuka chavisonekako, kulama ngocho kulinunga cha Liuka.

Chamuchitatu, ‘Abdu’l-Bahá napu chakutalilaho Wakwoloka wavisoneka vya Ise. Chipwe tuhu nachipwa chachikalu kuwana seteko yakwoloka chacho, twatela kumwanuka likha nakulikolezeza mangana tukavangize Vyakutalilaho Vyenyi. Omu natutanga kutwala hazangi muvisoneka twatela kushinganyeka hali ‘Abdu’l-Bahá, kaha natumona muchano uvene wakupwa cha zangi nalikoji. Omu natutanga kutwala hakutoma, ungaji, kwoloka, kuwahilila nakuhana chawana, twatela kushinganyeka hali Ikhiye nahakuyoya Chenyi, kaha natumona omu Ikhiye asolwele evi vilinga nakwoloka chakutamo.

Chinjikijilo chakuyoya cha ‘Abdu’l-Bahá chapwile, muchano vene, kuzachila Chenyi. Lijina lyenyi lya ‘Abdu’l-Bahá lyalumbunuka “Ngamba ya Bahá,” eli likhiko lijina azangilenga hamajina akwavo osena vamusanyikilenga Ikhiye. Awa mazu a ‘Abdu’l-Bahá anakaveho analumbununa lijina lyaliphwila lyenyi lyakuzachila:

“Lijina lyami yami ‘Abdu’l-Bahá, chihela chami yami ‘Abdu’l-Bahá. Kupwa chami yami ‘Abdu’l-Bahá. Kwalisa chami yami ‘Abdu’l-Bahá. Kupwa ngamba kuchikolo chakutoma chakukiswila ukhiko muchano wami waulemu nakukejima, nakuzachila vakakaye vosena likhiko Liuka lywami lyahaya myaka. . . kakweshi lijina, kakweshi chihela, kakweshi vilinga, kakweshi kutumina nachimwe phimbi nguli nacho kaha nawa kangweshi kapwa nachoko shina ‘Abdu’l-Bahá kaha. Echi chikhiko ngwasaka — chikhiko kufwila chami chachinene. Chikhiko kuyoya chami chahayamyaka, ulemu wami wakuhona kukuma.”¹¹

Muchano vene, hakumenekela chikwavo Alejandra anakusaka kwazana nava Sanchez kulumbununa umwe muthu wakulipwila; kwalisa chavo hachihela cha ‘Abdu’l-Bahá muli eli likingo nachitwalililaho nakukola kumyakha yikwavo yinakwiza kulutwe. Mukuyoya chove, hakwenda mujila yakuzachila, naupwa nathando yakwanuka vyakutalilaho vyenyi nakuhunanana kutwala hamazu enyi. Hachihanda chakunyima, ove unalijilila lyehi navimwe vihanjika, kaha tunakukolezeza ulilongese kuhanjika vimwe vili hamikanda navihanjika vyenyi navathu mujila avihanjikililengamo Ikhiye. Muli yino thando, hakulinga ukolese chinyingi chove ulinacho kutwala hachihela Chenyi, linga mihehwojole navakwenu vamembala vamulizavu lyenu kutwala hamitwe yavihande vivene vanatongola helu nakulilongesa kuvihanjika kanawa. Kuhunanana kutwala hamifunda yamazulu yiliho nayikukafwako mujingolo uyenga kulutwe mukuzachila.

CHIJJINJI 8

Chihula chatwama muvishinganyeka vya Alejandra kufuma hakuputuka chenye kumenekela vatata namama Sanchez chapwa kuwana mutwe wachihande nauvakafwa kupwa vathu vaze vanejiva vakuzama navatwaminyina jila yakutungulula chikungulwilo. Kusali yimwe, kuli mitwe yavihande yakupwa nge kulomba, kuhona kufwa chamwono nakukakachila muzangi ya Kalunga, vize anakuvandamina ikhiye kushimutwila navo, mwomwo chikhuku chakuyoya chashipilitu chatela kupwa chakukolezeza likha. Kusali yikwavo, nachipwa chachilemu chikuma kuli vakhivo kumona mutundu wachikungulwilo vanakutunga nakutwalililaho nakwijiva ngwavo vanahase kukafwa chikuma hakuchitunga chacho. Hakushimutwila navamama natata Sanchez kutwala haChihela cha ‘Abdu’l-Bahá, Alejandra ejile nakwijiva mutwe wachihande mwakahanjika hakumenekela chenye chikwavo. “Vakhivo vanamono kanawa hatoma kufwila cha Liuka hakuwanyisa vathu.” Ikhiye mwashinganyeka. “Shikaho, mutwe wachihande nauhasa kuhanjika hali luno lwola wakumona omwo twatela kutungilamo chikungulwilo chakutwalililaho mukulinunga.”

Alejandra aputukile kumenekela chenye chamuchiwana nakulumbununa milimo vanakuzata muli luno lwola kuli limwe lizavu lyalindende lya masepa mulimbo likwavo. “Ikhiye mwalumbununa ngwenyi, halwola nambala yetu yinakutohwa,” “mulimo wawunene chikuma twatela kulikwata naupwa kwalumukilako lika tuvakulinunga chikuma mumazu etu, muvishinganyeka namuvilinga vyetu, nge enu namitavila lelo tunahase kuhanjika mutwe wachihande chakulinunga.”

“Ngunamono omu chalema kulinunga mangana tutwale chikungulwilo chetu kulutwe,” mwakumbulula mama Sanchez.

“Kaha helu lyavyosena chuma chakavanga mujimbu wa Bahá’u’lláh wakulinunga ukhiko unakoke michima yetu nakwiza kukunangula Chenye,” mwahanjika tata Sanchez.

“Ami ngunasakula umwe mukana wavishinganyeka kaha nawa ngunawane amwe mazu ajila hali kala vishinganyeka,” nambemo Alejandra. “Nge nachihashiwa tunahase kuvishishikisa nakuhanjikaho chimwe chimwe.

Mwishi muli mukana wavishinganyeka vya Alejandra:

- Hakulinga mangana chikungulwilo chetu chipwenga mumuchanovene chakulinunga, tuvosena twatela kulihenda kujindombo nakulifwila. Bahá’u’lláh ahanjika ngwenyi:

“Mulino likumbi, nachimwe phimbi namuchano chinahase kuneha ukalu waunene muLiuka nge kulihamikila najindombo, jijita, kumona vakwenu nge vakuhona kutesamo kuhona kheke hakachi kavakuzanga kuli Kalunga. Milihendevyo kuhichila mungolo ja Kalunga nawangana wakukafwa Chenyi, kalikolezezenu mangana minunge michima yavathu mulijina lyenyi, Ou Ejiva vyosena Ou Wachinyingi Chosena.”¹²

- Twatela kupwa nazangi hali vosena muchikungulwilo zangi yize yasolola zangi yetu hali kalunga: ‘Abdul’-Bahá ngwenyi:

“Pwenu vakulinunga chakutamo. Kanda namukalisulakanyina umwe namukwavoko. . . Zanguu tengeso yaKalunga mwomwo wazangi hali Kalunga kechi nge hali vaveneko. Kamyeshi kukapihilila kumbi numba limweko chipwe kuhomba nge namuvazanga mwomwo wazangi hali Kalunga. Vakakaye kechi vakulongako. Mwatwama kuhenga muli muthu wosena, kaha namupwangalika vakupihilila nge namutala hali muthu yavene. Shikaho, nge namutala kuli Kalunga, namupwanga nalikoji navakhivo kaha namuvazanganga, mwomwo kaye kaKalunga kapwa kaye kakwoloka nawa kazala nakheke.”¹³

- Nge, chipwe tuhu kweseka nazangi tunakwivwanga hali vamwe navakwavo, kuhona kulivwasana nachiza mukachi ketu, twatela kwanuka washi washi echi kutukanda cha ‘Abdu’l-Bahá:

“Hakenu mangana enu osena hazangi nahakulinunga. Nge vishinganyeka vyamajita vinasoloka mukachi kenu vihonesenu navishinganyeka vyangolo jakuunda. Vishinganyeka vyakulijinda vyatela kupwa vyakushishisa navishinganyeka vyangolo jazangi. Vishinganyeka vyajita vyechi kuneha lwenyeka lwakulinunga, kutwama kanawa, kuunda nachivwasano.”

“Vishinganyeka vyazangi vyechi kutunga usoko, kuunda, usepa, nakuwahilila.”¹⁴

- Kaha nge, tunazata ngolo josena mangana tuvihonese, tunamono kufwila chetu chinatukwate kaha tunengila mujindombo navakwetu, twatela kulyanukisa etu vavene awa mazu a Bahá’u’lláh:

“Nge vihandwa vimwe vinalovoka mukachi kenu, ngumonenu Ami kulutwe lwameso enu, kaha kanda namilimona upi umwe namukwavoko, mwomwo

wakavumbi halijina Lyami nawa kupwa chinjikijilo chazangi yenu hakusoloka cha Liuka Lyami lyakumwinyika.”¹⁵

- Kulilongesa chakushipilitu chakuliula upi wawakwenu, kushishikisa kaha havilinga vyambwende nakulihenda tuvosena kukulitungula, chinapu chachilemu chikuma hakulinga tuhase kuhona kulinunga. Kuhonesa liphwila lyakulitungula chachashi chikuma nge twalizanga vamwe navakwavo. Tulyanukisenu ngwetu tuli naliphwila lyakuhona kumona upi wavaze twazanga nawa ngwetu chachashi kuvatala nameso anakuswekanga shili. ‘Abdu’l-Bahá ngwenyi:

“Liso lyakuhenga lyatala hakuhenga kaha. Liso lyechi kuswekanga upi lyatala kuli Thengi yamyono. Ikhiye ayitengele, Ikhiye eji kuyilongesa nakuyilama, ayizalisa nangolo jakuyoya, kumona nakwivwa; shikaho chaunene Wenyi. Myatela kuzanga nakupwa nalikoji navosena, kukokweza chihutwe, kuinga nasuvala, kuka mukakuviza, kutangisa nakunangula mukakuhona chinyingi.”¹⁶

Bahá’u’lláh atukanda ngwenyi:

“Ove sepa wamuWangana Wami! Upi naumwe phimbi watela ove kwivwa, chipwe kumona; kanda mulikehesa ove yivene, chipwe kuhomba, chipwe kulilako. Upi naumwe phimbi watela kuhanjika, mangana uhone kuwivwa navauhanjika hali ove; nawa kanda mutohwesa kuvulumuna chavakwenuko, kuchina kupihisa chove nachilipwisa chachinene; kanda mukehesa mukwenuko kuchina ove nawa kukeha chove nachikalovoka hatoma. Shikaho yoya, makumbi akuyoya chove aze anapu thando yimwe yayindende yize yakuhita, utwame chakuhona majilo hamuchima wove, vishinganyeka vyove vitoma, nakupwa chove chajila mangana upwenga wakulihehwa nawa wakuwahilila, uhase kuseza ou mujimba wechi kufwanga nakuliwana mupalachise yachijinjilo nakutwama hayamyaka muWangana wakuhona kukuma.”¹⁷

Nawa Ikhiye natulweke ngwenyi:

“Enu Vangeji! Eli lilimi Ami ngwalihanyine mangana lingutongolenga Ami; kanda namulipihisa namakuliko. Nge mulangi wakulizanga enu vavene nawiza muli yenu, lyanukisenu kupihisa chayenu vavene kechi nge kupihisa chatengeso Yamiko, mwomwo enu vavene mwalijiva chikuma kuhambakana vakwenu.”¹⁸

- Kulinunga kachapwa kaha kuhona kupwako chajindombo nakulijindako, kaha nawa zangi kayatela kupwa yakuhanjika kaha namazuko. Natuhasa kwamba ngwetu kulinunga chamuchano kuchili hakachi ketu nge zangi tuli nayo umwe namukwavo nayilovoka mukuzachila chikungulwilo, nawa nge milimo yetu yinakwenda mushipilitu wajila wakulinunga nakulikafwa umwe namukwavo. ‘Abdu’l-Bahá natusanyika:

“Kanda munokhako, numba mukaphyapya kakandende, kanda utonda kutwama mwaumeseleko, chipwe thando yayindende; watela shina kukatuka namuchima nashipilitu mangana mulihane mukuzachila chakulisuula, numba chipwenga tuhu kuli sepa umwe kaha, nawa mangana minehe kuwahilila nakulisamba chipwe tuhu kuli muchima wakumwinyika umwe kaha. Ou ukhiko wana uvene wamuchano, kaha navyevi kumeso ‘Abdu’l-Bahá nakumwinyika. Pwako yove mukakuzata nayami nawa usepa Lyami muli evi.”¹⁹

Kaha Ikhiye amba cheka ngwenyi:

“Chuma chachilemu chinakutondeka kuli vaka kaye kuzachila hamwe nakulikafwa umwe namukwavo. Nge kulinunga nakuzachila hamwe muusepa nachipwa chakukola hakachi kavathu, nangolo jakutunga nakuzata muvyosena mumilimo yosena yavathu najipwa jajinene.”²⁰

- Chivwasano mumuchano nazangi haukalu wosena yinapu sapi yayilemu hakuya kulutwe chamilimo muchikungulwilo. Kuhichila mukulivwasana mujijila jajivulu khala muthu anakumwenangamo vyuma vinakusolokanga jinakulinunganga kaha tunakuwananga jila yimwe yilihi yize natukavangiza hamilimo yetu yakuzachila hamwe. Kuhichila mukulivwasana twechi kuhetanga hakulinunga chavishinganyeka vyetu navimweno evi vyakulinunga, natutunga jila yakutamo mangana tutwale chikungulwilo chetu kulutwe. ‘Abdu’l-Bahá nahanjika kutwala hali vaze vanakulivwasana:

“Vyuma vinakutondekanga kuli vaze navaliwana hamwe nakulivwasana yapwa kutoma chakujina, shipilitu yakumwinyika, nakulihenda kuvyosena nakuzachila Kalunga kaha, kuzanga mavumba Enyi akujila, kulizoza nakulikehesa hakachi kaVenyi vakuzanga, kumika nalutalililo muukalu, kuzachila muchipango chawangana Wenyi. Nge mukheke Jenyi navamikafwa kupwa navyevi vilinga, vanamihane uselewa wakufuma muwangana wakusweka wa Bahá.”²¹

- Kulinunga chavishinganyeka kachawanyikako nge kacheshi kwiza nakulumbunuka mukulinunga chakuzatako. Kuzata mukulinunga kachalumbunuka ngwavo tuvosena tuzate vyuma vyovimweko. Oloze, mukuzata chakulinunga, mawana akuliseza avamembala vamuchikungulwilo nawapwa akuzachisa chakutamo. Ngolo jetu najiliwezela, kaha nawa chipwetuhu nambala yetu yichili yayindende, tunahase kuwana vyuma vize mazavu amanene angolo mukaye kawechi kuhasa kuzatako. ‘Abdu’l-Bahá ngwenyi:

“Lwola lwošana luze vakakujila navathuchila kungolo jamwilu, kukatuka navilinga vyacho vyashipilitu nakwenda hamwe mukulinunga, mumikana mikana, mwono wosana hakachi kayo naupwa nge likhombakaji limwe kaha makhanya akunganjanga ayowu kalungalwiji wamunene nawapwisa nge mayongomena Atungelo Mwilu.”²²

Hakukumisa chove kutanga chakuvanguluka muvisoneka vili helu nakushimutwila mazu acho mundondelo mundondelo navakakuwanyika mulizavu lyove, likafwenu umwe namukwavo kulilongesa kulumbununa ou mutwe wachihande nganomu minazate hanyima. Vyakuzata vili mwishi navikukafwa mungolo jove.

1. Manyinsa eyi mifunda yinakavemo:

- Nachimwe phimbi muli eli likumbi chinahase kuneha ukalu mu Liuka shina, _____ najindombo, jijita nakumona vakwenu nge vakuhona kutesamo, nakuhona kheke hakachi kavakuzanga kuli Kalunga.
- Nachimwe phimbi muli eli likumbi chinahase kuneha ukalu waunene mu Liuka, shina chihandwa na _____, jijita, kumona vakwenu nge vakuhona kutesamo nakuhona kheke hakachi kavakuzanga kuli Kalunga.
- _____ muli eli likumbi nayihasa kuneha ukalu waunene mu Liuka shina chihandwa, jindombo, kumona vakwenu nge vakuhona kutesamo nakuhona kheke hakachi kavakuzanga kuli Kalunga.

- d. Nachimwe phimbi muli eli likumbi chinahase kuneha ukalu mu Liuka shina kaha chihandwa najindombo, jijita, kumona vakwenu nge vakuhona kutesamo na _____ hakachi kavakuzanga kuli Kalunga.
- e. Nachimwe pimbi, muli eli likumbi, chinahase kuneha ukalu mu Liuka shina chihandwa najindombo, _____, kumona vakwenu nge vakuhona kutesamo nakuhona kheke hakachi kavakuzanga kuli Kalunga.
- f. Nachimwe phimbi, muli eli likumbi, chinahase kuneha ukalu mu Liuka, shina kaha chihandwa najindombo, _____, nakuhona kheke, hakachi kavakuzanga kuli Kalunga.
- g. Nachimwe phimbi, muli eli likumbi, nachihasa kuneha ukalu wawunene _____ shina kaha chihandwa najindobo, jijita kumona vakwenu nge vakuhona kutesamo, nakuhona kheke hakachi kavakuzanga kuli Kalunga.
2. Hamufunda wamazu ajila amuchivali, ‘Abdu’l-Bahá natulweze:
- a. Pwenu _____ chakutamo.
- b. Kanda _____ umwe _____
- c. Twatela kuzanga tengeso ya Kalunga mwomwo wa _____ kechi nge hali vaveneko.
- d. Etu katwechi kupwa _____ chipwe _____ nge natuzanga vathu _____
- e. Vakakaye kechi _____

- f. Natupwanga _____ nge natutala hali _____
_____ .
- g. Oloze nge natutala _____ natupwanga _____
_____ navakhiko, kaha _____
3. Hamifunda yamazu ajila amuchitatu ‘Abdu’l-Bahá natulweke:
- a. Twatela kuhaka mangana etu osena _____ na _____
_____ .
- b. Nge vishinganyeka vyamajita vinasoloka mukachi ketu, twatela kuvihonesa na

- c. Vishinganyeka vyakulijinda vyatela kupwa vyakushishisa na _____

- d. Vishinganyeka vyamajita vyeji kunchanga lwenyeka lwa _____
_____, _____, _____ na _____
_____ .
- e. Vishinganyeka vyazangi vyeji kutunga _____, _____
_____, na _____ .
4. Watela kulinga yika nge kuneza chihandwa mukachi kayove navakwenu vathu
muchikungulwilo? _____

5. Lumbununa kulilongesa muka chakushipilitu nachikukafwa ove hakulinunga
chamuchikungulwilo chove: _____

-
-
6. Unjiho muka hali evi weji kukafwanga hakulinunga?
_____ Kutala hakuhona chavakwenu
_____ Kuliula kupihisa chavakwenu
_____ Kuhanjika namasepa jove kutwala hakuhona chavakwenu vathu.
_____ Kutohwesa chipwe kwalumuna chihande mangana ulingise mukwenu
kwivwa sonyi.
_____ Kushinganyeka hakuhengesa chavakwenu.
7. Mwomwo yika twechi kwambilanga vathu vamwe nge navaluwisa, oloze
katwahanjika chuma numba chimweko nge vakwavo navalinga mwomumwe? _____

8. Kunahase kupwa kulinunga homa haze hakulinga vathu vanakulitungula umwe
namukwavo? Phimbi mwomwo yika? _____

9. Namuchano kwonga muthu chapwa chakuhenga. Oloze kuhanjika vimwe vyuma
kutwala hali umwe muthu namukwavo wekha, havyuma vize nalinge, kacheshi
naukaluko? _____

10. Chihandwa muka chatwama hakachi kamakuli, kulitungula nakwamba vakwenu? _____

11. Upi muka weji kufumanga mukulitungula, mumakuli namukulyamba lwola josena muchikungulwilo? _____

12. Natuhasa ngachili kuchikumisa echi chijililo mukuyoya chetu? _____

13. Chika nachisoloka nge natuhanjika kaha hali vathu kupwa nge vakhivo huvali? _____

14. Nge natutungula hakachi kavanyike, mihako yika nayilovoka kutwala hali vakhivo? _____

15. Kuli cheji kufuminyinanga chako chakutungula nakulihaka mumakuli? _____

16. Bahá'u'lláh atukanda etu:

“Nge mulangi wakulizanga enu vavene nawiza muli enu, _____
_____ kechi nge _____, mwomwo enu vavene _____
_____ chikuma _____.”

17. Zangi kayatela kupwa yakuhanjika namazuko. Yika cheka yechi kutondekanga?__

18. Kutwala hakulinunga nahazangi, ‘Abdu’l-Bahá natulweze ngwenyi: “Kanda _____
_____ numba mukaphyapa kakandende nawa kanda _____
_____ chipwe tuhu thando yayindendeko; watela shina ___
_____ na _____ mangana
mulihane _____ numba chipwenga tuhu kuli sepa umwekaha, nawa_
_____ kuli muchima wakumwinyika umwe kaha.”
19. Kaha Ikhiye amba cheka ngwenyi: “Chuma chachilemu chinakutondeka kuli
vakakaye _____ na _____. Nge
kulinunga nakuzachila hamwe _____ nachipwa ___
_____ kavathu, _____ muvyosena ___
_____ vosena.”
20. Yika yapwa sapi yayilemu hakuya kulutwe chamilimo muchikungulwilo? _____

21. ‘Abdu’l-Bahá ahanjika kutwala hali vaze navapwa nakulivwasana: “Vyuma
vinakutondekanga kuli vaze navaliwana hamwe nakulivwasana vyapwa _____
_____, _____, _____, _____,
_____, _____ na _____ hakachi
kavenyi vakuzanga, _____ mu ukalu na _____
muchipango chawangana Wenyi. Nge mukheke Jenyi navamikafwa kupwa
navyevi vilinga _____ va _____
wakufuma muwangana wakuweka wa Bahá.”

22. Kutwala hangolo jakuzata mukulinunga ‘Abdu’l-Bahá ngwenyi: “Lwola lwosena luze vakakujila navathuchila ku _____ , kukatuka na _____ , kwenda _____ , mukulinunga mumikana mumikana, _____ wosena hakachi kavo naupwa nge _____ , kaha makhanya akungajanga ayowu kalungalwiji wamunene nawapwa nge _____ a _____ .”

Hakumenekela chenye kuli vatata namama Sanchez, Alejandra mwevwa kuwaha kuliwana namuzukulu lyavo Beatrice, uze mwayoya navo halwola mwapwa nakutanga shikola yamango yamuchivali. Mutwe wachihande wakulinunga wamuneherele chiphepa kaha Beatrice mwawanyika namuchima wosena kukushimutwila. Kusongo yajiphande javo, Mama Sanchez mwaneha café nambolo kuli vosena. Echi nachimuhana Alejandra thando yakulijiva kanawa na Beatrice, kaha navalivwasana kuliwana kumbi likwavo mangana vashimutwile kutwala hajingolo mulize limbo. “Ikhiye nahase kupwa naliphwila lyakutanga vilongeselo vyakulikava chamikanda,” Alejandra mwashinganyeka. “Ami ngwatela kumukafwa kutanga mikanda yakavanga yayindende hachipimo chakutamo. Kufumaho ikhiye nahase kusaka kuputuka kutangisa vanyike chipwe kungukafwa nalizavu lyatumbululu twavakweze lize linakutungiwa mulimbo likwavo. Hakulinga ngocho, ikhiye nahase kupwa namulimo wakukafwa likha eli lizavu, shimbu mwaya kulutwe mbwe mumukanda wamuchitanu (5), uze naumulongesa kupwa animador (animator).” Alejandra nawanyika kuviwanyino vyavivulu vyavakweze vize vinakushishika hamitwe yavihande vyachechi kushimutwila, vinanehesa vavavulu kwingila mumilimo ya instituto. Ikhiye namono ngwenyi natela kukavangiza echi kulikava chavishinganyeka hakushimutwila na Beatrice mulikumbi likwavo. Jiphande japutukile ngana:

Tuvosena tunakusaka kumona kaye kalumuke chihela chamwaza. Tuli nalutalililo lwakumona lutwe luze kuunda chakaye kosena nachikatungiwa navisaka vyavathu navikayoya mukulinunga. Elu lutwe kechi nge , kaha lunahase kupwa lwakutunga kweseka nakuvulilako chetu mukulikolezeza mangana tuwahise kaye. Mukachi kamichima yetu, muthu wosena ali naliphwila lyakuzachila vikungulwilo vyetu. Chuma twatela kuzata shina kukulisa jingolo jetu jakuzata milimo yakuzachila mukulihana, hakuwaha cha vosena.

Tunahase kushinganyeka hakuzachila chetu vaka kaye kushinganyeka jila yakuzachila tunakwenda hamwe. Eyi jila yakusokoloka kuli vosena. Khala muthu wosena mwasakula kwingilamo nakuya kulutwe museteko yenye yivene.

masepa, usoko. Kweseka omu tunakukola, mumwaka mumwaka, natulimona kupwa namulimo waunene chikuma; visemi jetu vali nalutalililo chikuma hali yetu. Lwola jimwe, omu ngwechi kushinganyekanga hamilimo yami yosena, ngweji kulivwa nge yinangushite. Oloze ngwechi kwanukanga umwe mufunda wamazuru ajila amuvisoneka vya Bahá'í ngwalama mumuchima: “Kuyoya chamuthu chatwama nangonde yacho yakwima nakwaha. Kaha nawa yazala naupahu wakukomwesa. Halwola yaukweze wasolokela kungolo nakuzata naliphwila. Kaha nawa yapwa ngonde yayilemu mukuyoya chamuthu.”

Chuma nanguzanga kwazana nayove echi, vakweze vavavulu mwalenga kaye muvikungulwilo nge echi chayetu, vanejiva ngwavo ngolo javo vanahase kujitalikisa kukufwila chavyuma vivali vyahona kulihandununa: kumbata kukula chayavene mumangana nakushipilitu nakukafwa mukwalumuna ngalila. Echi kupwa chavyuma vivali vyakufwila chetu vyenda hohamwe. Halwola lolumwe tunakukulisa ngolo jayetu vavene natupwa vakutamo kuzachila vakwetu vamuchivulu, nakulikafwa umwe namukwavo, twechi kukola kupwa vathu, kaha twechi kukolesa vilinga vyetu vyamwaza twatwama navyo.

Aha hakhiko hechi kwingila vishinganyeka vyajila vyakuzachila ngunatongola hanyima. Tunakuyendanga keshi chili chuma chize tunakuhakanga kaha hamyono yetuko, vyechi kuneha kulumbununaka muvyosena tweshi kuzatanga. Kuzachila chikungulwilo cheji kutukafwa kwijivisa kanawa kufwila chakutanga chetu, kulumbununa vishinganyeka vyetu kutwala halutwe nakukulisa Vilinga vyamwaza vinakutondeka mangana tukafwe hakutwama kanawa chavausoko wetu. Chikhiko cheji kukolesanga usepa wetu cheji kutuhonesa kwenyeka ngolo jetu mukusaka vya ufweleleke.

Kutwala hakukula chetu mushipilitu namumangana, twatela kwijiva ngolo jakuliseza jize jechi kutulingisanga. Jimwe jili nge jachinyingi, jaungaji, neji jazangi, jechi kututwala mujila yakwoloka, kaha twatela kulilongesa nakulihaka etu vavene kuli jikhiko. Jikwavo jili nge ngolo javikwata neji jakulizanga etu vavene, jechi kulinga mwekha, twatela kukana kujikavangiza. Twatela kulihakilako mangana tuwane ulemu nawa tupwenga nalufwelelo ngwetu ngolo jetu najipwa jakukiswila namuchano wakujila.

Nge natuhunanana kutwala hakukafwa chetu mangana twalumune ngalila – kwalumuna kaye kaukenya, kauhutwe naluyando, mukaye kaukulungunga, luheho nakulinunga,—twatela kuhaka ulemu hakuzovoloka chakumujimba nechi chakushipilitu. Kuzovoloka chakumujimba chavathu vosena katwechi kuchiwanako nge katwazovolokele mushipilituko halwola lwolumwe. Kuwaha

chakaye kacheshi kukahasa kupwakoko nge kuzovoloka chevi vyuma vivali kavyeshi kwenda hamwe Sali nasaliko. Kuli mufunda wamazu ukwavo umwe ngunalame namuchima: “Kutona cha kumujimba chili nge linongo, uno kutona chakushipilitu ukhiko muteleleji walyeli linongo. Nge kutona chakumujimba nakutona chakushipilitu nachipwa chakulinunga, ngocho natupwa nalinongo namuteleleji hamwe, kaha vyuma navilovokako navipwa vyakulonga.”

Halwola natwenda jila yakuzachila, natulilongesa namazavu avathu, chikumakuma navanyike vavandende natumbululu twavakweze, kuvakafwa kupwa nachinyingi, ngolo jakuzata navilinga vyamwaza vyakushipilitu. Cheka nawa tweji kulilongesa kuhaka mangana kukulinunga chavikungulwilo vyetu. Vathu, visaka najizango jajinene vanakusaka kukafwa kuzovoloka cha chikungulwilo vatela kuzachila hamwe. Vatela kutunga chimweno nakufwila chochimwe nakuseza hanyima jijila jajindombo.

Shikaho, chili chachilemu hakupwa tuvakweze kukolesa chijililo chetu chakulivwasana mukulinunga navakwetu. Twatela kupwa tumasepa: Kulikafwa umwe namukwavo mumilimo natuzata, kwitava kukafwa cha vosena, kulikolezeza nakulikafwa umwe namukwavo, kumona jingolo jili hali umwe namukwavo, kutonda nakulihana mangana ambwende umwe namukwavo nakuwahilila hakunganyala chavosena. Hakwenda mujila yakuzachila, twatela kuzata, kuhunanana kutwala havilinga vyetu, kuhehwojola nakulinangula hamwe.

Hanyima yamyakha yayindende yinahichi, chikungulwilo chava Bahá’í chinahase kutunga umwe mutundu wazango yayilemu yakulilongesela kafwe mumafuchi osena amukaye, ejiji instituto nganomu tweji kujitongolanga, jechi kuhananga vilongeselo vyeji kukolesanga ngolo jetu mangana tuzachile vikungulwilo. Wivwa nge tunawanyika lyehi muli evi nakwivwishisa chakushipilitu najingolo jakuzata jize jinakutondeka mangana twendenga mujila yakuzachila hamwe. Omwo tunakuya kulutwe kuhichila muvilongeselo, ngolo jetu jakulinga vyavinene vyakuzachila jechi kukolelangako. Natupwa likha vakutetekela kuli vase vali nakukuluwila kuhambakana yetu, nawa kweseka nathando, natupwanga nayetu nakutetekela masepa vali nakukuluwila chachindende. Kufuma hakuputuka, tuvosena tunapu tuingazule mukwalumuna vathu nangalila, kwitavila naliphwila lyosena mulimo wakulilongesa chetu nakuzachila chikungulwilo.

“Kupwa chingazule” chalumbunuka kupwa naliphwila lyakuzata namuchano, lyakukakachila mujingolo jetu, kupwa nakuzachisa mangana hakhala thambo. Chingazule kechi uze mukakutambula kaha nganyoko, oloze uze mukakukafwa

CHIJJINJI 12

Kumenekela cha Alejandra muchisaka chava Sanchez nachitwalililaho muvyalumingo vikwavo. Vakhivo navakapwa nathando yakuhanjika mitwe yavihande yayivulu eyi yinakulovokanga yivene kufuma mukushimutwila kutwala hakulema chakulomba— kuyoya chakushipilitu, kukulisa vilinga vyashipilitu, kwononoka kujishimbi ahana Kalunga nakukakachila kuzangi Yenyi. Muyimwe thando yakulipwila, vakhivo navashimutwila cheka chindende kutwala havikhuku vya vilongeselo, chikumakuma kutwala ha Assembleleia Espiritual Locala na Nacional (Local Spiritual Assembly na National). Kechi chinakutondeka tutange mazu osena tunahanjika hakumenekela chosenako. Shikaho, kuli vihula vivali vinakuvulanga kulovoka mukachi kavakakuwanyika hajiphande jajivulu jakulifwana nge eji tuli nakushinganyeka. Chakavanga chinakutala hakupwa chaviwanyino vinakuzachikila muchikungulwilo kaha nawa chamuchivali chinakutala havya mali. Natuhanjika mutwe wachihande waviwano vili nge Chilika cha Makumbi likumi nawatanu na awana (19) aha hali echi chijinji, kaha natuhunanana mujimbu wamali hachijinji nachishisamo.

Eyi mitwe yavihande yinashisemo nayipwa uputukilo waphande kutwala hamutwe wachihande chinatale hachilika cha Makumbi likumi nawatanu na awana (19).

- Muchikungulwilo cha Bahá'í, mwechi kupwa viwanyino vyakufwila chakuliseza—chakulomba, kutanga, kuwahilila havilika vyavilemu, kulivwasana kutwala havihande vyachikungulwilo, navyevi vyakuzachila ngalila, nakulitesa mwakuzachila milimo. Bahá'u'lláh ahanjikile lushiko elu:

“Mwomwo wakuyoya Chami, na Liuka Lyami! Kuzuvo kwosena kuze masepa ja Kalunga navengila, akuze mazu avo nawaya mwilu nakukanguka hakwalisa nakulemesa Mwatha, nakujinguluka myono yavakakufwelela vamuchano natungelo vosena vakujila.”²³

- Kwivwa mazu aKalunga muviwanyino namasepa cheji kuneha kuwahilila mumichima nawa cheji kukolesa kulinunga. Bahá'u'lláh atukanda ngwenyi:

“Chatela kuli masepa, kuchihela chosena navapwa, kulikungulula muviwanyino nakuhanjika nachinyingi kaha nawa chakuhona kumamachila, nakutanga mazu a Kalunga; mwomwo mazu a Kalunga akhiko anakukwachisanga kakahya kazangi nakuyilingisa yikwate milangi.”²⁴

- ‘Abdu’l-Bahá asoneka:

“Pwenunga nakukunguluka kaha hanjikenunga nakwimba longeso yamwilu, mangana heka lize lifuchi navalimwinyika namuteleleji wamuchano kaha nawa chize chihela chalumuke, kuhichila mujikisu jashipilitu wajila, chakulifwana napalachise yamwaza, mwomwo likingo lwalelo yinapu século yaMwatha wawupahu wosena, kwimba chakulinunga chakaye kavathu chipwenga chakwivwa Kumuthutuko kwosena na kuMulauko.”²⁵

- Hali viwanyino vyosena vya chiBahá’í, chilika cha Makumbi Likumi na Atanu na Awana (19 dias – days) nachikhiko chapwa chachilemu. Kalenda wa Bahá’í apwa watukweji likumi na vatanu na vawana vamakumbi likumi na atanu na awana kaha nawa mukhala ngalila va Bahá’í vyeji kuliwananga kamwe mukakweji hali echi kukunguluka nganomu achikolesa Ivene Bahá’u’lláh:

“Chamuchano, luli lushimbi kulinga chilika mukhala kakweji chipwe tuhu mihane meya kaha, mwomwo Kalunga nawanyisa michima hamwe, chipwe tuhu hapwenga kutondeka vyuma vyahamavu chipwe vya mwilu.”²⁶

- Chilika cha makumbi likumbi na atanu na awana (19 dias – days) chatwama navihanda vitatu. Chihanda chakavanga chakulifukula, echi vakakuwanyika vanakupwanga nakulomba nakutanga mifunda yavisoneka vyamazu ajila. Chihanda chamuchivali chakwendesa milimo. Achize hanakupwanga chivwasano kutwala hamilimo ya chikungulwilo. Chihanda chamuchitatu chakumujimba.
- Tumonenu kulema chachihanda cha kulifukula chachilika chamakumbi likumi na atanu na awana kufuma hali awa mazu a ‘Abdu’l-Bahá:

“Enu vangamba ja Ulangaji wa Myakha vakwononoka! Mukhala likingo, vilika vyechi kupwa vyakwitaviza nawa vyakuzanga, kaha nawa mulimo wakuhaka vyakulya kumesa kuli vaze vamuzanga Kalunga vachimona kupwa mulimo wakwalisa. Echi chamuchano chikuma nalelo, muli eli likingo lyakuhona kwesekesa, muli eli likingo lya likoji chikuma, omu vilika vinakusakiwa chikuma, shikaho namuchano vene vili vyakuhaka muviwanyino vinakuzachika namulimo wakwalisa nakulemesa Kalunga. Muli evi vilika mwatwama kuhanjika mifunda yamazu ajila, jikhumbu nakwimba myaso yakwalisa, kaha muchima navaukatula nakuutukisa kwakusuku na Yivene.”²⁷

- Hachihanda chakutala hakwenda chamilimo chachechi chilika, masepa vanakunguluka navevwa kwambulula chamilimo ya muvikungulwilo vyava Bahá’í vyamumembo akukamwihi nawawa akwakusuku, kwambulula unjiho

wamilimo ya Liuka muchikungulwilo chavo nakutwala hakuhana vishinganyeka vyavo hakutwama kanawa chavathu mungalila, kupwa nachijililo nautethekeli wakutambula kufuma kuZuvo ya Ungaji Mukaye, kuhunanana hakuya kulutwe chaji Pulani javo nakuhana vishinganyeka hachilika chamakumbi likumi na atanu na awana chapwa chachilemu chikuma, mwomwo kuhichila muli chikhiko muthu wosena nahase kuwanyika kumijimbu yachikungulwilo chava Bahá'í mukaye kosena.

- Chihanda chakumujimba chachilika chamakumbi likumi na atanu na awana nachikhiko nawa, yapwa yimwe lwola yakulinunga muusepa nakulikokweza. Chinhashiwa kwimbisa nakwimba myaso, kuhanjika mazu akulizamikisa navihemo vyavanyike. Chipwe vihemo vimwe vyachisemwa vize vyakavumbi nakuwahilila vinahase kupwako mangana viwahise echi chihanda chachilika.
- Chilika chamakumbi likumi na atanu na awana hichuma chachilemu mujila yakwendesa milimo ya Liuka. Cheji kuwanyisa hamwe chihanda chakulifukula, chakwendesa milimo nakuyoya kumujimba muchikungulwilo. Evi vyosena vyatela kupwa vyakukolesela hamwe, mwomwo kwenda kanawa chachechi chilika chashindamina hakwesekesa hamwe museteko chavyevi vihanda vitatu. Mumukanda vasonekele mukakweji wa Kukumi (August) 1989, vaka Zuvo ya Ungaji Mukaye vahanjikile ngwavo:

“Chilongeselo cha Kaye Kosena cha Bahá'u'lláh chawanyisa kulinunga chosena chamukuyoya chavathu; chachinga hamwe vyuma vyakushipilitu, mwakwendesela milimo nakumujimba mukuyoya, nawa cheza nakwingila mumitundu yosena yakupwa chavathu mangana kupwenga kutunga kutona chachihya. Chilika chamakumbi likumi na atanu na awana chakwata vyuma vyosena muchikhuku chacho chamuchitungilo. Yazachika mukalimbo kakandende, membo amanene najimbaka, chikhiko chapwa chikhuku chize vathu vosena vapwa vamembala. Chikhiko chatala hakutwala kulutwe chakulinunga, kuneha kuzovoloka nakulama kuwahilila.”²⁸

- Chilika chimwe chachilemu chikuma chakufwana nge chilika chamakumbi likumi na atanu na awana kachatela kuchiwahisa mulumbushiko. Khala muthu atela kuliwahisa kushipilitu mwomwo wachilika kuhichila mukulomba nakuhunanana. Halwola lwachilika vosena vatela kuwanyika namangana osena namuchima wosena; yipwenga hakutanga halwola lwakulifukula chipwe kwivwa kaha mifunda yamazu vanakutanga; yipwenga kulumbununa chamilimo kutambula uthetekeli chipwe kuhanaho vishinganyeka; apwenga muthu uze nambate echi chilika chipwe uze mwawanyikako kaha navatambula nachiseke nakuwahilila.

Hamukanda woumwe waktwala hachilika chamakumbi likumi na atanu na awana, vaka Zuvo ya Ungaji Mukaye ngwavo:

“Vyuma vyavilemu hakuwahisa echi chilika yapwa kusakula kanawa mifunda yamazuru akutanga, kusakula chimweza vakakutanga kanawa, nakupwa chakavumbi hakulumbununa chilika nahakuwahisa chilongeselo chakulifukula. Kushishikisa hachihela haze nachihichila chilika — yipwenga mukachi chipwe haweluka — vyechi kukafwanga chikuma mujila navevwilamo hali eyi thando. Unyoji, namujila navawahishilamo echi chihela — vyosena vyatwama namulimo waunene hachilika. Kulivanga nachikhiko nawa chasolola kuliwahisa chamwaza.

“Chihanda chachinene chakuwaha chachilika chapendamina kukuliwahisa nakuwanyika chamuthu wosena. Thwamina wakuzanga natukande ngwenyi: ‘Myatela kuhana ulemu waunene haviwanyino vya makumbi likumi na atanu na awana, mujila yakulinga viwanyino vyayetu vakuzanga kuli Mwatha navangamba jayou wakheke vatalise mesu avo ku Wangana wamelu, vembenga mwaso, kulomba nakulembelela ukafo waKalunga, vapwenga vakuwahilila nakulizanga umwe namukwavo, nawa vakole mukutoma na kujila, nakwivwa woma Kalunga, nakukana vyuma vyaufwefweleketete nakulizanga muthu yavene. Vakhivo ngana navalifumisa kuli aka kaye kamujimba, navakalimbila vavene mumilangi ya shipilitu.’”²⁹

Nge omu uli nakulinga likha, tanga vishinganyeka vili helu maphapa kakavulu kaha vihanjikenu mulizavu lyenu mangana mulilongese kuvihanjika kanawa. Vyakulinga vinakwizaho navimikafwa kupwa nakwivwishisa chachinene kutwala haulemu wamakumbi likumi na atanu na awana:

1. Yika atulweza Bahá’u’lláh ngwenyi vinahase kusoloka kuzuvo kuze natuliwanyina mangana twalise nakulemesa Mwatha? _____

2. Ha mufunda wamazuru ajila wamuchivali Bahá’u’lláh natulweze ngwenyi, omu natwiza nakuliwana muviwanyino, twatela kuhanjika na _____
na _____, nakutanga _____
_____ ; mwomwo mazu aKalunga akhiko echi _____
_____ na _____ .
3. Ha mufunda wamazuru ajila wamuchitatu, ‘Abdu’l-Bahá atukanda kulinga viwanyino, kuhanjika nakwimba Tangiso jamwilu chakulinga mangana

- __ lifuchi twayoyela lihase kupwa_____
- __ namavu aze twatwama ahase kwalumuka kupwa_____
- _____
4. Kalenda wa Bahá'í atwama natukweji vangahi?_____

 5. Inyi kakweji atwama namakumbi angahi?_____

 6. Chiwanyino muka chachilemu chize va Bahá'í vechi kulinganga kamwe mukakweji?_____

 7. Vihanda muka vitatu vyachechi chilika chamakumbi likumi na atanu na awana?__

 8. Evi vihanda vyachilika chamakumbi likumi na atanu na awana vyapwa vyakulinga mujila yose oyo?_____

 9. Inyi mulimo wachechi chihanda chakulifukula chachilika wakha?_____

 10. Inyi mulimo wachihanda chachechi chilika chakwendesa milimo waka?_____

 11. Inyi mulimo wachihanda chachechi chilika chakumujimba waka?_____

 12. Yimwe yili hali eyi mitwe yavihande nayipwa yakutamo kushimutwila hachihanda chakutala hakwendesa milimo chachechi chilika?

_____ Kutondeka chamali mumilimo ya chikungulwilo

_____ Jingunja vanengisa vakalizavu lyakwa ngunja vamulifuchi

_____ Mwakutela kumanyishila kuhona kulivwasana hakachi kava membala vavali vamu chikungulwilo

_____ Kuya kulutwe chakutanga cha chiBahá'í chavanyike muchikungulwilo

- _____ Kulumbununa chamifunda yamazu amuvisoneka apwanga nakutanga umwe membala wamuchingulwilo hachalumingo chinahite
- _____ Kuzama chachilongeselo chatumbululu twavakweze muchikungulwilo
- _____ Uhashi wamilimo mungalili kuli vakweze
- _____ Ukafwo uze chikungulwilo chinahase kuhana mulizavu lyatumbululu twavakweze vaze vali namilimo yakuzachila yinalumuka yayikalu
- _____ Kumenekela visemi javanyike vavandende natumbululu twavakweze vali muvilongeselo vyakutanga vali nakwendesa kuli vaka instituto/e
- _____ Kukolesa kupwa chaviwanyino vyakulifukula muchikungulwilo
- _____ Lwola lwavilongeselo navilovoka hachisaji cha mivwimbimbi
- _____ Kwivwishisa chavathu kutwala hakuwahisa chivwasano na kuwahilila mulizavu lyakulilongesa
- _____ Chilika cha likumbi lyakujila nachiza
- _____ Uputukilo wamilimo yakumujimba nayilovola kuya kulutwe chakutunga chikungulwilo
13. Shimutwila hali echi chihula navakalizavu lyove: Mwomwo yika chalemena kwenda hamwe chavyevi vihanda vitatu vyachechi chilika?
14. Oholyapwa shimutwilenu evi vihula vivali vili mwishi.
- a. Nge ove yove wapwanga mukakumbata echi chilika kechi nauliwahisa ngachili mwomwo wachilika?
 - b. Nauliwahisa ngachili mwomwo wachilika nge mupwa kaha umukakuwanyikako?

CHIJJINJI 13

Chihula cha muchivali chinakulovokanga likha hakushimutwila kutwala ha Liuka chapwa, inyi chikungulwilo cha Bahá'í chinakulumbununga ngachili kuukalu unakutondekanga mali. Hano hali vimwe vize vinahase kukukafwa ove kukumbulula evi vihula:

- Chitwa vanakuzachisanga vikungulwilo vyava Bahá'í mangana vakafwe kumilimo yakumujimba yapwa chimbango cha Bahá'í. Chikhiko vachitala kuli vikhuku vya Liuka mujiseteko jakuliseza: Chikungulwilo, Lifuchi, Likhanda (continentes/continental) na Kaye. Va Bahá'í vachimona ngwavo vatela kulihana vavene havize vinakutondeka mangana vatwale Liuka lyavo kulutwe vavene, shikaho, Chimbango cheji kutambula kaha vize navahana vamembala vachikungulwilo.
- Kuhana kuChimbango wapwa mulimo wakulihana muthu yavene. Hatwama kajinjilo hakupwa mujimbu unatale hali ou muthu na chikhuku cha Liuka; majina avathu vanahane naseteko vanahane kayapwa yakwambululako. Vamembala vamuchikungulwilo kavavashinjila kuhana kuchimbangoko. Vikhuku vyechi kulwezanga kaha vakachikungulwilo nakuvalwekesa vyuma chinakutondekelanga. Kakavulu, chikungulwilo chivene cheji kutongola vipimo vatela kuhana. Oloze, kuvula chamali kavachitongwela hali muthuko nawa kavalomba maliko. Chili kuli muthu yavene kumona seteko ize mwahana, kweseka nakwivwishisa chenyi chajishimbi jatwamaho.
- Echi kutona tunakufwila kutunga, nachikapwa chakumujimba nakushipilitu. Luheto valwitaviza kaha nge jishimbi jimwe jinatesamo: twatela kuluwana mukuzata mumuchano nawa luzachiwe mukuwaha chavaka kaye. Chikungulwilo chosena chatela kupwa chakukatula; kavachitaviza kupwa vamwe vapwenga naluheto lwakuhambakana shimbu vavavulu kaveshi numba nakakandende kakulipululula nachoko. Bahá'u'lláh natulweze ngwenyi:

“Vathu vamwenemwene vapwa vaze vechi kunganyalanga vyavo kuhichila mumilimo yavo nakuvizachisa mukulikafwa vavene nakukafwa vakwavo mwomwo wazangi yavo hali Kalunga, Ou Mwatha wa Mafuchi Osená.”³⁰

“. . . myatela kwima mihako yamwaza kaha nawa yakukomwesa, mangana yenu vavene navakwenu mihase kunganyalilako. Ngocho chatela kuli wosena kuzata umwe mulimo mwomwo kajinjilo kaluheto hakhiko katwama aha, Ove muthu wakwivwa!”³¹

Kaha ‘Abdu’l-Bahá alumbununa ngwenyi:

“Luheto lunatela chakutamo, shina nge vathu vosena vapichi. Oloze nge, vavandende kaha vali naluheto lwakuhambakana chikuma, oku vavavulu vali muwuhutwe, muhako naumwe phimbi naukafuma kuli elu luheto, lukhiko nalupwa kaha mulimo wayavene aluheta.”³²

- Hakulinga tutunge chikungulwilo cha ungaji nawa chakuhona luyando, tuvosena twatela kupwa nalikoji nawa tuvakakuhana. Chipwe vikwata vyetu vyavindende, oloze twatela kuhanako kamwe kukuzovoloka chavaka kaye, mwomwo luheto lwamuchano tunahase kuluwana kaha kuhichila mukuhana. Likoji lyapwa vilinga vyamwaza vya shipilitu yamuthu. Kachapendamina hakuvula chipwe kuhona chavikwatako. Mumazu Akusweka, Bahá'u'lláh ngwenyi:

“Kuhana nakupwa nalikoji vyapwa vilinga Vyami, natokwa uze mwalivwika navilinga Vyami.”³³

- Twatela kwanuka ngwetu kasulu wamuchano waluheto lwosena twatwama nalwo Kalunga, Ou Walikoji Lyosena. Ikhiye echi kutuhananga ukafo mukuyoya chetu; Ikhiye echi kunehesanga kuzovoloka chetu chihashiwe. Kaha nge tunakuhana kuChimbango, tunakukafwa Liuka Lyenyi nachihanda chimwe chavize atuhana Ikhiye. Shikaho, kuli va Bahá'í, kuhana kuChimbango kechi chinapu kaha mwomwo walikojiko; yinapu nawa kisu yimwe yakushipilitu kaha himulimo umwe waunene nawa hali muthu halwenyi. Kalama wa Liuka atukanda ngwenyi:
- **“Twatela kupwa nge kaseluke uze ali likha nakutepulula kuvyosena vize atwama navyo kaha vali nakumuzalisa kufuma kukasulu wakuhona kumona. Kutwalililaho likha kuhana mangana vakwetu vayoye kanawa chakuhona kulyechelela vatuhonese kuwoma wakuhutwa, nakufwelela kulikoji kalyahonako lyakasulu ka luheto lwosena na kuwaha chosena — kakhiko kajinjilo kakuyoya chamwaza.”³⁴**

Ove nawukapwa nathando yakutala havimwe vishinganyeka vili hano mujila yakujiminyina, muvilongeselo vili kulutwe mukulikava chavyo, chilongeselo chimwe chize chahanjika hamutwe wachihande chaluheho lwakumujimba. Muthando yino, nganomu chinakupwa likha, tunakukolezeza mihanjike mazu ali helu, khala mutwe wachihande nalwola lwacho kaha nawa zata vyakulinga vili mwishi mangana ulilongese kuvihanjika evi vishinganyeka nganomu vyapwa nawa nauhashi:

1. Kweseka na mifunda yamazuru akujila, wanyisenu mumapwata anasale hamazu ali mwishi.
 - a. Bahá'u'lláh atulweza ngwenyi twatela kunganyala _____
kuhichila mumilimo yetu nakuvizachisa mukulikafwa _____

- b. Twatela kwima _____ kaha nawa _____
mangana yetu vavene navakwetu _____ .
- c. Tuvosena twatela _____ umwe _____
mwomwo _____ ka _____ hakhiko
katwama aha.
- d. ‘Abdu’l-Bahá alumbununa ngwenyi luheto _____ , shina
nge _____ vali vapichi.
- e. Oloze nge _____ vali _____
lwakuhambakana chikuma oku _____ vali _____
____ , naukafuma kuli elu _____ , lukhiko nalupwa kaha _____
_____ wayavane _____ .
- f. Bahá’u’lláh ngwenyi: “ _____ nakupwa _____
vyapwa vilinga Vyami; natokwa uze _____ na _____
_____ Vyami.”
- g. Kalama wa Liuka atukolezeza tupwenga nge _____ uze ali lika _____
_____ kuvyosena vize atwama navyo kaha vali _____
_____ .
- h. Kutwalililaho lika _____ mangana _____
kanawa chakuhona kulyechelela _____
kuwoma _____ , nakufwelela _____
_____ kakhiko _____ kajinjilo
kakuyoya chamwaza.”

Ahano hachijinji khana na chikwavo chili nakwizako chachechi chihanda natuwana mutundu wekha wamitwe yavihande – chipwe ngwetu, mitwe yavihande nayipwa yakushimutwila hathando yakumenekela visaka navakweze vanakuwanyika muvilongeselo vyakutanga vanawahisa kuli vaka instituto. Nganomu vachambanga lyehi, kutangisa mashikola avanyike vavandende nakutwaminyina limwe lizavu lyatumbululu twavakweze kupwa animador/animeta vili vimwe vilinga vyakuzachila vahanjika muvilongeselo vili kulutwe, vili nge Mukanda 3 na 5. Ove unahase kupwa na chijililo chipwe phimbi navyevi vilongeselo vivali tunambe kweseka nge wawanyikileko omu wapwile ukanyike.

Chakavanga, natatalenu hamazu aze kakavulu atunga chikhuku chajimwe jiphande jakutwalililaho navisaka vyatumbululu twa vakweze. Tufwanyisenu nge munahite yimwe thando kufuma haze twemikilile kwambulula kaheka (storia) ketu, kaha luno lwola Beatrice ali nakutanga mukanda 2. Alejandra mwahula nge Beatrice mwazanga kumutwalako mukumenekela visaka vyatumbululu twavakweze vavavulu vali nakutunga limwe lizavu kuhichila mukukafwa chenye. Ikhiye mwetavila nachiseke.

Alejandra mwamulumbunwina Beatrice vize ali nakujina. “Natuputuka kaha kumenekela, kulumbununa kuli visemi vilongeselo vize mwanenyi wapwevo chipwe walunga nalovola lipwila lyakuwanyikako nakumulweza nge ikhiye napu umwe wakuchihanda chavaze vali nakuzata mujila yakutunga chikungulwilo chili nakutungika mulimbo likwavo. Kaha natutanga navo amwe mazu avishinganyeka vyakwata echi chilongeselo. Echi nachipwa kumenekela chakavanga mukumenekela chachivulu natupwa nacho, kaha lusalililo lwetu luli kumona nge, kweseka omu kushimutwila chetu chinakuya kulutwe hakushimbula chathando, chisaka kechi nachitwalililaho kaha nakukafwa eli lizavu mujila jakulisezako, oloze nachalumuka kupwa vakakukatula kukuluwila kushipilitu chatumbululu twavakweze muchikungulwilo.”

Alejandra na Beatrice navatwalililaho kushimutwila yimwe mitwe yavihande vanakushinganyeka kuhanjika nakhala chisaka. Vakhivo vanashinganyeka kusoneka vishinganyeka vyosena vanamono ngwavo vyavilemu, mwomwo vanejiva ngwavo navakahanjikako kaha vimwe mukumenekela chakavanga evivikwavo hajiphande jakulutwe. Eyi yikhiko mitwe yavihande vanalongesa kutwala hangolo jatumbululu twavakweze:

- Mukuyoya chakhala muthu, thando yakufuma hamyaka 12 ndo 15 yapwa yayikalu – yalumbununa thando yakufuma kuwinyike nakuya kuukulwane.

- Kakavulu tunakutongolanga vakweze vayeyi seteko yamyaka kupwa “tumbululu twavakweze.” Vakhivo kavapwile vanyike vavandendeko, oloze kanda vahete muukweze uvene.
- Chaushona, vishinganyeka vimwe vyakuluwa nawa vyakuhona kushishikisa vinakulumbunanga tumbululu twavakweze kupwa vakasautu, vakulikanga, kulivwa nawa vali muukalu lwola lwozena. Shikaho, etu tunakuvamona mumuteleleji wekha. Namuchano vene muli eyi thando yayindende yakuyoya, etu tuvosenana twechi kuhitanga mukwalumuka chalumbushi, kwalumuka kumujimba, kwalumuka kuvilinga namuvishinganyeka. Kaha nawa muchano vene, echi chinahase kutulingisa tupwengako nakulikanga chindende. Oloze mumuchano, eyi yikhiko seteko yangolo jajinene nawa yayilemu chikuma.
- Etu nawa twapwile tutumbululu twavakweze kechi nge hathando yayisuku chikuma kunyimako kaha tunakwanuka omu twakwachikile nachechi kwalumuka. Lwola jimwe twapwilenga vakuhamuka kaha lwola jikwavo twapwilenga nawoma. Lwola jikwavo twapwilenga nasonyi chikuma. Lwola jimwe tunakusololanga kusaka kupwa nge vatuseze ukhawetu, okunyi mumuchano tunakutonda kutambula zangi yavakwetu. Twatondelenga kwijiva vyuma muka vize twejiva kulinga kanawa kaha nawa nachinyingi chakuzata vyuma muka vize twapwile navyo. Kaha twahakilenga chikuma mangana mujila ize vakwetu vathu vatumwenenengamo kaha namujila vashinganyekelelengamo havishinganyeka vyetu.
- Chili chachilemu kwijiva ngwetu ou mutundu wavilinga khana wawalwola kakandende kaha. Eyi yikhiko thando yize ngolo javishinganyeka namangana jechi kukolanga lumbushi mukuyoya chamuthu wosena. Nakuputuka kutonda kukumbulula chamuvihula vyavilemu mukuyoya. Natuhunanana havyuma vinakusolokanga mukuyoya chetu kaha nawa nakulihula chikuma hali vize vanatulongesa. Kaha nawa kechi tuli mukukava chakuhona kupinda vize navatulweza vakulwane kulingako, chikumakuma nge natumona ngwetu kawatelemoko mazu avo chipwe vilinga vyavo.
- Hakulinga tukafwe vakweze kuzachisa ngolo javo mujila yambwende, chachilemu kuhona kuvamona vakhivo nge vanyike vavandende. “Abdu’l-Bahá alumbununa eyi thando mujila yangana:

“Kufuma chindende hathando eyi mwengila muthando yaukweze, amuze kupwa chenye navyuma vikwavo vyakunyima navavishisa kuli vyekha vyavihya vinakutondeka vize navizachika hakuya kulutwe mukupwa chenye.

Mangana enyi akushishikisa vyuma nawaliwezela nakupwa akukunama; ngolo jamangana enyi vanajilongesa vanajisongamisa; mikoleko natwamiso yawinyike kayechi cheka nakuhonesa ngolo jenyiko.”³⁵

- Zuvo ya Ungaji Mukaye, zango yatetekela Liuka lya Bahá’í, yahanjika ngwayo kutwala hamujimbu tunawahisa mwakuzachila na tumbululu twavakweze:

“Shimbu mangana akulilondezeza mukaye kosena anakutunga muvwimbimbi wakuhenga halizavu lya eyi seteko — ava vanajimbala muvikola vyakunganjanga chakwalumuka kumujimba namuvishinganyeka, kazakamako nawa atala hali yavene kaha — chikungulwilo cha Bahá’í — mulilimi vawana najijila vambata vanakwenda mujila yakuliseza nayeyi yavakwavo, vanakumonamo zangi yakuzanga vakwavo, kuyoya chaungaji, liphwila lyakulinangula vyakaye nazangi yakukafwa kutunga kaye kamwaza.”³⁶

Alejandra na Beatrice navahilwisa mangana avo kuchilongeselo chivene chakukolesa kushipilitu kaha naveseka kuwana vyuma vimwe vyatwamamo.

- Tumbululu twavakweze vali mukachi kamyaka 12 na 15 vali naliphwila lyakuwanyika mulimwe lizavu lyamasepa vaze navazana navo vishinganyeka vyavo, kuzata yimwe milimo, kuzata vihemo, navikwavo vyekha. Echi chikhiko chinalingisa kutunga echi chilongeselo “mwomwo walizavu lya tumbululu twavakweze.” Khala lizavu navalitetekela kuli umwe “animador/animator”. Lwola jajivulu apwa umwe mukweze wakukolako lyehi, ali nge sepa wamuchano, mwakafwa vamembala kukulisa ngolo javo.
- Mazavu nawaliwananga lwola josena. Haviwanyino, tumbululu twavakweze navalilongesa kuwana mitwe yavihande nakuhanjika vishinganyeka vyacho chakuhona woma wakuvahamika chipwe kuvaseha. Vakhivo navavakolezeza kwivwilila, kuhanjika, kuhunanana, kushishikisa, kutunga vishinganyeka nakulingamo.
- Tunakuyoya muthando yize ngolo jakuhonesa jinakwate mujila omu vakweze vanakushinganyekelamo nakupwilamo. Va animadores /animator navakakumisa eji jingolo – kechi nge valikinge kaha mukuhona kulilemesa muchiyoyelo chamuchikungulwiloko oloze nawa vazachile hakuwaha chakaye.
- Echi chilongeselo chatonda kuhindula ngolo japandama kumwono wamuthu, ngolo jize hathando yakuputuka chausanda najiputuka kulovoka jivene museteko

yinakuya nakutohwelako likha. Jajilemu chikumanyi ngolo jakushinganyeka nakuhanjika. Vakweze vatela kukulisa lilimi linakutondeka hakuhanjika vishinganyeka vyavo vyakukunama kutwala hakaye nakulumbununa nawa omu vanazange kukamona akakaye kalumuke.

- Tumbululu twavakweze vali naliphwila lyalinene lyakuhunanana hakulumbunuka chavyuma vyavilemu mukuyoya chakutamo. Kuwahilila, lusalilo, nakulilemesa vinapu vimwe vyakutalilaho. Oloze chaushona, vathu vanakupwanga nakuhanjika kutwala hali evi vishinganyeka mujila yayilelu. Kupwa nakwivwishisa chakukunama hali evi vyuma nakwijiva omu vyechi kuzachikanga mukuyoya chahakumbi hakumbi chinahase kukafwa vishinganyeka vyavakweze kutunga chikhuku chavilinga vyamwaza chakukola nawa nakupwa vakumika kujingolo jakuhonesa mungalila.
- Kwivwishisa vyuma chili chachilemu hakukulisa mangana. Lwola lukwavo tumbululu twavakweze vanahase kuwana ukalu kushikola mwomwo chinakutondeka ngwavo valilongese vyavulu kutwala hamithango yavinyingi vyakuliseza, chakuhona kutambula ukafwo wakutamo vejive vyuma vikwavo. Echi chilongeselo chinakuvakolesa vakhivo kushinganyeka chakukunama kutwala hali evivishinganyeka – muvilinga, matematica (makumi), ciência/sayansi, nakutwala kulutwe – kaha echi cheji kuvakafwanga kuzata kanawa kushikola.
- Tumbululu twavakweze vatwama naliphwila lyalinene lyakuhaka unjiho havyuma kaha nawa vanakusaka kwijiva mwomwo waka vyuma vinakusoloka mukuyoya chavo. Hakulinga vayenga kulutwe muvyuma vyosena navazata, vatela kuhasa kumona kechi nameso akumujimba kahako, oloze shina nameso akushipilitu nawa. Shikaho, kufwila chachilemu chachechi chilongeselo chili kukulisa kwivwishisa cha kushipilitu: kuzovoloka chakwijiva ngolo jashipilitu nakwijiva tangiso yakushipilitu mulwola natuyiwana.
- Echi chilongeselo chejii kuwanyisa milimo yacho yakuliseza – kukulisa vilinga vyamwaza kwivwishisa vya shipilitu, nangolo jakuhanjika – nakukafwa chamikanda inalikave. Eyi mikanda yapwa yajistoria jimwe jajilelu kutwala hakuyoya chavakweze kujimbango jakuliseza jahakaye. Kechi navatanga kaha mikanda hamwe, nakushimutwila mazu acho nawa nakukumisa vyakulinga vinakutondekako, oloze ava tumbululu twavakweze navazata navihemo nakulilongesa milimo yamavoko.
- Nakukafwa cha animador/animator, mazavu nawakhiko nawalongesa nakuzata yimwe milimo yakuzachila, chuma chimwe chachilemu muli echi chilongeselo.

Kuhichila muli eyi milimo, tumbululu twavakweze navalilongesa kushinganyeka kutwala hachikungulwilo navyuma vinakutondekamo, kulivwasana nakuzachila hamwe hakachi kavavene nava membala vamuchikungulwilo.

- Mitwe yavihande vahanjika omu mumikanda yaliseza: Khala mukanda washishika hamutwe wachihande waulemu mukukolesa chakushipilitu yatumbululu twavakweze. Mukanda wakavanga, chakutalilaho wahanjika hamutwe wachihande wa “Ukoleso” – Kalunga echi kukolesanga ngolo tweji kulinganga mangana tuwanyise vimweno vyetu vyavinene. Mukanda ukwavo kutwala ha “lutalililo” – omu twatela kutala lutwe nalutalililo chipwe tuhu tuli muthando yayikalu chikuma. Ukwavo wahunanana hamujimbu wa “Ngolo ja Lizu” wapwa mutwe wachihande wakuhunanana hayikwavo. Hakachi kamikanda yahanjika hamujimbu wamakumi /mathematics, umwe wahanjika hachijililo chamangana akuwahisa mwakoloka. Kuchihanda cha ciência/sayansi kuli mukanda washishikisa hakulama chamuthu yavene kuyoya chenyi – kumujimba, mumangana, nakushipilitu. Tumbululu twavakweze vanakutanga kafwe likumi lyamikanda yikwavo hamyaka yitatu.

Alejandra na Beatrice vanakushinganyeka kumbata yimwe mikanda nakuya nayo, heka visemi navasaka kutalaho. Nge ove kawalijililekoko na mikanda, chinahase kukukafwa nge mwechako yimwe thando mangana utange jimwe jistoria jajivulu nge chinashiwa – echi nachikwitaviza kukavangiza kanawa jiphande jakuliseza muchikungulwilo. Shimbu tunakukolezaza ushimutwile chikuma evi vishinganyeka vili helu navakwenu vakakuwanyika mulizavu lyove lyakutanga, evi vishinganyeka vavihanjika chakujiminyina chikuma mumukanda 5. Nge, hakukumisa kutanga ou mukanda, ove naushinganyeka kuzata kupwa animador/animator, evi mushinganyeka kuzata kupwa animador/animator walizavu lyatumbululu twavakweze, ove naumenekelanga nakutwalililaho visaka vyavamembala jacho nakutala navo vishinganyeka vyavivulu vyakufwana ngana. Oloze hali luno lwola nganamwa Beatrice, watela kushinganyeka kukavangiza muthu ali nakukuluwila kuchimwe kumenekela visaka vyatumbululu twavakweze muchikungulwilo chove.

CHIJINJI 15

Likumbi likwavo, Alejandra na Beatrice navamenekela kumazuvo atumbululu twavakweze vatatu navakawanyika kulizavu lyalihya linakutungika mulimbo likwavo. Beatrice mwapwa wakuwahilila hakumona liphwila vanakusolola visemi hakushimutwila kutwala kuchilongeselo chakukula kushipilitu. Hakulauka chalikumbi Beatrice mwamona ngwenyi mwazanga kumukafwa Alejandra kulizavu lyatumbululu twavakweze

nakulilongesa kuzachila kupwa animador/animator walimwe lizavu lyalihya, chinahase kupwa heka uno vene mwaka. Nakuheta oho ikhiye nejiva ngwenyi mwatondeka kukumisa yimwe mikanda ya instituto/e. kahanyi Beatrice nafwila kuya kulutwe mukutanga naseteko yoyimwe yakutwalililaho alinayo noholyapwa.

Kaha ngocho, mukukafwa chakutwalililaho nakukolezeza cha Alejandra, Beatrice mwaya kulutwe mujila ya kuzachila. Tatalenu jino ha storia/kaheka yenyi, hakuhita chavamwe tukweji, omu ikhiye ali kukamwiha nakukumisa mukanda 3. Tutor walizavu lyenyi lyakutanga mwamulomba Maribel, umwe mulongeshi washikola yavanyike vavandende, ngwenyi asanyike Beatrice navakwavo atanga navo mangana vmutwaleko, mujilwola hakumenekela visemi javanyike valimwe lizavu lyakutangisa vanyike lyalihya lyakavanga mumango 1. Beatrice nevu ngwenyi nalilongesa yayivulu mukutanga chenya mukanda 3. Kaha cheka nawa Alejandra ahanjikile kakavulu ngwenyi kwivwishisa mwawana mukutanga ou mukanda nachizundula ngolo jenyi jakuzachila kupwa animadora/animator.

Omwo vakhivo vanaliwane hamwe, Maribel nambe kuli Beatrice ngwenyi navakamenekelanga mama ya Emma. Maribel ngwenyi “apwa kanyike umwe wamwaza uze azanga kulilongesa,” “ami ngwamenekelaho lyehi visemi jenyi kamwe kaha ngwavalumbunwinyine omu yapwa shikola ya Bahá’í yavanyike vavandende. Vakhivo vawahililile nakumwitavila Emma kuwanyikako. Naye asolwele zangi yakwivwa vyavivulu kutwala hashikola yavanyike vavandende kaha ami ngwamushikile ngwami nanguhiluka cheka mangana tukashimutwile chindende kutwala havishinganyeka vyakutanga vili mwishi ya mikanda tunakutangisa. Ami ngunasonekako yimwe mifunda yayami yavene. Nge ove unazange tunahase kuyihituluka nakushimutwila kutwala hali yikhiko hamwe.” Beatrice mwetavila. Eyi yikhiko mifunda ya mazu vashimutwilile:

- Chakavanga, nangukamulweza mama Martinez omu ngunawahilila hakupwa na Emma mushikola, kaha nangukatongola vimwe vilinga vyenyi vyamwaza.
- Ngunamono nge nachiwaha kuputuka echi kushimutwila kutanga ou mufunda wavisonoka vya Bahá’u’lláh nayikhiye:

“Mumonenu muthu kupwa mungochi unazale wamalwola akukejima adando yakeshi kwesekesa. Shina kutanga kaha chinahase kumulingisa alovele elu luheto lwenyi; nakulingisa vakakaye vafumisemo muli lukhiko yimwe nganyo.”³⁷

- Kufumaho nanguhasa kwazana vimwe vishinganyeka kutwala omu ou unjiho unangulingisa kupwa mulongeshi. Muchima wami wazala nakuwahilila,

nangukamba, omwo ngunakutalanga hali vanyike vavandende mushikola nakuvamona kupwa mingochi yinazale na malolwa akukejima andando yakuhona kwesekesa. Khala kanyike wosena ali nangolo jakulovola vilinga vyamelu. Khala kanyike ali nawana uze unahase kupwa wakusolola nakuukulisa. Khala kanyike wosena, hakukola, nahase kupwa membala wamulemu mungalila nakukafwa kukuwaha chakaye.

- Kushisaho, nachiwaha kuhanako vyakutalilaho vimwe vyamalolwa andando aze kutanga chatela kulihakilako mangana chilovole muli kanyika wosena. Ami kechi the nangutongolako jimwe jingolo jamangana, nge: Kuwana jishimbi jatengeso, kulovola vyuma vyamwaza vyauchiji nakulovola vishinganyeka vyamwaza. Nangukalumbununa cheka ngwami vanyike vavandende vanahase kuputuka kukulisa eji jingolo josena nge navatambula kunangula chakutamo. Oloze, hakulinga echi chisoloke, vakhivo vatela kutambula vimwe vilinga haseteko yayimwe myaka. Chakutalilaho, vakhivo vanakutondeka kulilongesa kuhaka mangana kukwivwilila, kuzata nangolo chikuma nge chinatondeka, nakuhaka mangana kuvize navazata. Vakhivo vatela kwalumuka kupwa vathu vazakama kuyoya kanawa chavakwavo nawa vali nazangi yakuzachila chikungulwilo. Shikaho, chachilemu kuzachila chikuma hakukula chakupwa chavilinga vyavo haunyike.
- Eyi nayipwa thando yimwe yamwaza yakutela kulomba mama Maritnez azane nayetu vimwe vishinganyeka vyakutwala kumutundu wamuthu nazange mwanenyi apwenga. Vilinga muka vize namono ngwenyi vyavilemu atela kupwa navyo Emma?
- Vilinga vimwe vize mwavuluka ikhiye tunafwelela navipwa vyakuchihanda chavilinga vya kushipilitu, mujimbu ukwavo wakushisamo nangukahanjika. Nanguhanjika ngwami muthu atela kupwa navimwe vilinga vyatondeka mukuyoya chavathu. Vikhiko vyapandama kushipilitu yamuthu. Twechi kuyikulisanga halwola natutomesa chivanjilo chamuchima wetu mangana chikhiko chisolole vilinga vya Kalunga. Tunakuvitongolanga vikhiko kupwa vya kushipilitu. Tupetulu (lição) vakwavo tunakutangisanga mujishikola jetu javanyike vavandende mumango yakavanga jashishika chikuma hali evi vilinga vyamwaza.
- Ngunafwelela nangukalava kaha vimwe vilinga vyakushipilitu vahanjika hatupetulu (lição) vamango yakavanga mumukanda 3 nawa nakwazana nenyi mifunda yamazu ajila analite navilinga vyacho. Nangukalumbununa ngwami

Emma mwalama namuchima eyi mifunda nawa ikhiye nahase kumulomba mangana ayihanjike, namalombelo nawa aze Emma nalilongesa:

– Zangi:

“Ove Sepa! Mulithepa lyamuchima wove, kanda nautumbamo chuma nachimwe phimbi shina themo ja zangi kaha. . .”³⁸

– Ungaji:

“Mwendenga jila ya ungaji, mwomwo eyi, muchano vene, yikhiko yakwoloka.”³⁹

– Muchano:

“Muchano ukhiko chikhuku chavilinga vyosena vyavathu.”⁴⁰

– Kuwahilila:

“Ove Mwana Muthu! Wahilila mukachi kamuchima wove, mangana upwenga wakutamo kupwa kumeso Ami nakusolola Ulangaji Wami.”⁴¹

Maribel na Beatrice navamona ngwavo vishinganyeka vili helu vinatemo nakuya nakumenekela nacho. Kalinomo ove nauputuka kutanga mukanda 3 kaha naukapwa nathando yakuhunanana kakavulu kutwala hayimwe mijimbu yahana unjiho kuli echi chilongeselo chamyaka yitanu naumwe chakutangisa vanyika vavandende kushipilitu. Nge, shimbu kanda nakulovoka thando yakumenekela vamwe visemi naumwe mulongeshi washikola yavanyike vavandende, evivishinganyeka vili hano navikakukafwako. Vishimutwilenu muli eyi thando hamutwe wachihande hamutwe wachihande mulizavu lyove lyakutanga.

CHIJINJI 16

Kunyima tunatange mazu awa a ‘Abdu’l-Bahá: “Nge kulinunga nausendo hakachi kavathu navikola, ngolo jakutunga nakuzata milimo muvihanda vyosena vyavathu najipwa jajinene.” Vaka Zuvo ya Ungaji Mukaye vamba ngwavo nge natumenekela kumazuvo nakusokolola kuvikola vyamazuvo etu mwomwo wavangeji, “tuli nakutunga jila yausendo naukulisa chimweno chetu chachikungulwilo.” Shikaho, katwatela kulelesa eji jingolo javilinga vyachisemwa chachikungulwilo chili nakuya nakukolako.

Havijinji vyakunyima tunahunanana hamitundu yayivulu yajiphande jinahase kulovoka mukumenekela tunakuzatanga kumazuvo aumwe namukwavo halwola natwenda, jinalimwange muchitungilo chetu, mumbongi chipwe mulimbo likwavo jinatale hakuzachisa kunangula cha Bahá'u'lláh mukuyoya chamuthu halwenyi namumazavu. Lwola jimwe, jikhiko najilovoka mukumenekela chachivulu chize vanawahisa mangana chitavize yimwe nambala yavathu vali nakuvulilako vakulise chinyingi chavo chachechi kunangula. Hajithando jikwavo jajivulu, vilongeselo vyakutangisa vya instituto, vimweno vyavo navisoneka, navikapwa kufwila chakushimutwila. Echi kusanyika vathu mangana vengile mumulimo wakatunga chikungulwilo nachikapwa chakutanduwula likha muli vakwetu twatunga navo namasepa. Kahawuno, hakutala kulutwe na mujila yakuzachila yinalisokolola kulutwe lwove, ove watela kulinga ngolo josena unahase mangana ulilongese kanawa mazu vanambulula muli echi chihanda, unganyale kukuluwila hakushimutwila kutwala hakhala mutwe wachihande, kaha nawa tunafwelela, utwalilileho kukolesa chinyingi chove chakunangula cha Bahá'u'lláh. Hakulinga ngocho, nachipwa kuwahilila chove chakuhona kukuma mukwazana Lizu Iya Kalunga navavavulu.

REFERENCES

1. Bahá'u'lláh, *The Hidden Words* (Wilmette: Bahá'í Publishing Trust, 2003, 2012 printing), Arabic no. 4, p. 4.
2. Bahá'u'lláh, in *Bahá'í Prayers: A Selection of Prayers Revealed by Bahá'u'lláh, the Báb, and 'Abdu'l-Bahá* (Wilmette: Bahá'í Publishing Trust, 2002, 2017 printing), p. 4.
3. *Gleanings from the Writings of Bahá'u'lláh* (Wilmette: Bahá'í Publishing Trust, 1983, 2017 printing), IV, par. 1, p. 5.
4. *Ibid.*, V, par. 2, pp. 6–7.
5. 'Abdu'l-Bahá, in *Bahá'í Prayers*, p. 81.
6. *Ibid.*, p. 111.
7. *Ibid.*
8. From a talk given on 16 August 1912, published in *The Promulgation of Universal Peace: Talks Delivered by 'Abdu'l-Bahá during His Visit to the United States and Canada in 1912* (Wilmette: Bahá'í Publishing, 2012), par. 23, p. 364.
9. 'Abdu'l-Bahá, in *Bahá'í Prayers*, p. 130.
10. *Gleanings from the Writings of Bahá'u'lláh*, XLV, par. 1, pp. 111–12.
11. 'Abdu'l-Bahá, cited by Shoghi Effendi, *The World Order of Bahá'u'lláh: Selected Letters* (Wilmette: Bahá'í Publishing Trust, 1991, 2012 printing), p. 139.
12. *Gleanings from the Writings of Bahá'u'lláh*, V, par. 5, p. 8.
13. From a talk given by 'Abdu'l-Bahá on 5 May 1912, published in *The Promulgation of Universal Peace*, par. 4, p. 128.
14. From a talk given on 21 October 1911, published in *Paris Talks: Addresses Given by 'Abdu'l-Bahá in 1911* (Wilmette: Bahá'í Publishing, 2006, 2016 printing), no. 6.7–8, p. 22.
15. *Gleanings from the Writings of Bahá'u'lláh*, CXLVI, par. 1, p. 357.
16. From a talk given by 'Abdu'l-Bahá on 5 May 1912, published in *The Promulgation of Universal Peace*, par. 4, p. 128.
17. *The Hidden Words*, Persian no. 44, p. 37.
18. *Ibid.*, Persian no. 66, p. 45.
19. From a Tablet of 'Abdu'l-Bahá. (authorized English translation)

20. From a talk given by ‘Abdu’l-Bahá on 25 September 1912, published in *The Promulgation of Universal Peace*, par. 2, pp. 478–79.
21. *Selections from the Writings of ‘Abdu’l-Bahá* (Wilmette: Bahá’í Publishing, 2010, 2015 printing), no. 43.1, p. 125.
22. *Ibid.*, no. 207.3, p. 360.
23. Bahá’u’lláh, in *Bahá’í Meetings: Extracts from the Writings of Bahá’u’lláh, ‘Abdu’l-Bahá, and Shoghi Effendi*, compiled by Research Department of the Universal House of Justice (Wilmette: Bahá’í Publishing Trust, 1976, 1980 printing), p. 3.
24. *Ibid.*
25. *Tablets of Abdul-Baha Abbas* (New York: Bahá’í Publishing Committee, 1916, 1930 printing), vol. 3, p. 631. (authorized English translation)
26. Bahá’u’lláh, in *The Kitáb-i-Aqdas: The Most Holy Book* (Wilmette: Bahá’í Publishing Trust, 1993, 2013 printing), par. 57, p. 41.
27. *Selections from the Writings of ‘Abdu’l-Bahá*, no. 48.1, p. 130.
28. From a letter dated 27 August 1989, published in *Messages from the Universal House of Justice, 1986–2001: The Fourth Epoch of the Formative Age* (Wilmette: Bahá’í Publishing Trust, 2010), no. 69.2, pp. 132–33.
29. *Ibid.*, no. 69.9–10, p. 135.
30. *The Hidden Words*, Persian no. 82, p. 51.
31. *Ibid.*, Persian no. 80, p. 51.
32. ‘Abdu’l-Bahá, *The Secret of Divine Civilization* (Wilmette: Bahá’í Publishing, 2007, 2016 printing), par. 46, p. 33.
33. *The Hidden Words*, Persian no. 49, p. 39.
34. Shoghi Effendi, cited in *Bahá’í News*, no. 13 (September 1926), p. 1.
35. From a talk given by ‘Abdu’l-Bahá on 17 November 1912, published in *The Promulgation of Universal Peace*, par. 3, p. 617.
36. From a message dated 21 April 2010, published in *Framework for Action: Selected Messages of the Universal House of Justice and Supplementary Material, 2006–2016* (West Palm Beach: Palabra Publications, 2017), no. 14.16, p. 82.
37. *Gleanings from the Writings of Bahá’u’lláh*, CXXII, par. 1, p. 294.
38. *The Hidden Words*, Persian no. 3, p. 23.

39. *Gleanings from the Writings of Bahá'u'lláh*, CXVIII, par. 1, p. 283.
40. ‘Abdu’l-Bahá, cited by Shoghi Effendi, *The Advent of Divine Justice* (Wilmette: Bahá’í Publishing Trust, 2006, 2018 printing), par. 40, p. 39.
41. *The Hidden Words*, Arabic no. 36, p. 12.